

WATIWA MAFUTA

KATIKA WAKATI WA MWISHO



Habari za asubuhi, wasikizi. Hebu na tuseme na Bwana wetu sasa.

Mungu uliye mkuu, Muumba wa mbingu na nchi, uliyetuchagulia wakati huu Kiungu asubuhi ya leo, wa kukuabudu Wewe. Basi tujalie sisi, Bwana, katika mioyo yetu tujitolee kabisa kwa mapenzi Yako ya Kiungu na kutenda kwa Roho Mtakatifu ndani yetu, kuleta kile ambacho Wewe ungetutaka tujue. Shauku yetu ni kuwa Wakristo bora zaidi na wawakilishi Wako walio bora zaidi. Naomba utujalie jambo hili asubuhi ya leo, tunapokungoja, katika Jina la Yesu Kristo. Amina.

Ketini. [Mtu fulani anasema, “Unataka kuondoa vitambaa vyako vya maombi?”—Mh.] Naam.

² Tuna furaha sana kuwa hapa asubuhi ya leo tena, ka— katika utumishi wa yule Mfalme mkuu. Nasi tunasikitika, sisi, tena, ya kwamba hatuna nafasi kwa ajili ya watu, bali ndiyo kwanza . . . Tutajaribu na kufanya vyema sana tuwezavyo, katika hali hizi.

³ Naam, wengi wana lesu na haja zilizowekwa hapa ili ziombewe. Nami naziweka tu kando; si kwamba ninazipuuzia, bali mimi hasa huziombea baada . . . kama vile, na usiku wa leo. Nitafanya hivyo asubuhi hii, halafu usiku wa leo tena, wakati . . . Kisha nitaomba na kumngoja Roho wa Mungu kwa ajili ya kuponya, na hapo ndipo ambapo napenda kuombea le—leso na kadhalika.

⁴ Na juu ya haja maalum, Billy aliziwasilisha, kila moja, kwangu. Zipo zipatazo mia tatu, na ndiyo kwanza niondoke vyumbani mle wakati huo. Mnaona, ninazifuatilia kwa haraka vivyo hivyo, na kila moja ya hizo, ninazoweza kufikia. Nami nitazishughulikia upesi tu niwezavyo. Sitaweza kuzishughulikia zote. Ninanyosha mkono tu na kuchukua moja, na kusema, “Bwana, hivi itakuwa *huyu* ndiye, na itakuwa ni *huyu*?” Namna hiyo tu, kwa sababu wao, kila mmoja, ni mhitaji, haja za kweli; kitu fulani, hapana shaka, ambacho hatuna budi kukizungumzia pamoja. Nami . . . Kidogo, mwajua, wakati mwingine Roho Mtakatifu anaweza kusema jambo fulani moja nililosoma, ambalo hudumu moyoni mwangu; narudia jambo hilo tena, na kulitafuta humo ndani hata nitakapolipata. La sivyo, mimi huziokata vyo vyote tu.

⁵ Naam, pia tunataka kusema, asubuhi ya leo, na kuwasalimu wale walio katika sehemu mbalimbali nchini. Tunataka

kuwasalimu watu hao asubuhi ya leo kwa njia hii ya mawasiliano ya simu, kwenye Jiji la New York; Beaumont, Texas; Prescott, Arizona; Tucson, Arizona; San Jose, California; Connecticut; Gainesville, Georgia; na New Albany, Indiana; kila mahali nchini. Tunawasalimu katika Jina la Bwana Yesu.

⁶ Asubuhi hii, Indiana, ni asubuhi njema. Tulikuwa na mvua jana usiku ambayo ilipoza hali ya hewa. Nasi tuna . . .Maskani imejaa watu, na kila mtu anangoja, kwa hamu kuu, kwa ajili ya somo la shule ya Jumapili. Nami natumainia ya kwamba baraka za Mungu zilizo nzuri kuliko zote zitakuwa juu yenu huko nje.

⁷ Nasi tunatumainia, upesi iwezekanavyo, kufanya nji—njia tunayoweza kupata, mahali ambapo tunaweza kuja sote pamoja, labda chini ya hema kubwa, ambapo najisikia kuongozwa dhahiri kuhubiri juu ya hivi Vitasa Saba vya mwisho katika Biblia.

⁸ Kwa hiyo sasa, ili tusichukue muda mrefu sana juu ya somo kuu asubuhi ya leo . . . Nimemwomba Bwana, nikiwaza, “Ningesema nini?” Nikijua ya kwamba huenda hii ikawa ndiyo ibada yetu ya mwisho ambayo tutawahi kufanya. Kuja kwa Bwana kumekaribia sana!

⁹ Ninaona, baada ya utabiri huo uliofanywa huko California, kuna nyumba kule, na mahali, panapozama kwa kina cha inchi thelathini kwa saa, mbao zikipasuka na kuvunjika zikididimia. Nao hawajui kinachosababisha jambo hilo. Tuko kwenye wakati wa mwisho. Manyumba ya dola laki elfu kadha, yanazama. Nina vichwa vikubwa vya maneno katika gazeti, picha, ambazo ninatumainia kuzileta usiku huu, kwa kuwa nataka kuzungumzia jambo fulani juu ya hilo usiku wa leo.

¹⁰ Halafu, tena, usiku wa leo tutawaombea wagonjwa. Njoni alasiri ya leo, saa kumi na moja, saa kumi na mbili, ama saa yo yote ile. Tutaanza mapema, nafikiri, kusudi watu waweze kuondoka mapema, na kupokea kadi zenu za maombi. Nasi tutakuwa tukiwaombea wagonjwa usiku wa leo, Bwana akipenda.

¹¹ Sasa, baada ya kufikiria kwa maombi, “Napaswa kufanya nini?” nikijua kwamba siku moja nitawajibika kwa yale ninayosema hapa . . .Nami nimeamua, ama nikajisikia nikiongozwa na Roho Mtakatifu kuzungumza asubuhi ya leo juu ya unabii, ili kutujulisha kwa namna fulani. Mnaona? Ni jambo ambalo sisi . . .Kama hatujajulishwa, na jambo lo lote litendeke vivi hivi tu, tunapaswa kujua jambo hili. Roho Mtakatifu ametupa, kuwaonya watu juu ya kuja. Mwajua, Biblia ilisema ya kwamba, “Mungu hatafanya kitu bila kwanza kuwaonyesha watumishi Wake, manabii.” Na—na jinsi Yesu alivyowaonya watu, jambo ambalo lingetukia; jinsi manabii walivyowaonya watu, yale yangetukia. Na inatupasa sasa, katika saa kuu ambayo tunaishi, kuona ni wakati gani ambao tunaishi, na

jambo linalotukia, kile kitakachotukia katika wakati huu. Kwa hiyo moja ya masomo haya ya ajabu ambayo labda tumesoma mara nyingi, liliingia moyoni mwangu ku—kuwazungumzia watu juu yake asubuhi ya leo.

¹² Sasa hebu tufungue katika Biblia zetu kwenye Mathayo sura ya 24 na tusome sehemu ya Neno. [Ndugu Branham anakohoa—Mh.] Samahani. Kwa njia ya—ya kupata yaliyomo kwa fungu letu la maneno na somo letu.

¹³ Naam, kumbukeni tutafundisha hili kama darasa la Biblia, pole pole. Chukueni penseli zenu na karatasi. Nina Maandiko mengi yaliyoandikwa humu, ili—ili kwamba mweze kuyaandika haya. Kisha mwende nyumbani mkayasome, kwa maana hili ni kama tu darasa la shule ya Jumapili, ili tupate kujua, na kuonywa na kujitayarisha kwa ajili ya saa ambazo tunaishi.

¹⁴ Katika Kitabu cha Mathayo Mtakatifu. [Ndugu Branham anakohoa—Mh.] Samahani. Aya ya 24 . . . Ama, sura ya 24, hasa, kuanzia na aya 15, nataka kusoma sehemu ya Neno Lake.

Ndipo basi hapo mtakapoliona chukizo la uharibifu, lile lililonenwa na nabii Danieli, limesimama katika patakatifu (asomaye na afahamu)

*Ndipo walio katika Uyahudi na wakimbilie milimani;
Naye aliye juu ya dari—juu ya dari asishuke
kuvichukua vitu vilivyomo nyumbani mwake;*

Wala aliye shambani asirudi nyuma kuichukua nguo yake.

Ole wao wenye mimba na waamwishao siku hizo!

*Ombeni, ili kukimbia kwenu kusiwe wakati wa baridi,
wala siku ya sabato.*

*Kwa kuwa wakati huo kutakuwepo dhiki kubwa,
ambayo haijatokea namna yake tangu mwanzo wa
ulimwengu hata sasa, wala haitakuwapo kamwe.*

*Na kama siku hizo zisingefupizwa, kusingeokoka mtu
ye yote; lakini kwa ajili ya wateule zitafupizwa siku
hizo.*

*Wakati huo mtu akikwambia, Tazama, Kristo yupo
hapa, au yuko kule, msisadiki.*

*Kwa maana watatokea makristo wa uongo, na
manabii wa uongo, nao watatoa ishara kubwa na
maajabu; wapate kuwapoteza, kama yamkini, hata
walioteuliwa.*

Tazama, nimekwisha kuwaonya mbele.

*Basi wakiwaambia, Yuko jangwani, msitoke; yumo
nyumbani, msisadiki.*

Kwa maana kama vile umeme utokavyo mashariki ukaonekana hata magharibi, hivyo ndivyo kutakavyokuwa kuja kwake Mwana wa Adamu.

Kwa kuwa po pote ulipo mzoga, ndipo watakapokusanyika tai. . .

¹⁵ Naam, kwa ajili ya somo, ningetaka kuchukua aya ya 24, kutilia mkazo aya hii kwa ajili ya shule yetu ya Jumapili asubuhi ya leo. Basi sikilizeni kwa makini ninapoisoma hii, tena.

Kwa maana watatokea makristo wa uongo, na manabii wa uongo, nao watatoa ishara kubwa na maajabu; wapate kuwapoteza, kama yamkini, hata walioteuliwa.

¹⁶ Sasa kwa ajili ya somo asubuhi hii, ama fungu la maneno, hasa, nataka kuchukua: *Watiwa Mafuta Katika Wakati Wa Mwisho*. Hilo ndilo somo ninalotaka kuzungumzia, ama fungu la maneno: *Watiwa Mafuta Katika Wakati Wa Mwisho*.

¹⁷ Naamini ya kwamba tunaishi katika wakati wa mwisho. Nafikiri karibu kila mtu ambaye. . . Msomaji wa Maandiko, ama hata mwa—mwamini, anajua ya kwamba sasa tuko katika wakati wa mwisho wa historia ya ulimwengu. Hakutakuwa na haja ya kuiandika, kwa maana hakutakuwa na mtu wa kuisoma. Ni katika wakati wa mwisho wa wakati. Kwamba ni wakati gani, sijui mimi. Kwamba itachukua muda gani, hata Malaika wa Mbinguni hawajui dakika hiyo wala saa. Bali tumekwishaambiwa na Bwana Yesu, ya kwamba, wakati mambo haya tunayoyaona sasa yatakapoanza kutimia, basi tuviinue vichwa vyetu kwa kuwa ukombozi wetu unakaribia. Naam, kile “kukaribia” kunachomaanisha, sijui mimi. Huenda ikamaanisha. . .

¹⁸ Kama vile wale wanasayansi walivyosema juzijuzi, kwenye televisheni, wakizungumzia juu ya ule mwanya mkuu wa maelfu ya maili ardhini ambao utazama. Yeye aliulizwa swali, “Ungeweza kuzama pale?” Huo ni Los Angeles, Pwani ya Magharibi. Na wengi wenu waliona jinsi walivyolifuatilia jambo hilo kwa rada, na kupitia katika. . . ukakatiza kule chini ya San Jose, ukaenda hadi ukaingia Alaska, huko nje kupitia kwanye Visiwa vya Aleutia, yapata maili mia mbili huko baharini, kisha ukarudi ukaingia San Diego, ukazunguka nyuma ya Los Angeles, kisha ukaja kule, shimo kuu.

Na matetemeko haya yote ya ardhi ambayo tumekuwa nayo ni volkeno ikipiga kata hii kubwa tupu, inavyoonekana, kule ndani. Siwezi kukumbuka jina wa—waliloita. Hata hivyo, wakati hiyo inapotetemeka, hiyo husababisha matetemeko haya ya nchi ambayo tumekuwa nayo kwa miaka mingi kwenye Pwani ya Magharibi. Sasa imefanya ufa kote kuizunguka. Nao hao wanasayansi walisema, mmoja. . .

¹⁹ Huyu mtu alimwambia huyo mwingine, “Hiyo ingeweza kuzama?”

Akasema, “Si ‘ingezama,’ bali itazama.”

Kasema, “Lakini si katika kizazi chetu, labda?”

Kasema, “Katika dakika tano zijazo, ama miaka mitano ijayo. Hatujui ni lini.”

²⁰ Juma hili, nilitumiwa kichwa cha maneno kwenye gazeti, juu ya manyumba makubwa ya dola laki moja elfu zikiatuka na kupasuka, watu wakihama. Nao hawajui jinsi ya kukomesha jambo hilo. Hakuna njia ya kulikomesha. Mnaona, Mungu anaweza kufanya lo lote atakalo, na hakuna mtu anayeweza kumwambia jinsi ya kufanya jambo hilo.

²¹ Mnajenga manyumba, mnaaweza kufanya mambo ya kisayansi, Naye Mungu ndiye muumba wa sayansi. Mtamkomeshaje? Yeye anaweza kuiangamiza nchi asubuhi hii kwa viroboto akitaka. Mnatambua, Yeye anaweza kuwanena viroboto wakaweko, nao watakuwa na kina cha futi arobaini katika muda wa nusu saa, mnaona, hakuna . . . na wawale watu wawamalize ardhini. Yeye ni Mungu. Hutenda tu atakavyo. Ni mwenye nguvu, Yeye Mwenyewe.

²² Naam, tunapooni hili ongezeko lote la ushuhuda, ya kwamba saa tunayoishi sasa, nafikiri ni jambo zuri kuyarudia mambo haya na kuyafafanua, kwa kuwa zile Muhuri zimekwisha funguliwa, na tutafute ukweli wa mambo haya, kwa kuwa Mungu amekuwa mwaminifu sana kwetu, kwa neema yake, kutuonyesha mambo haya.

²³ Nawatakeni muone hapa katika Mathayo 24, Yesu alitumia neno “Makristo,” M-a-k-r-i-s-t-o, “Makristo.” Si Kristo, bali “Makristo,” wingi, si umoja. “Makristo.” Kwa hiyo, neno *Kristo* maana yake ni “Yeye aliyetiwa mafuta.” Ndipo basi iwapo ni “kutiwa mafuta,” hakutakuwa tu na mmoja tu, bali wengi, waliotiwa mafuta, “waliotiwa mafuta.” Mnaona?

²⁴ La sivyo, kama Yeye angetaka kulichambua ili kwa namna fulani tupate kulifahamu vizuri zaidi, Yeye angesema, “Katika siku za mwisho watainuka waliotiwa mafuta wa uongo.” Naam, hilo linaonekana karibu haliwezekani, mnaona, hilo neno “kutiwa mafuta.” Bali angalia maneno yanayofuata, “na manabii wa uongo,” m-a-n-a-b-i-i, wingi.

²⁵ Naam, *aliyetiwa mafuta*, ni, “mtu mwenye ujumbe.” Na jinsi tu ujumbe unavyoweza kuhubiriwa ni kwa mtu ambaye *ametiwa mafuta*, na huyo angekuwa ni nabii, aliyetiwa mafuta. “Watatokea waalimu wa uongo waliotiwa mafuta.” Nabii hufundisha jinsi ujumbe wake ulivyo. Waalimu waliotiwa mafuta, bali watu waliotiwa mafuta walio na mafundisho ya uongo. Waliotiwa mafuta, “Makristo,” wingi; “manabii,” wingi. Na kama kuna kitu kama Kri—Kristo, umoja, basi hawa

hawana budi kuwa “waliotiwa mafuta,” kwamba unabii wa yale waliyokuwa wanafundisha ndio ungekuwa ni tofauti, kwa maana wao ni waliotiwa mafuta, waliotiwa mafuta.

²⁶ Naam, ni somo la Jumapili, tunataka ku—kujaribu kuleta jambo hili kwenye shindano halisi la kuamua, kwa Maandiko, si kwa yale mtu mwingine amesema juu yake, lakini kwa kuyasoma Maandiko tu.

Unaweza kusema, “Hii inawezekana je kuwa? Hivi waliotiwa mafuta . . .”

²⁷ Wao walikuwa nini? “Makristo,” M-a-k-r-i-s-t-o” waliotiwa mafuta. “Makristo, na manabii wa uongo.” Waliotiwa mafuta, bali ni manabii wa uongo!

Yesu alisema, ya kwamba, “Mvua huwanyeshea wenye haki na wasio haki.”

²⁸ Naam, mtu fulani aweza akaniambia, “Hivi unaamini ya kwamba huko kutiwa mafuta juu ya watu hao kunamaanisha ya kwamba ni upako wa Roho Mtakatifu?” Naam, bwana, Roho Mtakatifu halisi wa Mungu juu ya mtu, na hata hivyo wao ni wa uongo.

Sasa sikiza kwa makini uone yale aliyosema. “Nao watatoa ishara na maajabu, wapate kuwapoteza hata Walioteuliwa kama yamkini.” Nao wanatiwa mafuta kwa Roho Mtakatifu halisi. Najua jambo hili linasikika la kijinga sana, bali tutachukua wakati na kulieleza kwa Neno, ya kwamba hiyo ni Kweli kabisa, BWANA ASEMA HIVI.

²⁹ Sasa hebu tuzifungue Biblia zetu, kwa dakika moja tu, katika Mathayo sura ya 5, na kuanzia a—aya ya 45, na tuone sasa tunaposoma kwa muda mchache juu ya Maandiko haya. Halafu, tutakapofikia hapa, mbona, tutawapa . . . Kwa hiyo ninyi, kama tukishindwa kusoma yote, basi chukua Biblia yako; nawe—nawe pia unaweza kuyasoma baada ya sisi kuondoka hapa nanyi mkienda nyumbani, na—na msome vile Biblia inasema juu yake.

³⁰ Sasa kuchukua wakati wetu, kupata jambo la msingi, kwa sababu ninatoa tamshi hapa ambalo ni la kushangaza. Roho Mtakatifu anawezaje kumtia mafuta mwalimu wa uongo? Bali hilo ndilo ambalo Yesu alisema lingetukia.

Naam, Mathayo, sura ya 5, aya ya 45, hebu na tusome sasa. Hebu tufungue, tuanzie nyuma yake ki—kidogo, ya 44.

Lakini mimi nawaambia, Wapendeni adui zenu, wabarikini hao wanaowalaani, watendeni mema hao wanaowachukia . . . waombeeni wanaowaudhi;

Ili mpate kuwa wana wa Baba yenu aliye Mbinguni; maana yeye huwaangazia jua lake waovu na wema, huwanyeshea mvua wenye haki na wasio haki. (Mvua huwajilia walio waovu sawasawa na walio wema.)

³¹ Sasa ili kufuatilia jambo hili, kwenye unabii mwingine unaohusu jambo hili, na tufungue sasa kwenye Waebrania sura ya 6, kwa aya inayofuata hii, ambapo Paulo anatukumbusha jambo lilo hilo ambalo Yesu alisema. Paulo, akinena sasa. Wakati mnapoitafuta. . . Nanyi mlio kwenye matangazo, wekeni Biblia zenu karibu nanyi na kipande cha karatasi, halafu mtazame hili sasa. Waebrania sura ya 6, Paulo akiwaandikia Waebrania, akiwaonyesha vivuli na mifano, akiwaleta kutoka katika Uyuda na kuwaingiza katika Ukristo, akiwaonyesha jinsi mambo yote ya kale yalivyokuwa kivuli cha mambo yajayo. Paulo akinena sasa, Waebrania 6.

Kwa sababu hiyo, tukiacha kuyanena mafundisho ya kwanza ya Kristo. (K-r-i-s-t-o, umoja) tukaze mwendo ili tuufikilie utimilifu; tusiweke msingi tena wa kuzitubia kazi zisizo na uhai, na wa kuwa na imani kwa Mungu,

Na mafundisho ya mabatizo, na kuwekea mikono, na kufufuliwa wafu, na hukumu ya milele.

Na hayo tutafanya Mungu akitujalia.

Kwa maana hao waliokwisha kupewa Nuru, na kukionja kipawa cha mbinguni, na kufanywa washirika wa Roho Mtakatifu,

Nataka mnisikilize kwa dakika moja tu. Mlitambua, hicho ni “kipawa”; na si “vipawa,” washirika wa “vipawa vya mbinguni”? Lakini, “kipawa cha mbinguni,” umoja; “Kristo,” umoja; “kipawa,” umoja.

. . .kipawa cha mbinguni, na . . .kufanywa washirika wa Roho Mtakatifu,

Na kuonja neno . . .la Mungu, . . .(kuonja nini?) . . . neno la Mungu, na nguvu za zamani zijazo,

Wakaanguka baada ya hayo, haiwezekani kuwafanya upya hao tena hata wakatubu; kwa kuwa wamsulubisha Mwana wa Mungu mara ya pili kwa nafsi zao, na kumfedhehi kwa dhahiri.

Maana (sikilizeni) nchi inayoinywa mvua inayoinyea mara kwa mara, na kuzaa mboga zenye manufaa kwa hao ambao kwa ajili yao yalimwa, hushirikiki baraka zitokazo kwa Mungu;

Bali ikitoa miiba . . .magugu hukataliwa na kuwa karibu na laana; ambayo mwisho wake ni kuteketezwa.

Sasa linganisha hayo na Mathayo 5:24 tena. Angalia, Yesu alisema mvua na jua huja juu ya nchi, ya kwamba Mungu huituma kutayarisha chakula na vinginevyo kwa ajili ya watu wa duniani. Nayo mvua hutumwa kwa ajili ya chakula, mboga. Bali magugu, kwekwe, vikiwa mashambani, hupokea kitu kile

kile. Mvua ile ile inayoifanya ngano kukua ndiyo mvua ile ile inayoyafanya kwekwe kukua.

³² Jinsi nilivyokuwa na somo juu ya jambo hilo wakati mmoja, wakati nilipokutana na Wapentekoste kwa mara ya kwanza! Nalo lilikuwa somo kubwa kwangu. Niliwaona watu wawili, mmoja. . . Sikuwa nimewahi kusikia kunena kwa lugha hapo kabla. Mmoja alinena kwa lugha, huyo mwingine akaifasiri, na huyo mwingine vivyo. Nao wangesema kweli, wakasema kwamba, “Kuna wengi hapa wanaopaswa kutubu usiku huu. Kuna wanawake na wanaume, wote wawili.” Nao hao watu wangesimama waende madhabahuni.

Nikawaza, “Ni la utukufu jinsi gani!”

³³ Ndipo nikiwa na kile kipawa kidogo cha Roho Mtakatifu, nilizungumza na watu hao, tu, mwajua jinsi gani, katika upambanuzi, kidogo tu nipate kujua. Na mmoja wao alikuwa Mkristo halisi, naye alikuwa mtumishi halisi wa Kristo, na huyo mwingine alikuwa mnafiki. Na mmoja wao, huyo aliyekuwa mnafiki, alikuwa anaishi na mwanamke mwenye nywele nyeusi, huku anazurura na mwanamke mwenye nywele za shaba na alikuwa amezaa watoto naye. Vema, lilikuwa pale kwenye ono; halingeweza kukanushwa. Nami nikazungumza naye kuhusu jambo hilo. Akaniangalia kisha akazunguka kwenye lile jengo.

³⁴ Sasa nilikuwa nimechanganyikiwa, bila shaka. Nilifikiri nilikuwa nimekutana na malaika, kisha nikashangaa kama sikuwa kati ya pepo. Hii ingewezekanaje? Mimi sikuweza kuelewa na jambo hilo. Na kwa miaka mingi nikajiepusha nalo, mpaka siku moja wakati. . .

George Smith, yule mvulana anayetembea na binti yangu, tulienda jana, huko kwenye kinu cha kale ambako mimi huenda kuomba.

Na baada ya kuwemo mle ndani siku kadha, Roho Mtakatifu akaniletea Andiko hili. “Kwa maana mvua huinyeshea mara kwa mara na kuzaa mboga, bali michongoma na miiba huishi kwa mvua ile ile, ambayo mwisho wake ni kuteketewa.” Vikiishi kwa chemchemi ile ile itoayo uzima ya Mungu. Ndipo nikafahamu hilo. “Kwa. . .” Yesu alisema, “Kwa matunda yao wanatambulikana.”

³⁵ Naam, kwa hiyo, mvua ikishuka juu uoto wa asili wa nchi, ni mfano wa mvua ya Kiroho ambayo inatoa Uzima wa Milele, ikishuka juu ya Kanisa, kwa kuwa tunaita mvua za masika na mvua za vuli. Na ni mvua, ikinwagika kutoka kwa Roho wa Mungu, juu ya Kanisa Lake.

³⁶ Angalia, ni jambo la ajabu sana hapa. Mnaona? Wakati hizo mbegu zilipoingia ardhini, haidhuru ziliingiaje mle, zilikuwa michongoma kwanza. Lakini hapo ngano ile ambayo iliingia ardhini, na mboga, zilikuwa mboga kwanza. Na kila mboga

ikijizaa yenyewe, tena, inaonyesha ya kwamba ilikuwapo katika mwazo wa asili.

³⁷ “Nao watawapoteza Walioteuliwa kama yamkini,” maana wao wanapata mvua ile ile, baraka zile zile, wakionyesha ishara zile zile, maajabu yale yale. Mnaona? “Wao watawapoteza, ama watawapoteza Walioteuliwa kama yamkini.” Naam, mchongoma hauwezi kujizuia kuwa mchongoma, wala ngano haiwezi kujizuia kuwa ngano; ni kile Muumba wa kila mmoja alichokusudia hapo mwanzo. Hao ni wale Walioteuliwa. Mvua ile ile!

³⁸ Jua huchomoza asubuhi na kuenea kila mahali duniani, kama ilivyofanya dunia hii na siku hii tunayoishi. Nalo jua, jua lile lile linalochomoza mashariki ndilo jua lile lile linalotua magharibi. Na jua hilo linatumwa kuivisha punje juu ya nchi, ambazo miili yetu imefanywa kwazo.

³⁹ Tunaishi kwa vitu vilivyokufa. Hiyo ndiyo njia pekee unayoweza kuishi. Na iwapo kitu fulani hakina budi kufa kila siku ili upate kuishi, kwa kawaida, je! basi si ni kweli kwamba kama ninino yako . . . Mwili wako hauna budi kuishi kwa vitu vilivyokufa, kwa ajili ya maisha ya kawaida, basi huna budi kuua Kitu fulani, kiroho, kuyaokoa maisha yako ya kiroho. Naye Mungu, alifanyika mwili, nyama, kisha akafa tupate kuishi. Hakuna kanisa, hakuna kitu kingine ulimwenguni kinachoweza kukuokoa ila Mungu. Hicho ndicho kitu pekee wanachoishi kwacho.

⁴⁰ Sasa yafuatilieni Maandiko. Yesu ni Neno. “Hapo mwanzo alikuwako Neno. Naye Neno alifanyika mwili akakaa kwetu. Hapo mwanzo alikuwako Neno, naye Neno alikuwako kwa Mungu. Naye Neno alifanyika mwili, na Ndiye aliyeishi, akakaa kwetu.” “Basi mtu hataishi kwa mkate tu,” kwa mambo ya kawaida ya mwili, “bali kwa kila Neno litokalo katika kinywa cha Mungu.” Halafu, mnaona, sisi tunaishi kwa Neno, na hilo ni Mungu.

⁴¹ Sasa jua huja na kuipevusha punje. Naam, haliwezi kuipevusha yote mara moja. Inapoendelea, ikikomaa, daima inaendelea kupevuka hata inafikia kwenye suke kamili.

Ndivyo ilivyo, leo, na Kanisa. Lilianza kwenye uchanga wake, huko nyuma katika siku za giza, ambako lilikuwa limefukiwa ardhini. Likakua sasa hata likakomaa. Nasi tunaweza kuona jambo hilo, kikamilifu, jinsi ambavyo Mungu sikuzote katika maumbile . . .

⁴² Huwezi kuvuruga maumbile. Hiyo ndiyo shida leo. Tunarusha mabomu, na nje huko baharini kule, tunaivunjavunja na kuipasupasua kila mahali kwa mabomu ya atomiki. Unaendelea tu kuvunjavunja zaidi na zaidi takataka hizo wakati wote, unaziangusha mle ndani. Ukiiangusha miti; tufani itakupata. Unauzuia mto kwa boma; utafurika.

Huna budi kuipata njia ya Mungu ya kutekeleza mambo na kudumu kwake. Tumewafanya watu madhehebu katika makanisa na mashirika; angalia tulichopata! Kaa katika njia aliyoiandaa Mungu kwake.

⁴³ Lakini, unaona, “Yeye huituma mvua,” tulirudie somo letu, “kwa wenye haki na wasio haki.” Yesu anawaambia jambo hilo hapa sasa, katika Mathayo 24, ingekuwa ni ishara wakati wa mwisho.

Naam, iwapo ishara hii itajulikana tu katika wakati wa mwisho, basi haina budi kuwa ni baada ya kufunuliwa kwa Muhuri zile. Mnaona? Ni ishara ya wakati wa mwisho. Hiyo ingekuwa, wakati mambo haya yatakapotukia, itakuwa kwenye wakati wa mwisho. Na itakuwa ni ishara, sasa, ili kwamba Walioteuliwa wasichanganyikiwe katika mambo haya. Mnaliona? Basi, haina budi kufunuliwa, kuonyeshwa wazi.

⁴⁴ Angalia, vyote viwili ngano na magugu huishi kwa Upako ule ule utokao Mbinguni. Vyote viwili hufurahia juu Yake.

Ninakumbuka jambo hili, nikirejea kwa kisa hiki hapa siku ile kwenye Kinu cha Green. Ni—niliona hilo ono likitukia. Na kulikuwa na dunia kubwa, na yote ilikuwa imelimwa. Ndipo akatokea Mpanzi, kwanza. Nataka kuweka hilo mbele yenu. Angalia kinachotokea kwanza, halafu kinachofuata. Na hapo Mtu huyu mwenye vazi jeupe alipotokea kuizunguka dunia, akipanda mbegu, kisha nyuma Yake akaja mtu, amevalia nguo nyeusi, alionekana mjanja sana, akinyemelea nyuma Yake, anapanda magugu. Na wakati jambo hili lilipotukia, ndipo nikaona mimea yote miwili ikimea. Na ilipokuwa inamea, mmoja ulikuwa ni ngano, na mwingine ulikuwa ni magugu.

Kisha kukatokea ukame, hapo ambapo, ilionekana kana kwamba, yote miwili ilikuwa imeviinamisha vichwa vyao ikililia mvua. Ndipo likatokea wingu kubwa juu ya nchi, halafu mvua ikanyesha. Ndipo ngano ikainuka na kusema, “Bwana asifiwe! Bwana asifiwe!” Nayo magugu yakainuka na kupiga kelele, “Bwana asifiwe! Bwana asifiwe!” Matokeo yale yale. Yote miwili ikiangamia, yote miwili ikiondoka. Kisha ngano inainuka na kuona kiu. Na kwa sababu ilikuwa katika shamba lile lile, bustani ile ile, mahali pale pale, chini ya bubujiko lile lile la maji, ngano ikainuka kisha magugu yakainuka kwa kitu kile kile. Angalia, maji yale yale yenye upako yanayootesha ngano, huotesha magugu.

⁴⁵ Roho Mtakatifu yule yule anayelitia Kanisa mafuta, ambaye anawapa shauku ya kuwaokoa watu, anayewapa nguvu za kufanya miujiza, anawashukia wasio haki sawasawa na wenye haki. Roho yule yule! Naam, huwezi kuifanya namna nyingine na ufahamu Mathayo 24:24. Yeye alisema, “Watatokea Makristo wa uongo,” uongo, waliotiwa mafuta. Waliotiwa mafuta kwa

Kitu kilicho halisi, bali wawe manabii wa uongo wa Kitu hicho, waalimu wa uongo wa Kitu hicho.

Ni nini kingemfanya mtu atake kuwa mwalimu wa uongo kwa kitu kilicho Kweli? Sasa tutafikia ile alama ya mnyama katika dakika chache, nawe utaona ni madhehebu. Mnaona? Waalimu wa uongo; wa uongo, wametiwa mafuta. Makristo waliotiwa mafuta, bali ni waalimu wa uongo. Ndiyo njia pekee unayoweza kuliona.

⁴⁶ Ni kama tu hapa muda fulani uliopita, nimenukuu hili. Huenda nikalinukuu kwa maana tumeunganishwa kwa simu nchini kote. Siku moja nilikuwa nikizungumza na rafiki yangu, ambako hii inakuja asubuhi ya leo, huko Arizona. Naye alikuwa na shamba la jamii ya mibalungi fu—fulani. Naye alikuwa na mti pale ambao ulikuwa ni mchungwa uliokuwa unazaa mibalungi, na limau, kangaja, chenza. Nami nasahau ni matunda mangapi mbalimbali yaliyokuwa kwenye mti huo. Nami nikamwambia hu—hu—huyo mtu, nikasema, “Vipi? Ni mti wa aina gani huo?”

Akasema, “Huo mti, wenyewe, ni mchungwa.”

Nikasema, “Mbona una mibalungi? Kwa nini una malimau?”

Akasema, “Yamepandikizwa kwake.”

Nikasema, “Haya. Vema, sasa,” nikasema, “sasa, mwaka ujao wakati mti huo utakapozaa mazao mengine ya matunda,” ambapo yote huiva karibu wakati mmoja, nikasema, “basi utazaa machungwa kabisa. Kama ni wa kitovu mchungwa. Utazaa machungwa, sivyo ya kitovu bwana?”

Akasema, “La, bwana. Kila tawi lililopandikizwa litazaa kwa jinsi yake.”

Nikasema, “Una maana kwamba tawi la limau litazaa limau kutoka kwenye mchungwa huo?”

Akasema, “Naam, bwana.”

“Je! mibalungi utazaa balungi kutoka kwenye mchungwa huo?”

Akasema, “Naam, bwana. Hiyo ndiyo asili ya tawi lililopandikizwa kwake.”

Nikasema, “Mungu asifiwe!”

Akasema, “Unamaanisha nini?”

Nikasema, “Swali moja zaidi. Basi, hivi huo mchungwa utazaa machungwa tena?”

Akasema, “Wakati utakapotoa tawi jingine.” Utakapotoa tawi lingine, si wakati lingine litakapopandikizwa kwake. Lakini, yote ni jamii moja ya mibalunghi, nayo yanaishi kwa uhai wa jamii hiyo ya mibalungi katika mti huo wa jamii ya mibalunghi.

⁴⁷ Nikasema, “Haya basi! Methodisti itazaa Wamethodisti, kila wakati. Batisti itazaa Wabatisti, kila wakati. Katoliki itazaa Wakatoliki, kila wakati. Bali Kanisa la Mungu aliye hai litamzaa Kristo kutoka kwenye shina, Neno kila wakati, kama litawahi kutoa tawi lingine Lake.”

⁴⁸ Naam, unaweza kulipandikiza mle, unaona. Kila balungi, limau, chenza, kangaja, hata liwe jamii ya mibalungi gani, kila moja ya hiyo linaweza kuishi kwenye mti huo; bali likitoe ushuhuda wa uongo juu ya huo mti, likiishi kwa mti huo. Mnaliona? Yanaishi na kustawi kwa uhai halisi ulio katika mti huo.

Naam, hiyo hapo Mathayo 24:24, wakiishi kwa Uhai ule ule, bali hawakuwa sahihi, hapo mwanzo. Wao wanazaa ushuhuda wa uongo juu ya Mti huo! Ni mchungwa, hata hivyo ni jamii ya mbalungi. Nao wanasema, “Kanisa hili, madhehebu haya yanamshuhudia Kristo,” nayo yana ubatizo wa uongo, ushuhuda wa uongo wa Neno, yakijaribu kusema ya kwamba nguvu za Mungu zilikuwa tu kwa ajili ya wale wanafunzi.

Yesu, Mwenyewe, alisema, “Enendeni ulimwenguni kote mkaihubiri Injili kwa kila tawi ambalo litawahi. . . mti ambao utawahi kuzaa, tawi lo lote litakalowahi kuwa kwenye huo mti. Na ishara hizi zitafuatana na matawi yaliyo halisi.” Wapi? Mradi tu ni Mti, mradi tu unatoa matawi, hata ukamilifu wa dahari. “Katika Jina Langu watatoa pepo; watenena kwa lugha mpya; watahika nyoka; watakunywa vitu vya kufisha; wataweka mikono yao juu ya wagonjwa nao watapata afya.” Mnaona saa tunayoishi? Mnaona aliyosema Yesu?

⁴⁹ Kumbukeni, hii ilikuwa katika wakati wa mwisho, si kule nyuma chini ya Wesley na kule nyuma. Naam, katika wakati wa mwisho, hili lilikuwa litukie.

Sasa yaangalie Maandiko; hebu Hayo yashuhudie. Yesu alisema, “Mwayachunguza Maandiko, kwa maana mnafikiri, ama mnaamini, mna Uzima wa Milele ndani Yake, Nayo Ndiyo yanayonishuhudia Mimi.” Kwa maneno mengine, kama mti huu ukiwahi kuzaa tawi. . . “Mimi ndimi Mzabibu, Mti; ninyi ni matawi. Yeye aniaminiye Mimi, kazi nizifanyazo Mimi yeye naye atazifanya,” Yohana Mtakatifu 14:12.

⁵⁰ Naam, “Yeye anayekaa ndani Yangu, yeye ambaye. . . yeye aliyekuwa katika shina Langu hapo mwanzo.”

Hiyo ndiyo sababu Yesu alikuwa Shina na Mzao wa Daudi pia. Yeye alikuwepo kabla ya Daudi, alikuwa ndani ya Daudi, na alikuwa baada ya Daudi, Shina na Mzao wa Daudi pia; Nyota ya Asubuhi, Ua la Uwandani, Ninyoro ya Mabondeni, Alfa na Omega; Baba, Mwana, na Roho Mtakatifu. “Katika Yeye mnakaa utimilifu wa Uungu kwa jinsi ya mwili.” Ni Shina na pia ni Mzao wa Daudi!

“Yeye aliye Uzima ulioteuliwa, Uzima uliochaguliwa tangu zamani, ulio ndani Yangu,” Naye ni Neno, “tangu mwanzo; atakapotokea, yeye atazaa matunda Yangu.” Yohana Mtakatifu 14:12.

Lakini wengine wataishi kwa kitu kile kile, wakijiita wenyewe Wakristo na waamini. “Si wote wasemao, ‘Bwana, Bwana,’ watakaoingia.”

Naam, na hili litatukia na kudhihirishwa katika siku za mwisho, “wakati siri za Mungu zitakapotimizwa,” kama tutakavyolipata baadaye kidogo.

⁵¹ Miti hii, mzabibu wa kweli na mzabibu wa uongo! Mlinisikia nikihubiri juu ya jambo hilo tangu, kutoka miaka mingi iliyopita, jinsi ilivyokua pamoja. Nikawaleta hao watu mmoja mmoja na kuonyesha ya kwamba, tokea Kaini na Habili, ile mizabibu miwili iliyokutana madhabahuni; wote wawili ni wa kidini, wote wawili wametiwa mafuta, wote wawili wakiwa na shauku ya uzima, na wakimwabudu Mungu yule yule. Halafu mmoja akakataliwa na mwingine akakubaliwa.

Na njia pekee ambayo yule aliyepokelewa angalifanya jambo lo lote tofauti na ndugu yake, lilikuwa limefunuliwa kwake. Kwa maana Biblia ilisema, “Kwa imani...” Waebrania, sura ya 11, “Kwa imani Habili alimtolea Mungu dhabihu iliyo bora kuliko ya Kaini; ambayo Mungu alishuhudia kwamba alikuwa mwenye haki.”

Yesu, alisema, ufunuo wa kiroho wa Yeye alikuwa ni Nani! “Watu husema Mimi Mwana wa Adamu ni nani?”

Akasema, Petro akasema, “Wewe ni Kristo, Mwana wa Mungu aliye hai.”

“Heri wewe, Simoni—Simoni, Bar-yona; mwili na damu havikukufunulia jambo hili. Baba Yangu aliye Mbinguni amelifunua hilo. Juu ya mwamba huu nitalijenga Kanisa Langu,” (nini?) ufunuo wa kweli wa Neno. Huo hapo Mzabibu wa kweli tena. “Habili, kwa imani!”

Ulisema, “Haikuwa ufunuo.”

⁵² Imani ni nini? Imani ni kitu kilichofunuliwa kwako; ambacho bado hakipo, bali unaamini kitakuwepo. Imani ni ufunuo wa mapenzi ya Mungu. Kwa hiyo, kwa ufunuo!

⁵³ Na makanisa leo hata hayaamini katika ufunuo wa kiroho. Wao wanaamini katika kanuni za mafundisho ya sharti ya madhehebu fulani. “Kwa ufunuo Habili alimtolea Mungu dhabihu iliyo bora kuliko ile ya Kaini, ambayo Mungu alishuhudia kwamba alikuwa mwenye haki.” Amina. Natumaini mnalionaa hilo. Mnaona mahali tunapoishi? Mnaona ile saa?

Nilikuwa ninazungumza na mu—muungwana mmoja si muda mrefu uliopita, mwanachuoni Mkristo na muungwana. Akasema, “Bw. Branham, tunakataa funuo zote.”

⁵⁴ Nikasema, “Basi hamna budi kumkataa Yesu Kristo, kwa kuwa Yeye ni ufunuo wa Mungu, Mungu akifunuliwa katika mwili wa binadamu.” Msipoliona jambo hilo, mmeoptea.

Yesu akasema, “Msipoamini ya kwamba Mimi Ndiye, mtakufa katika dhambi zenu.” Yeye ni ufunuo wa Mungu, Roho wa Mungu aliyefunuliwa katika mfano wa mwanadamu. Kama huwezi kuamini jambo hilo, umepotea. Ukimweka kuwa mtu wa tatu, mtu wa pili, ama mtu ye yote mbali na Mungu, umepotea. “Msipoamini ya kwamba Mimi Ndiye, mtakufa katika dhambi zenu.” Ufunuo!

⁵⁵ Si ajabu wao wasingeweza kumwona. “Hakuna mtu awezaye kuja Kwangu asipovutwa na Baba Yangu. Na wote alionipa Baba,” katika yale mashina, “watakuja Kwangu.” Mnaona? Mnalifahamu? Loo, jinsi tunavyopaswa kumpenda Yeye, kumwabudu, kumsifu; kuona tunda la Roho katika siku za mwisho, na Mti wa Bibi-arusi ukiiva katika kilele cha wakati!

⁵⁶ Mzabibu wa kweli na mzabibu wa uongo, yote miwili ilikuwa na upako ule ule. Maji yaliingukia yote miwili. Si ajabu Yeye alituonya, “Itawapoteza walio Wateule kama yamkini.”

⁵⁷ Angalia, wanafanana. Wametiwa mafuta namna ile ile. Lakini angalia, “Kwa matunda yao . . .” Unaujuaje?

Unaujuaje huo si mchungwa? Kwa sababu unazaa balungi. Huo mzabibu ni sawa, unaishi kwenye ule mti, bali unazaa balungi. Si kama ule wa kwanza.

Na kama kanisa linasema wao “wanaamini Yesu Kristo ni yeye yule jana, leo, na hata milele,” na wanakana Uwezo Wake, kukana kazi Zake, kukana Neno Lake; kama—kama . . . Kanisa linalomwamini Yesu Kristo, litafanya kazi za Yesu Kristo, litakuwa na Uhai wa Yesu Kristo. Na kama halina, haidhuru kama Uhai unatiririkia ndani yake; kama haukuchaguliwa tangu zamani, kutoka kwenye yale mashina, utazaa balungi kila wakati, ama kitu kingine. Bali kama ni Uzima uliochaguliwa tangu zamani, kwenye yale mashina, utamzaa Yesu Kristo yeye yule jana, leo, na hata milele, iwapo ni Neno linalopitia kwenye lile Shina. Ambapo, Yeye ni Shina, mwanzo wa wakati.

⁵⁸ Angalia, lakini kile wanachotoa ndicho kinachokuonyesha tofauti yake. “Kwa tunda lao,” Yesu alisema, “mtawatambua.” “Mtu hachumi zabibu katika miiba,” ingawa miiba kweli iko kwenye mzabibu. Hiyo ingewezekana, bali tunda litaonyesha.

Tunda ni nini? Neno, kwa ajili ya tunda la wakati. Hivyo ndivyo ilivyo, mafundisho yao. Mafundisho ya nini? Mafundisho ya wakati, ni wakati gani. Mafundisho ya mwanadamu, mafundisho ya madhehebu, lakini, ama Neno la Mungu kwa huo wakati?

Naam, wakati unakwenda haraka sana, ambapo tungeshikilia hilo kwa muda mrefu. Bali nina hakika ya kwamba

ninyi mliopo hapa, na nina hakika ninyi mlioko kote nchini, mnaweza kuona ninalojaribu kuwaambia, kwa kuwa hatuna muda mrefu zaidi wa kudumu katika jambo hilo.

⁵⁹ Bali ili kwamba muone ya kwamba Upako unakuja juu ya wasio haki, waalimu wa uongo, na kuwafanya wafanye yale hasa Mungu aliyowaambia wasifanye; bali wao watalifanya, haidhuru. Kwa nini? Wao hawawezi kujizuia. Mwiba unawezaje kuwa kitu kingine ila mwiba? Haidhuru utamwagiwa mvua nzuri namna gani, hauna budi kuwa ni mwiba. Hiyo ndiyo sababu Yesu alisema, “Zitafanana sana zingewapoteza Walioteuliwa,” ambao ni mashina, “kama yamkini,” bali haiwezekani. Ngano haiwezi kufanya jambo lo lote ila kuzaa ngano; hiyo tu ndiyo inayoweza kuzaa.

⁶⁰ Angalia. Kumbukeni, Mungu si mwanzilishi wa madhehebu. Ibilisi ndiye mwanzilishi wa madhehebu. Nimethibitisha jambo hilo kwa Neno, kwa kila hali, na tena na tena; haitatulazimu kuingilia jambo hilo asubuhi ya leo. Tunajua ya kwamba Mungu kamwe hakuwafanya watu kuwa madhehebu pamoja namna hiyo, kuunda madhehebu. Mamia ya miaka baada ya kifo cha mwanafunzi wa mwisho, kabla hawajakuwa na madhehebu ya kwanza. Daima yameonyesha kushindwa. Kama hayajashindwa, mbona hatuko pamoja sasa katika upendo leo, Methodisti, Batisti, Presbiteri, Katoliki na wote? Kwa nini kazi za Mungu hazifuatani nasi, basi, kila kanisa kwenye jambo lile lile, Neno? Mambo hayo yanayowatenganisha watu, undugu. . . Tuko mbali na Mungu kuliko tulivyopata kuwa, makanisa, tukinena habari zake.

⁶¹ Naam, tunaambiwa, ya kwamba, “Mambo yote ya kale yalitendeka yawe mafunzo kwetu, yatuonye sisi makosa, yatuonye.” Kwamba, mambo yote ya kale ya Agano la Kale yalitukia, yakawa kivuli, kuona kile kingetukia katika Agano Jipya, katika siku zetu.

Ni kama tu hujapata kuuona mkono wako, halafu ukaangalia kuona kivuli ukutani, kama vile mkono wangu ungekuwa kutoka kwenye nuru, kama una vidole vitano hapa kwenye kivuli, wakati ile negativu; nawe uusogeze mkono wako kuelekea, ukiwa halisi, kuelekea—kuelekea kwenye negativu, huna budi utokee na vidole vitano.

Kama vile Biblia inavyotwambia, ya kwamba, “Agano la Kale likiwa kivuli, mfano wa mambo mapya, ama mambo yaliyokuwa yaje; si mambo yaliyopo, bali ni kivuli, mfano wa mambo yajayo.”

⁶² Hebu turudi nyuma tuone kama kwamba jambo hili lilipata kuwa katika wakati mwingine wo wote. Mnakubali? [Kusanyiko linasema, “Amina.”—Mh.] Kwa hiyo tutajua, kuthibitisha jambo hili, kwa kila hali, kwa Neno; si kwa wazo la mtu fulani, nadharia fulani.

Sijali yeye ni nani; mtu mwingine ye yote, mimi mwenyewe ama mtu mwingine ye yote, “Kama haneni kulingana na torati na manabii, hakuna Nuru ndani yake.” Mnaona? Hivyo ndivyo Biblia ilivyosema. “Na Neno la kila mtu liwe uongo, na Langu liwe kweli,” haidhuru yeye ni nani.

⁶³ Sasa hebu turudi nyuma tuone kama jambo hili liliwahi kutukia, kutuonyesha mfano.

Tungerudi sasa katika Kitabu cha Kutoka na kuzungumza juu ya mtu mmoja jina lake Musa, ambaye alikuwa nabii aliyetiwa mafuta na kutumwa na Mungu, akiwa na Neno la Mungu na mapenzi ya Mungu kwa ajili ya kizazi chake. Kwa vile Neno la Mungu sikuzote huwa katika mwendeleo wa moja kwa moja, Yeye alisema, “Yeye hakufanya kitu mpaka alipowafunulia manabii Wake Hilo kwanza.” Ndipo akatenda jambo hilo. Mnaona?

Naam, Yeye hawezi kusema uongo. Hawezi kusema uongo na awe ni Mungu. La, bwana. Hana budi kudumu wa kweli. Hakuna uongo ndani Yake. Yeye . . .

Naye hawezi kulibadilisha. Kama akifanya hivyo, basi Yeye si Mungu; alifanya kosa. Hana budi kuwa asiye na mwisho. Na asiye na mwisho hawezi kufanya kosa. Mnaona? Kwa hiyo lo lote analosema Mungu, hilo ni la kweli Milele. Mnaona? Naye aliahidi jambo hilo. Kwa hiyo, angalieni, hakuna mahali katika Biblia isipokuwa pale panapofuata mwendeleo wa moja kwa moja mle.

⁶⁴ Naam, Mungu alikuwa amemwahidi Ibrahimu ya kwamba uzao wake ungekuwa mgeni katika—katika nchi ya kigeni kwa miaka mia nne, kisha angemtoa kwa mkono mkuu wa nguvu na mamlaka, kuonyesha ishara Zake na maajabu miongoni mwa watu waliokaa nao. Wakati wa hiyo ahadi ukakaribia. Watu walikuwa wamesahau jambo hilo. Walikuwa na Mafarisayo na Masadukayo, na kadhalika, madhehebu. Lakini, kwa ghafula, huyu hapa Mungu anakuja peke Yake na kujiondoa, kutoka, mbali na ye yote wao.

Mungu kamwe, katika siku yo yote wala wakati wo wote, hajawahi kumwita nabii kutoka katika madhehebu. La, bwana. Yeye amechanganyikiwa sana, asingeweza kufanya jambo hilo; angepaswa kukaa na madhehebu hayo.

⁶⁵ Musa, mtu aliyetumwa kutoka kwa Mungu, akiwa na Neno la Mungu, na akiwa safarini mwake akiwachukua wana wa Israeli kuwaingiza katika nchi ya ahadi, akishika amri ya Mungu kabisa, alikutana na nabii mwingine, mtiwa mafuta mwingine kwa upako wa kweli wa Roho Mtakatifu yule yule aliyekuwa juu ya Musa. Hiyo ni kweli. Yeye alikuwa nabii. Roho Mtakatifu alikuwa juu ya mtu huyu. Jina lake lilikuwa Balaamu. Sote tunamjua. Vema, mambo yale yale, jambo lile lile, mambo—mambo aliyosema mtu huyo, yangali yanatendeka, yapata miaka elfu mbili mia nane iliyopita. “Wewe ni kama nyati, Ee Israeli.

Yeye akubarikiye atabarikiwa. Yeye akulaaniye atalaaniwa. Nguvu zako, na uweza, jinsi mahema yako yalivyo na haki, Ee Yakobo!” Mnaona, asingaliweza kujizua. Yeye alikuja pale akiwa ameamua moyoni mwake kuwalaani hao watu.

⁶⁶ Loo, enyi waalimu wa uongo mliosikiza kanda hizi miaka hii yote, na kuona Mungu akithibitisha yale hasa aliyosema, na mnaketi katika vyumba vyenu vya kusomea na kujua ya kwamba ni Kweli; na kwa sababu ya tofauti zenu za kimadhehebu, mnaupinga na kuwaambia watu wenu si kweli. Ole wenu! Wakati wenu umekaribia.

⁶⁷ Balaamu, aliyetiwa mafuta kwa Roho yule yule aliyekuwa juu ya Musa. Tofauti ilikuwa ni nini? Mafundisho ya Musa yalikuwa makamilifu. Biblia ilisema hapa katika Petro wa Pili, ya kwamba ilikuwa ni “mafundisho ya Balaamu” ambayo Israeli walipokea, ambayo Mungu kamwe hakusamehe. Dhambi isiyosameheka! Hakuna hata mmoja wao aliyeokolewa, hata ingawa walikuwa wamekuja chini ya baraka za Mungu, na kuuona mkono wa Mungu ukimtumia nabii huyu mkuu, na kuuona ukithibitishwa kikamilifu na Mungu. Na, kwa sababu, nabii mwingine aliingia na mafundisho fulani, kinyume, na kumpinga Musa, na kujaribu kuwathibitisha watu ya kwamba Musa alikuwa amekosea. Naye Dathan, Korah, na wengine wengi, walikubaliana naye na kuwafundisha wana wa Israeli kufanya uasherati, kuyafuata madhehebu yake, ya kwamba, “Sisi sote tu kitu kimoja.”

“Kama sisi ni Wamethodisti, Wabatisti, Wapresbiteri, ama Wapentekoste, na cho chote kile, sisi ni kitu kimoja.”

⁶⁸ Sisi si kitu kimoja! Sisi ni watu waliotengwa, watu watakatifu kwa Bwana, waliowekwa wakfu kwa Neno na Roho wa Mungu, kuzaa tunda la ahadi Yake ya siku hii. Nawe si mmoja wao! Najua hilo ni kali sana, bali hiyo ni Kweli haidhuru. Waliowekwa wakfu kwa ajili ya utumishi katika siku hizi za mwisho! “Tokeni kati yao.”

⁶⁹ Naam, “mafundisho ya Balaamu,” si unabii wa Balaamu. Huo ulikuwa sawa. Huyu alikuwa ni Mungu. Ni wangapi wanaoamini jambo hilo? [Kusanyiko linasema, “Amina.”—Mh.] Unabii wa Balaamu ulikuwa sawa kabisa, maana yeye asingeweza kunena lingine. Upako wa Mungu usingalinena kitu kingine cho chote, naye Mungu aliuhakikisha kwa kuthibitisha ulikuwa Kweli. Lakini ilikuwa “mafundisho ya Balaamu.”

⁷⁰ Sasa linganisha hilo na Mathayo 24:24. Waliotiwa mafuta, ila mafundisho yao ni ya uongo. Wa utatu, na mambo yote kama hayo; makosa, upinga Kristo!

Natumaini hamtaudhika. Wala msiifunge hiyo, hizo simu. Wala msiamke na kutoka nje. Tulieni tu, na tuone kama Roho Mtakatifu hatatufunulia jambo hilo, na kututhibitishia. Mnasema, “Lakini hilo...” Lo lote tu unaloamini, keti tu

kimya usikilize. Kisha umwombe Mungu aufungue moyo wako, ndipo utaona kama wewe ni mbigiri, ama mwiba, ama po pote unaposimama. Unaona?

⁷¹ Naam, hata Yuda, “aliyejulikana tangu zamani apate kulaaniwa,” alikaa pale mbele ya Yesu. Naye Yesu akamwambia, “Wewe ndiwe. Lo lote unaloenda kufanya, na lo lote linakubidi kufanya, nenda ukalifanye upesi.” Yeye akijua alichokuwa anafanya, lakini, kwa ajili ya vipande hivyo thelathini vya fedha, na kupendwa na watu, alimuuza Bwana Yesu Kristo. Mmoja wa wanafunzi wake, mweka hazina wa kanisa, Yesu alimwita “rafiki” Yake. Mnaona? Biblia ilisema, “Yeye alizaliwa mwana wa upotevu,” kama vile vile tu Yesu alivyozaliwa Mwana wa Mungu. “Kuwapoteza walioteuliwa kama yamkini.”

⁷² Angalia kwa makini tunapoendelea kusoma. Tutachukua mfano mwingine, katika Kitabu cha Wafalme. Kulikuweco na—na nabii, na jina lake lilikuwa Mikaya. Alikuwa mwana wa Imla, naye alikuwa ni nabii. Alikuwa nabii.

Kisha kulikuwa na nabii mwingine, mkuu wa shirika la manabii, waliotiwa mafuta. Biblia ilisema walikuwa “manabii,” kama tu vile alivyosema Balaamu alikuwa nabii, waliotiwa mafuta.

Na kulikuweco na mmoja wao jina lake Mikaya, aliyekuwa ametiwa mafuta na Mungu na kutumwa na Mungu, akiwa na Neno la Mungu.

Kulikuweco na mmoja, Zedekia, aliyefikiria ametumwa na Mungu. Yeye alikuwa ametiwa mafuta na Mungu, bali mafundisho yake yalikuwa kinyume cha Neno la Mungu. “Watainuka, Makristo wa uongo, waonyeshe ishara kuu, wangewapoteza Walioteuliwa kama yamkini.”

⁷³ Angalia, wote wawili, wote wawili walikuwa wametiwa mafuta. Naam, ungewezaje kujua ni nani aliyekuwa wa kweli, na wa uongo? Angalia kile Neno lilichomwahidi Ahabu. Yule nabii aliyemtangulia, ambaye alikuwa Eliya, mmoja wa manabii wakuu sana wa wakati huo, ambaye alikuwa nabii aliyethibitishwa. Huyu nabii aliyethibitishwa alisema, ya kwamba, “Kwa sababu Ahabu alikuwa amefanya uovu huu, ya kwamba mbwa watairamba damu yake; alimua Nabothi. Na ya kwamba mbwa watamla Yezebeli, na . . . mwili wake ungekuwa mavi kondeni.” Naam, wawezaje kubariki kile alicholaani Mungu? Ama wawezaje kulaani, kama Balaamu alivyosema, alichobariki Mungu? Mnaona?

Bali manabii hawa walikuwa waaminifu. Hapana shaka ila walikuwa watu wazuri, watu wenye heshima. Kwa kuwa, kuwa nabii katika Israeli, huna budi kuwa mtu mwenye heshima, ama hata kuwa Mwisraeli. La sivyo, ulipigwa mawe. Walikuwa watu wenye heshima. Walikuwa watu werevu. Walikuwa watu wenye elimu. Walikuwa wamehaguliwa na Ahabu, kutoka taifani.

(Unaona jambo hilo, Dada Wright?) Waliochaguliwa wa taifa hilo, waliostahili hicho che- . . .

⁷⁴ Na sasa, wakati Mikaya alipoona ono lake, alijua moyoni mwake vile Neno lilivyokuwa limesema, bali alitaka kuona yale Roho aliyekuwa ndani yake angesema.

Kwa hiyo wao wakamwambia, wakasema, “Usemema jambo lile lile hawa manabii wengine wanalosema. Na utakapofanya hivyo, naam, utakuwa, tutakuchukua tukuingize katika huu ushirika, hapana shaka, tena. Mnaona? Tutakufanya mmoja wetu. Tutakurudisha katika madhehebu yetu. Wewe ni. . . Tunajua wewe ni nabii, bali sikuzote unasema mambo ya laana. Sikuzote unamlaani Ahabu. Naam, Zedekia, yule mtu mkuu, papa, ama yule. . .” cho chote alichokuwa. “Sasa amembariki Ahabu, na kusema, ‘Nenda ukafanye hivyo.’ Sasa wewe sema jambo lile lile, Imla. Naam, wewe ni mtu maskini tu. Huna kusanyiko lo lote, karibu huna, kabisa. Na jamaa hawa wana mamilioni. Taifa zima liko upande wao. Sasa wewe sema jambo lile lile wanalosema, uone jinsi utakavyofanya, uta—wewe kula utajiri wa nchi.” Anazugumza na mtu mwingine pale!”

⁷⁵ Vipi kama ingalikuwa imesemwa, “Waweza kupata kosa lo lote kwake Zedekia, Mikaya?” “La.” “Umeepata kumshika katika dhambi?” “La.” “Umeishawahi kumsikia akimlaani mtu ye yote?” “La.” “Umeishawahi kumshika amelewa?” “La.” “Unaweza kuitilia shaka elimu yake?” “La.” “Unaamini digrii yake ya udaktari ni ya uongo?” “La.” “Unaamini Ph.D ya— yake ni sawa?”

“Bila shaka. Kwa halmashauri ya Sanhedrin; nafikiri ni halmashauri yote, nafikiri ni sawa.”

“Vema, basi, mbona usiungane naye?”

“Kwa sababu yeye yuko nje ya Neno!”

⁷⁶ Vema, tutakuwa na mashindano ya jambo hilo, basi, kama nabii Eliya kabla ya hapo. Na iwapo wewe ni mwana wa Mungu, utakaa pamoja na nabii wa Biblia hii. Ni Neno. Angalia ile saa, huo wakati.

⁷⁷ Vema, vipi kama Zedekia alisema, “Loo, najua nabii alisema jambo hilo, bali hilo ni kwa ajili ya kizazi cha usoni. Hilo ni kwa ajili ya muda mrefu tangu sasa?”

Akasema, “Ngojeni mpaka nitakapoona ono kutoka kwa Mungu, halafu nitawaambia.”

Kasema, “Ndipo utasema jambo lile lile?”

Akasema, “Nitasema tu kile Mungu asemacho; hakuna lingine, hakuna zaidi. Siwezi kuongeza neno moja Kwake, wala kuondoa neno moja Kwake.”

Kwa hiyo usiku huo, katika maombi, Bwana akamjia katika ono. Akatoka akaenda asubuhi yake, akasema. . .

Kuna manabii wawili!

⁷⁸ Mtu mkubwa sana taifani, katika jeshi na mbele ya taifa, alikuwa ni Zedekia. Alikuwa mkuu wa manabii, kwa mfalme. Yeye alikuwa ndiye mkuu wa manabii wengine wote, kwa madhehebu. Alifanywa, na madhehebu yake, mkuu wa hao wote; labda ndiye aliyesoma sana, aliye na elimu sana, aliyefaa zaidi kwa hiyo kazi. Naye alikuwa ametiwa mafuta na Roho Mtakatifu, kwa kuwa anaitwa “nabii.” Bila shaka, si nabii tu wa kawaida, yeye alikuwa nabii wa Kiebrania. Sasa mwangalie.

⁷⁹ Zedekia alisema, “Bwana alisema nami, ‘Nitengenezee pembe hizi mbili za chuma,’ mfano.” Nabii kwa kawaida hutoa mifano. “Yeye alisema, ‘Tengeneza pembe hizi kwa chuma.’ Roho Mtakatifu aliniambia, ‘Chukua hizi,’ kule Kutiwa mafuta kulikonibariki.” Msifikirie hilo kama kupuuzi dini, ila ni kwa kuelezea jambo fulani. “Roho Mtakatifu hunena kwa lugha kupitia kwangu, Yule ambaye amenithibitisha, Yeye alisema, ‘Chukua pembe hizi, na, kwa hii, mwambie mfalme ya kwamba atawasukumia Waashuri moja kwa moja watoke nchini. Nami nitamrudishia ile nchi ambayo kweli ni mali ya Israeli, kanisa”

Ndugu, hilo ni la kimsingi sana, ni kama tu Balaamu alivyokuwa hapa. Balaamu alikuwa tu kwa kunena kimsingi sawasawa na Musa alivyokuwa. Musa . . . Namba ya Mungu ya kweli ni saba. Naye Balaamu akasema, “Nijengee madhabahu saba; dhabihu saba zilizo safi, maksai, na kondoo dume saba.” Hiyo ni kunena juu ya kuja kwa Mwana wa Mungu. Kimsingi, yeye alikuwa sahihi kama ye yote wao.

⁸⁰ Na huyu hapa Zedekia, akiwa sahihi vivyo hivyo kimsingi, “Kwa maana nchi hii ni mali yetu. Naam, hao Waashuri na Wafilisti kule wakizijaza tumbo zao, za watoto wao na kadhalika, adui yetu, na chakula ambacho watoto wetu hawali! Ambapo, Mungu alitupa sisi nchi hii!”

Ndugu, hiyo ni hoja nzuri. Nafikiri yeye angalilipazia jambo hilo sauti mbele ya Israeli, nao wanalipiga kelele kwa nguvu walivyoweza. Naam, ninazungumzia juu ya leo hii. Natumaini mnanielewa. Kupiga kelele kwote, kupaza sauti!

⁸¹ Mnamkumbuka Daudi Jumapili iliyopita? Mnaona? Ninyi huko nje kwenye redio, ama mahali palipo na mawasiliano haya ya simu; hamkupata Ujumbe wa Jumapili iliyopita, hakikisheni mmeupata. *Kujaribu Kumfanyia Mungu Kazi Bila Kuchaguliwa Kuifanya*, haidhuru inafanywa kwa uaminifu jinsi gani, nzuri, haipokelewi kabisa na Mungu. Mnaona?

Naam, Zedekia alikuwa hapa, akifikiri yu sahihi.

⁸² Mikaya akasema, “Hebu nimuulize Mungu.” Kwa hiyo akarudi asubuhi iliyofuata akiwa na BWANA ASEMA HIVI. Akalichunguza ono lake kwa Neno.

83 Sasa kama angalimwambia Zedekia, “Unajua yale nabii wa Biblia hapa alisema kingempata jamaa huyu?”

84 “Lakini si wakati huu, kwa sababu mtu huyu ni mtu mwaminifu. Yeye anajaribu.” Msikose kulipata hili. “Yeye anajaribu kulirudishia kanisa mali ya kanisa. Anajaribu kulirudishia mali yake,” si mambo ya Kiroho; kama angejaribu kurudisha hayo, yeye angalilitikisa taifa hilo lote kama alivyofanya Eliya. Lakini, anajaribu kuwapa mambo ya kimwili, “Tuna mali. Sisi ni madhehebu makubwa. Sisi ni wafuasi wake. Sisi sote, nyinyi nyote, ninyi Waprotestanti, nyote mwapaswa kuungana nasi.” A-ha.

Tunalifikia hilo hivi punde. “Wote ni ndugu na dada, haidhuru.” Sivyo! Hawajapata kuwa wala hawatapata kuwa, kwa Kanisa halisi na la Kweli la Mungu. Haiwezekani!

85 Angalia, yeye aliona ono. Na kwa hiyo akasema, “Mungu alinena nami.” Naam, angalia, huyo mtu alikuwa mwaminifu. Alisema, “Yeye alisema, ‘Zitengenze pembe hizi, kisha upande uende kule mbele ya mfalme ukasukume upande wa magharibi,’” ama jinsi yo yote ile nchi ilivyoegemea kutoka mahali walipokuwa wamesimama. “‘Sukuma, na hiyo itakuwa ni BWANA ASEMA HIVI, ya kwamba atashinda vita na kurudi, ushindi kwa ajili ya kanisa.’ Mtawasukumia mbali!” Hilo liko karibu sana, sivyo? Shida ilikuwa nini?

Huyu hapa Mikaya anashuka anakuja. Kasema, “Sasa wewe toa unabii wako.”

86 Kasema, “Kwea! Bali nilimwona Israeli kama kondoo, wametawanyika, bila mchungaji.” Whiu! Vinginevyo kabisa.

87 Naam, ninyi ni kusanyiko. Naam ni nani aliye sahihi? Wote wawili, manabii. Jinsi tu unavyoweza kujua tofauti kati yao, ni kwamba, lichunguze kwa Neno.

Kasema, “Unapataje jambo hili?”

Yeye akasema, “Nilimwona Mungu ameketi juu ya Kiti cha Enzi.” Kasema, “Niliona halmashauri yote imemzunguka.”

88 Sasa kumbuka, Zedekia alisema ndiyo kwanza amwone Mungu, pia, na Roho yule yule. “Nilimwona Mungu. Aliniambia nitengenze pembe hizi kwa—kwa chuma. Niondoke niende kule nikayafukuze hayo mataifa kutoka hapa, kwa maana hii ni yetu. Hao wengine hawana haki kwake.” Wangukuwa nayo kama wanalikuwa wamedumu waaminifu kwa Mungu. Wangaliipata hiyo, bali walimwacha Mungu.

Hivyo ndivyo madhehebu yalivyo, kanisa. Lina haki ya mambo haya, bali mmedanganywa mkaondoka kwake, kwa sababu mliliacha Neno la Mungu na Roho wa Mungu, kutiwa mafuta, ili kulithibitisha Neno la wakati huu. Msikose kuupata Ujumbe huu.

⁸⁹ Angalia kilichotukia sasa. Yeye alisema, “Nilimwona Mungu,” Mikaya alimwona, “ameketi kwenye Kiti cha Enzi Mbinguni. Halmashauri Yake ilikuwa imekusanyika karibu Naye. Akasema, ‘Tunaweza kumtuma nani ashuke aende akamdanganye Ahabu, kuyatimiza maneno ya Eliya; nabii Wangu aliyethibitishwa. Nilinena kwamba angekuja. Naye Eliya alikuwa na Neno Langu. Na mbingu na nchi zitapita, bali Neno Langu halitashindwa. Sijali wanakuwa wa kisasa jinsi gani, ama wanavyokuwa wema, ama wanakuwa na elimu jinsi gani, ama ni wakubwa jinsi gani, Maneno Yangu hayatashindwa kamwe.’

“Na roho wa uongo akapanda kutoka kuzimu, akapiga magoti, akasema, ‘Kama Wewe ukirinuhusu tu, naweza kuwapa upako wangu, niwafanye wafanye namna yo yote ya ishara na maajabu, mradi tu ninawatoa kwenye Neno. Hata hatajua kwamba Hilo ni Neno Lako. Atalipuuza, kwa ajili ya kupendwa na watu.’” Ndugu, nyakati hazijabadilika. Ndugu Neville, hiyo ni kweli. Kumbuka, jambo hilo ni kweli. “Nitamshukia, nimfanye afanye mambo yale yale wanayofanya wengine wao. Nitamfanya atoe unabii, na kusema uongo.” Ingekuwaje uongo? Kwa sababu ilikuwa ni kinyume cha Neno.

⁹⁰ Hebu chukua yo yote ya mabatizo haya ya uongo, *fulani na fulani na fulani* za uongo, sijali linavyosikika likiwa halisi, jinsi wanavyojaribu kuiga, ni uongo kama ni kinyume cha Neno la Mungu la wakati huu. Hiyo ni kweli hasa.

Unasema, “Vema, yetu, vema, tulifanya jambo *hili*, na tunafanya jambo *hili*, na kanisa letu ni namna *hii* na namna *ile*.”

Sijali ni nini. Kama ni kinyume cha Neno lililoandikwa la wakati huu, ni uongo. Mungu hatakuwa na uhusiano wo wote nalo, haidhuru ni aminifu namna gani, ni la kielimu jinsi gani, ni la akili jinsi gani, linasikika la kweli jinsi gani, linasikika ni zuri jinsi gani, iwapo ni kinyume cha Neno la wakati huu. [Ndugu Branham anaigonga mimbara mara mbili—Mh.] Tutaingilia jambo hilo ndani kidogo katika dakika chake, wakati ukituruhusu. Kama hatufanyi jambo hilo, tutalichukua tena usiku wa leo.

⁹¹ Angalia, yeye alikuwa mwaminifu, mtu mzuri, hapana shaka. Naye akasema... Kisha, au, Mikaya alimwambia, si mbele yake kabisa, lakini kwa maneno mengine, “Umepagawa na roho wa uongo.” Si hilo lingekuwa jambo kuu kumwambia askofu? Bali yeye alimwambia.

⁹² Na kwa hiyo askofu huyu alienda kule akasema, “Hutakuwa na ushirika tena,” akampiga kofi usoni. Kasema, “Unajua ya kwamba mimi ni mtu aliyethibitishwa. Kanisa langu lilinifanya kiongozi wake, kitu hiki. Kura ya watu wengi wa Mungu ilinifanya hivi. Madhehebu yangu yalinifanya hivi. Naye Mungu alitupa nchi hii, Naye anaitaka iwe mali yetu. Nami nina

BWANA ASEMA HIVI.” Akampiga kofi, akasema, “Roho wa Mungu alienda upande gani aliponiacha?”

⁹³ Mikaya akasema, “Utaona, moja ya siku hizi,” wakati California iko huko chini ya bahari huko, na mambo haya yote. Mnaona? “Utaona ilipitia njia gani, wakati unaketi kwenye magereza ya ndani.”

⁹⁴ Naam, Ahabu, utasema nini? “Ninaamini nabii wangu,” akasema. Vipi kama yeye alilichunguza tu Neno? Mnaona, yeye hakutaka kujiona amelaaniwa. Nisikieni! Hakutaka kujiona amelaaniwa. Hakuna mtu anayetaka.

Na kimadhehe-. . . ndugu yangu wa kimadhehebu, hiyo ndiyo shida yako. Unataka kufikiri ya kwamba wewe ni sahihi, wakati, unajua moyoni mwako, unapobatiza ukitumia jina la “Baba, Mwana, Roho Mtakatifu,” unadanganya. Unajua wakati unatabi-. . . unasema mambo hayo unayofanya, na kuchukua dhihirisho la kwanza, na mambo yote kama hayo, umekosea. Dhihirisho la kwanza linawezaje kuwa ni kunena kwa lugha, halafu unanena kinyume cha ahadi ya Mungu ya wakati huu? Inawezekanaje? Hutaki laana, sivyo? Bali *Hapa* imeandikwa, ndivyo itakavyokuwa. Hiyo ndiyo ile alama ya mnyama, inafanana sana hata ingewapoteza Walioteuliwa kama yamkini.

⁹⁵ Kila ishara, kila ajabu, mtu aliyetiwa mafuta, unabii, kila aina ya mambo yanayoendelea; aina zote za ishara, aina zote za maajabu, utajuaje tofauti yake? Angalia Neno la wakati huu. Hivyo ndivyo unavyochukua. . .

⁹⁶ Mwangalie Musa, jinsi angaliweza kumwambia Balaamu. Mwangalie Mikaya hapa, tulijuaje ya kwamba alikuwa sahihi? Neno, kabla yake, lilikuwa limetabiri jambo hilo kwa ajili ya Ahabu. [Ndugu Branham anagongagonga mimbara mara kadha—Mh.]

Nalo Neno, kabla yetu, lilitabiri haya madhehebu kwa ajili ya siku hizi, na laana hii juu yao. Na mambo ambayo yangetukia kwa Kanisa Lake lililotiwa mafuta kweli, litakuwa na Neno, Bibi-arusi Neno. Tumewasili. Hili hapa, leo, sawasawa tu na ilivyokuwa wakati huo.

⁹⁷ Biblia ilisema, “Kwa vinywa vya mashahidi wawili au watatu kila neno na lithibitishwe. Nilinena juu ya Balaamu, nilinena juu ya Balaamu na juu ya Musa. Nami nimenena sasa juu ya Mikaya na Zedekia. Sasa nitatoa mmoja zaidi. Ambapo, kuna mamia ya hao, bali mmoja zaidi, kuwafanya mashahidi watatu. Nina mlolongo mzima wa hao ulioandikwa hapa; bali ili kuokoa wakati.

⁹⁸ Yeremia aliyekuwa amethibitishwa, amekataliwa, bali alikuwa nabii wa Mungu aliyethibitishwa. Wao walimchukia huyo mtu. Wamlitupia mabi-. . . matunda yaliyooza, na cho chote kile. Naye akawalaani. Na mambo aliyofanya, na akalala

nje hapo kwa ubavu wake, na kadhalika, naye akatoa ishara ya kwamba israeli ilikuwa imekosea.

Kila nabii, nabii wa kweli aliyepata kuinuka ulimwenguni, aliyalaani mashirika hayo ya madhehebu ya kanisa. Yangewezejaje kubadilika, kwa Mungu asiyebadilika?

⁹⁹ Roho Mtakatifu ndiye Nabii wa wakati huu; Yeye analihakikisha Neno Lake, akilithibitisha. Roho Mtakatifu alikuwa ndiye Nabii wa wakati wa Musa. Roho Mtakatifu alikuwa Nabii wa wakati wa Mikaya. Roho Mtakatifu, aliyeliandika Neno, anakuja na kulithibitisha Neno.

¹⁰⁰ Sasa ni nini kilitukia wakati wa Mikaya? Ahabu aliuawa, kisha mbwa wakairamba damu yake, kulingana na Neno la Mungu.

Enyi waalimu wa uongo nyote, ndivyo anavyosema Mungu, siku moja mtavuna mnayopanda, enyi viongozi vipofu wa vipofu! Sina hasira. Ninawaambieni tu Kweli. Na nisingelisema jambo hili kama hapa, kwenye kile chumba, kama Roho Mtakatifu hakusema, “Liseme kwa njinsi hiyo.” Je! nimepata kuwaambia jambo lo lote lisilo kweli ila lile Mungu alilothibitisha kuwa ni kweli? Amkeni, ndugu zangu, kabla ya kuchelewa sana!

¹⁰¹ Bali hebu niseme jambo hili. Mwiba ungewezaje kuamka kisha uwe mchongoma, wakati ulikusudiwa tangu zamani kuwa hivyo? Wateule wangewezejaje kutoliona? Kwa sababu, wao wamechaguliwa kuliona. “Wote alionipa Baba watakuja Kwangu,” alisema Yesu, “lakini hakuna mmoja wao anayeweza kuja isipokuwa Yeye amenipa Mimi hiyo tangu kuwekwa misingi ya ulimwengu, hapo majina yao yalipowekwa kwenye Kitabu cha Uzima cha Mwana-Kondoo,” si kwenye kasisi wa mtaa wa kanisa, bali kwenye Kitabu, Kitabu cha Uzima cha Mwana-Kondoo.

¹⁰² Angalia, Yeremia alisimama, aliyethibitishwa mbele ya watu, hata hivyo walimchukia.

¹⁰³ Na kwa hiyo wakaondoka wakatengeneza nira, yeye aliitengeneza, na kuiweka shingoni mwake, akaondoka akaenda mbele za watu. Wao wakasema, “Loo, sisi tu watu mashuhuri wa Mungu. Naam, sisi ni Israeli. Sisi ni waaminifu sana kwenye sinagogi letu! Tunaihudhuria kila Jumapili, sisi, tunatoa dhabihu, na tunalipa fedha zetu. Nebkadreza anawezaje kuvishikilia vitu vitakatifu vya Mungu?” Hum! Dhambi zenu zilisababisha jambo hilo.

Mungu alisema, “Mkizitii amri Zangu, sitafanya jambo hili. Lakini, kama hamzitii, linawajia.” Hiyo ni kweli kabisa. Ingali vile vile. Zitiini amri Zake, Neno Lake la wakati huu, yale aliyoahidi.

¹⁰⁴ Sasa angalia. Naam, Yeremia, kwa mapenzi ya Mungu, nabii aliyethibitishwa, ingawa alichukiwa. . . Kila mmoja wao alichukiwa katika siku zao. Wao walitenda mambo hayo ya ajabu sana kinyume cha madhehebu yao ya siku hiyo, kila mmoja alimchukia, hata wafalme na cho chote kile. Kwa hiyo alijifunga ni—nira shingoni mwake, na kusema, “BWANA ASEMA HIVI. Mtakaa huko miaka sabini,” maana yeye alifahamu kutokana na Neno la Mungu. “Miaka sabini!”

¹⁰⁵ Ndipo Hanania, Hanania, nafikiri mnalitamka, H-a-n-a-n-i-a. Hanania, nabii miongoni mwa hao watu, akatokea, akaitoa ile nira kwenye shingo ya Yeremia, akaivunja. Kisha akasema, akiwa mtu mkubwa miongoni mwa watu, mnaona, huku likinena kinyume cha Neno la Mungu. Kisha akasema, “Miaka miwili watarudi. BWANA ASEMA HIVI.”

Manabii wawili waliotiwa mafuta. Tofauti kati yao ilikuwa vipi? Mmoja alikuwa ananena Neno, na huyo mwingine sivyo. Yeremia akasema, “Amina.”

¹⁰⁶ Mbele ya wazee wote na kusanyiko, Israeli yote, mnaona, alitaka kuonyesha angeweza kuwa mkubwa tu kama Yeremia. “Unajua wao hawakutaki, hata hivyo. Kwa hiyo mimi ni nabii, pia. Mimi ni nabii zaidi ya ulivyo wewe, kwa maana wewe unatabiri uongo. Unaniambia watu wa Mungu watakuwa chini ya kitu *kadha na kadha?*”

Hivyo ndivyo wanavyosema leo, bali mtakuwa huko hata hivyo, kama kanisa. Mmelaaniwa kwa laana. Ninyi makanisa yote, madhehebu yanashikilia mapokeo yao ya mwanadamu badala ya Neno la Mungu, mmelaaniwa na Mungu.

¹⁰⁷ Sasa angalia, huyu hapa anakuja. Hanania anatoa kwa nguvu nira hii kutoka kwenye shingo yake, ishara ya Mungu, akaivunja, akasema, “BWANA ASEMA HIVI. Miaka miwili watarudi.” Ni kwa kujionyesha tu, “Mimi ni *Fulani*.” Kwa sababu alisimamia katika, alikuwa nabii wa kimadhehebu.

¹⁰⁸ Yeremia alikuwa mtu wa jangwani aliyeishi peke yake. Alitabiri maovu dhidi yao wote sikuzote, maana walikuwa waovu.

Naye mtu huyu alikuwa akiwaambia, “Loo, ninyi ni sawa tu mradi mu wafuasi. Mradi tu ninyi ni Israeli, hilo tu ndilo linalohitajika. Mnaona, ninyi, sisi. . . Mungu hatafanya jambo hilo. Najua kuna kitu kidogo kilichotendeka hapa, lakini msiwe na hofu, msiogope.”

Loo, ndugu, wangali wanaishi leo. “Msifadhaike, tumedhibiti kila kitu. Kila kitu ni shwari. Sisi ndio Kanisa.” Msiwazie hayo. Naam.

¹⁰⁹ Kwa hiyo akasema, “Kila kitu ni sawa. Wao watarudi katika muda wa miaka miwili. Hilo ni jambo dogo lililotukia. Si

jambo lisilo la kawaida. Mambo hayo tunayo. Ni Nebkadreza tu aliyekuja hapa, bali Mungu wetu atayashughulikia haya yote.”

Bali Neno lilisema wao watakuwa huko miaka sabini; hata kizazi hicho kiwe kimepita, na kizazi kingine. Miaka arobaini ni kizazi kimoja. “Hivi ni karibu vizazi viwili ambapo mtakuwa kule ng’ambo.” Naye Yeremia alisema jambo hilo kulingana na Neno la Mungu.

¹¹⁰ Hanania akavunja hiyo! Yeremia akasema, “Sawa. Amina. Lakini, Hanania, hebu na tukumbuke jambo hili, Sisi wawili ni manabii. Tu wahudumu.”

Nami nakwaambia jambo hili, ndugu yangu. Hebu na tukumbuke kumekuwa na manabii waliotutangulia, nao walitabiri juu ya falme, tena wakatabiri dhidi ya mambo fulani. Lakini, kumbuka, nabii aliposema jambo lo lote, hana budi kutabiri kulingana na Neno. Kama vile Mikaya, na Musa, na wengine wote. Haina budi kulingana na Neno. Kama sivyo, basi kumbuka linalotukia.”

¹¹¹ Halafu, Hanania, hasira yake ya haki ikainuka. “Mimi ni Hanania” (hapana shaka), “nabii wa Bwana, nami nasema, ‘Miaka miwili.’” Kwa maneno mengine, “Sijali kile Neno linasema.” Upako wake, “Nasema, ‘Miaka miwili, watarudi.’”

¹¹² Yeremia akaondoka mbele yake, akatoka nje akasema, “Bwana, Sijali alisema nini, ningali ninaamini na kujua ya kwamba Neno hilo linasema hivyo. Nitadumu nikiwa mwaminifu Kwako. Sitadanganywa naye.”

¹¹³ Mungu alisema, “Nenda ukamwambie Hanania, ‘Nitaitengeneza kwa chuma, nira ifuatayo.’” Na kwa sababu alifanya hivyo, aliondolewa kwenye uso wa nchi, Hanania aliondolewa, mwaka uo huo.

Hiyo hapo mifano yetu, wote wawili manabii. Mengi sana yangesemwa na kunenwa katika wakati kama huu.

¹¹⁴ Lakini angalia. Yesu alisema, ya kwamba, katika wakati huu wa mwisho, tena, hizo roho mbili zingefanana sana tena. Hiyo ni kweli? [Kusanyiko linasema, “Amina.”—Mh.] Sasa angalia. Zitafanana sana kuliko hizo zilivyokuwa. Huu ni wakati wa mwisho. Loo, enyi watoto! Mungu na aturehemu! Mpaka, “Hata ingefanana sana hata ingewapoteza hata Walioteuliwa kama yamkini.” Sasa utalitambua je, tulilitambua je katika siku hizo? Utalitambua je leo? Namna ile ile, dumu na Neno. “Yesu Kristo yeye yule jana, leo, na hata milele.”

Sasa ujali Ujumbe huu wote. Na unapoisikiza kanda, hata labda nitakuwa nimeondoka siku moja hapo Bwana atakapomaliza nami hapa duniani, mtarejea kwenye huu. Isikizeni sauti yangu, yale ninayowaambia. Kama akinichukua kabla ya Kuja Kwake, kumbukeni tu, nimenena nanyi katika Jina la Bwana, kwa Neno la Bwana. Naam.

115 Angalia, “Itafanana sana hata itawapoteza Walioteuliwa kama yamkini,” wangepanya ishara zile zile, miujiza ile ile, kwa Roho yule yule. Hiyo ni kweli? [Kusanyiko linasema, “Amina.—Mh.] Kama vile wale manabii walivyokuwa ambao ndiyo kwanza tuzungumze habari zao, manabii. Naam, pia imeandikwa . . .

116 Hebu tuifungue, kwa ajili ya hili, kama mkitaka, Timotheo wa pili 3. Hebu tusiliache hili. Nami sitaki ku- . . .

117 Ninaiangalia ile saa ya ukutani pale, nami na—nataka kuacha mengi sana yake, nami sifikiri tunapaswa kufanya jambo hilo sasa. Mnaona? Angalia. Ninino tu . . . Kama ninasimama hapa, nikitokwa na jasho jinsi ninavyotokwa, mnaona, ila nina furaha. Nami najua ya kwamba jambo hili ni kweli. Timotheo wa Pili 3:8.

118 Paulo, yule mtu aliyesema, “Kama Malaika akija kutoka Mbinguni na kuna neno lingine lo lote kwenu kuliko lile nililosema, na alaaniwe,” naam, Malaika ashuke aje. Hiyo ni Wathesalonike wa Pili . . . Loo, ninasikitika.

119 Angalia katika Timotheo wa Pili 3:8. Mwangalie Paulo akinena sasa. Na tuanzia kwenye . . . Na tuanzia na aya ya kwanza, na sasa sikilizeni kwa makini sana. Ninyi mlio na Biblia zenu, someni pamoja nami. Ninyi msio na Biblia zenu, sikilizeni kwa makini. Ie . . .

Lakini ufahamu neno hili, ya kuwa siku za mwisho . . .

Tieni hilo alama, “siku za mwisho.” Hapo ndipo yatakapotukia.

. . . kutakuweco nyakati za hatari. (Tuko katika hizo.)

Maana watu watakuwa wenye kujipenda wenyewe, wenye kupenda fedha, wenye kujisifu, wenye kiburi, wenye kukufuru, wasiotii wazazi wao, wasio na shukrani, wasio safi,

120 Angalia kundi hili tulilo nalo leo, limeoza. Hata watu barabarani, vijana wanaume, wakizivuta nywele zao chini kwenye vipaji vya nyuso zao, kama vile kuzikata kuingama uso kama mwanamke. Upotovu! Walawiti!

121 Je! mlisoma katika mwaka huu, *Reader's Digest* ya mwezi huu? Imesema, “Wamarekani kwenye umri,” ambao nafikiri ulikuwa, “kati ya ishirini na ishirini na mitano, tayari wako katika hali yao ya umri wa makamu.” Wamekwisha! Wameoza! Sayansi inasema ya kwamba, ya kwamba mwanamume yuko katika umri wake wa makamu, na mwanamke, wakati wangali bado kwenye umri wa miaka ishirini na kitu ya mwanzoni. Miili yao imeoza na kutolewa kwa uchafu.

Loo, Marekani, ni mara ngapi Mungu angewafunika, bali sasa saa yenu imewadia! Mnauongoza ulimwengu kwa uchafu.

...wenye kukufuru, wasiotii wazazi wao, wasio na shukrani, wasio safi,

Wasiowapenda wa kwao, . . .

Hawana upendo wa kweli hata mmoja kwa mwingine, mwanamume kwa mwanamke, mwanamke kwa mwanamume. "Hata hawawapendi wa kwao." Wachafu, kujuana kimwili!

...wasiotaka kufanya suluhu, wasingiziaji, wasiojizuia, wakali na wasiopenda mema,

Kwa maneno mengine, wasema, "Enyi kundi la watakatifu wanaojifingirisha." Mtu fulani aliuliza juzijuzi juu ya kuja hapa kanisani. Kasema, "Usiende kule. Yote kwa jumla ni kundi la makelele na lisilo na adabu."

Mnaona, "wasiwapenda."

Wasaliti, wakaidi, wenye kujivuna, wapendao anasa kuliko kumpenda Mungu;

Unasema, "Ndugu Branham, hao ni Wakomunisti." Aya inayofuata inasema nini?

Wenye mfano wa utauwa, lakini (nini?) wakikana nguvu zake; (Neno, Yesu Kristo yeye yule jana, leo, na hata milele, aliyedhihirishwa, ile ahadi ya siku hii.) . . .

Ni kama tu Hanania hasa, kama tu Zedekia hasa, kama tu Balaamu hasa, kurudi nyuma, manabii wengine wa uongo.

Wenye mfano wa utauwa, waliotiwa mafuta . . . Mnaona?

Wenye mfano, waliotiwa mafuta, wahudumu waliotawazwa . . .

Wenye mfano wa utauwa, lakini wakikana ya kwamba ni yeye yule jana, leo . . . Wakikana Neno Lake!

Wao walimkataaje Yesu katika siku hiyo? Walimkana nani walipomkataa Yesu? Neno. Wao walikuwa wa kidini. Walifundisha kutoka katika Biblia, bali wakalikataa Neno la siku hii.

Wao ni nini leo? Kitu kile kile, wametiwa mafuta, wakihubiri Injili ya Pentekoste, bali wakiikana ahadi ya siku hii ya Neno kuthibitishwa, "Yesu Kristo yeye yule jana, leo, na hata milele." Mnaliona? [Kusanyiko, "Amina."—Mh.]

Kwa hawa ndio wale wajiingizao katika nyumba za watu, na kuchukua . . . wanawake wajinga wenye mizigo ya dhambi, waliochukuliwa na tamaa za namna nyingi;

"Karamu zetu za kushona na ninino zetu." Mtu fulani anakuja akijaribu kufasiri Neno vibaya, na kusema jambo hili, "Ni sawa, dada, kwako kuwa na nywele fupi. Usimjali baradhuli yule. Mnaona? Ama, kama u—ukivaa hii; si hivyo, 'ni kile kinachotoka kutoka katika moyo wa mwanadamu kinachomtia

unajisi?” Mnaona? Basi unatambua ya kwamba umetiwa mafuta na roho mbaya wa tamaa mbaya na mchafu? Sijali, huenda ukaimba katika kwaya, ukiwa na nywele fupi, bali una roho mchafu. Hilo ni kinyume cha Neno. Hiyo ni kweli. Hivyo ndivyo Biblia ilivyosema. Nawe unasema, “Vema, mimi huvaa kaptura. Hainihukumi.”

“Ye yote, mwanamke akivaa vazi linalompasa mwanamume, ni chukizo machoni pa Mungu.” Mungu asiyebadilika alisema jambo hilo.

¹²² Loo, mambo mengi sana, jinsi tungeliweza kuyapitia; wakati wetu ungekuwa mbali. Bali mnajua ya kutosha kujua yaliyo mema na mabaya. Nami nawezaje kuwafanya wafanye jambo hilo? Nawe zaje kulitenda? Kusema, “Vema, unapiga makelele ya nini? Mimi ni shahidi dhidi yenu. Siku moja, kwenye Siku ya Hukumu, hamtakuwa na kona ya kuingia.

¹²³ Mikaya angewezaje kukomesha jambo hilo? Musa anawezaje; akipiga makelele, akijaribu kulikomesha, huku Yoshua na hao wengine wakikimbia miongoni mwa watu, halafu Lawi akauvuta upanga wake akawaua, angao? Waliendelea tu sawasawa.

Imebashiriwa ya kwamba watafanya jambo hilo. Nao watalifanya, kwa maana ni BWANA ASEMA HIVI watafanya hivyo. Unafikiri hayo madhehebu yatavunjika kamwe, madhehebu yao yalirudie Neno? Ni BWANA ASEMA HIVI, hawatalirudia! Wataingia katika upinga Kristo? Kabisa. Ni BWANA ASEMA HIVI, wataingia! “Kwa hiyo unasema nini?” Sina budi kuwa shahidi, na vivyo hivyo nawe, waamini wote. Angalia.

...wanawake wajinga...waliochukuliwa na tamaa za aina nyingi;

¹²⁴ “Vema, wanawake wengine wote hufanya jambo hilo.” Manabii wa uongo! Sasa sikilizeni. Manabii wa uongo, ninazungumzia habari zao. Sasa wao watafanya nini katika siku ya mwisho.

...kuchukua mateka wanawake wajinga wenye mizigo ya...waliochukuliwa na tamaa za aina nyingi;

“Vema, nawajua wanawake wengine wote...” Sawa, endelea tu.

¹²⁵ Nilisema nini kabla tu ya tukio hili kubwa hapa California? “Ninyi watu hapa Los Angeles, kila mwaka ninaporudi kuna wanawake wengi zaidi waliokata nywele zao na wanaume dondoadume kuliko waliokuwemo kwanza, wahubiri wengi zaidi wakiingia katika madhehebu. Hamna udhuru! Kama zile kazi kuu zilikuwa zimefanywa katika Sodoma na Gomora zilifanywa kwenu, ungekuwa umesimama hata leo. Loo, Kapernaumu, wewe ujiitaye kwa jina la malaika, Los Angeles!”

Mnaona linalotendeka? Unazama moja kwa moja kwenye kilindi cha bahari. Lini? Sijui utazama lini, bali unazama. Enyi vijana, kama nisipoliona katika siku yangu, angalieni. Umeangamia!

Wakijifunza sikuzote, . . . wasiweze kabisa kuufikia ujuzi wa kweli.

Sasa hili hapa jambo la kustusha sana, hii hapa sehemu ya kustusha sana. Sikizeni haya.

Na kama vile Yane na Yambre walivyopingana na Musa, vivyo hivyo na hawa wanapingana na ile kweli; ni watu walioharibika akili zao, wamekataliwa kwa mambo ya imani waliyokabidhiwa watakatifu mara moja tu, bila shaka.

“Kwa mambo ya Imani.” “Naye ataigeuza Imani ya baba, ama watoto, iwarudie baba zao.”

¹²⁶ “Wamekataliwa kwa mambo ya Imani.” Umhu! Mnajua maana ya *wamekataliwa*? Kama una Biblia ya Scofield, kuna “h” pale. Papo hapo, inasema, “ukengeufu.” Ukengeufu, hivyo ndivyo ilivyo.

¹²⁷ Naam, hebu kidogo. Nataka kuangalia kitu fulani hapa. Nafikiri niliandika jambo hili vizuri. Sina hakika, bali nataka kusema jambo hilo, na niliangalie kabla si—sijalisema. Naam, ngoja kidogo. [Nafasi tupu kwenye kanda—Mh.] “Wamekataliwa kwa mambo ya Ukweli, kwa mambo ya Imani.” “Imani,” kuna Imani moja tu. Hiyo ni kweli. “Kwa mambo ya Imani, wamekataliwa!”

Sasa nataka kusoma Luka 18. Kwa dakika moja tu. Hamna haja. . . Mnaweza kuliandika; hamna haja ya kulisoma.

Akawaambia mfano, ya kwamba imewapasa sikuzote kumwomba Mungu, wa- . . . wala wasikate tamaa.

Akasema—akasema, Palikuwa na kadhi katika mji fulani, hamchi Mungu, wala kuwajali watu.

Na katika mji huo palikuwa na mwanamke mjane, aliyekuwa akimwendea-endea, akisema, Nipatie haki na adui wangu.

Naye—naye kwa muda alikataa; halafu akasema moyoni mwake, Ijapokuwa simchi Mungu wala sijali watu,

Lakini kwa kuwa mjane huyu huniudhi, nitampatia haki yake, asi- . . . asije akanichosha kwa kunijia daima.

Bwana akasema, Sikilizeni asemavyo yule kadhi dhalimu.

Na Mungu, je! hatawapatia haki wateule wa- . . . wake wanaomlilia Yeye mchana na usiku, naye ni mvumilivu kwao?

Nawaambia, atawapatia haki upesi; walakini, atakapokuja Mwana wa Adamu, je! ataiona imani duniani?

¹²⁸ Sasa hilo ndilo swali. Hapa ndipo nilipotaka kupafikia, katika Ufunuo 10. Tutapafikia katika dakika chache, na aya nyingine ya Maandiko. Yeye alisema, “Katika siku za Ujumbe wa malaika wa saba, siri za Mungu zinapaswa kutimizwa.” Swali ndilo hili, ni, kama ukifuatia kwenye mstari huo katika saa hii itatimizwa? “Je! nitaiona Imani?” Malaki 4 itatimizwa katika wakati huu, “Kuirudisha Imani ya watoto, ielekee Imani ya baba zao, ile ya asili, lile Neno”? Mnaona?

¹²⁹ “Waliokataliwa, Yane na Yambre, waliposhindana.” Naam, pia, sikilizeni, Timotheo wa Pili 3:8. “Kama vile Yan- . . . walivyoshindana na Musa, pia katika siku za mwisho wawa hawa waliokataliwa wangukuja,” sasa angalieni mahali linaposema hapa, “wakiwa na mfano wa utauwa,” waliotiwa mafuta. Sasa hebu sisi tu- . . . Rudini m—mkasome hilo mtakaporudi nyumbani, ili kwamba niweze kuumaliza huu, asubuhi ya leo, nikiweza. “Waliokataliwa kwa mambo . . .” Si waliokataliwa katika—katika—katika maisha; wao ni sawa, watu wastaarabu.

¹³⁰ Sasa angalia wakati Musa aliposhuka kwenda Misri, akiwa na Ujumbe wa BWANA ASEMA HIVI, naye alithibitishwa; akawaita Israeli, waliokuwa ni watu, si kanisa. Israeli walikuwa watu; hawakuwa kanisa kamwe. Maana, neno *kanisa* linamaanisha “walioitwa watoke.” Wao walikuwa watu wa Mungu. Kisha walipotwa mafuta chini ya Neno, halafu wakaitwa, wakawa kanisa la Mungu. Ndipo wakarudi nyuma, kwa maana hawakuamini Neno la Mungu, na wakamsikiliza nabii wa uongo. Natunaimini hilo linazama ndani.

Israeli, wakiwa watu wa Mungu, walitoka wakiwa chini ya mkono wa Mungu, wana upako wa Neno . . . na Nguvu za Mungu, wakaona ishara na maajabu ya Mungu. Na wakati Mungu alipokuwa akiendelea pamoja nao, nabii wa uongo akaingia, ametiwa mafuta, akawafundisha jambo fulani kinyume cha Neno la Mungu la asili walilokuwa wamesikia; kisha kila mmoja wao akaangamia jangwani, ila watu watatu. Sasa shikilieni jambo hilo.

¹³¹ “Kama ilivyokuwa katika siku za Nuhu, ambapo watu wanane waliokolewa kwa maji, ndivyo itakavyokuwa katika kuja kwa Mwana wa Adamu.” “Kama ilivyokuwa katika siku za Lutu, ambapo watatu walitoka Sodoma, ndivyo itakavyokuwa hapo atakapofunuliwa Mwana wa Adamu.” Mimi ninayanukuu tu Maandiko, Neno la Bwana, ambalo, “Mbingu na nchi zitapita . . .” Itakuwa wachache!

¹³² Angalia hapa. Musa anashuka anaenda kwa Haruni. Musa alikuwa awe Mungu. Mungu alimwambia awe Mungu,

kasema, “Wewe uwe Mungu, halafu Haruni ndugu yako awe nabii wako. Weka maneno yako katika kinywa chake kama huwezi kuzungumza vizuri.” Kasema, “Lakini ni nani aliyemfanya mwadamu bubu? Ni nani aliyemfanya mwanadamu kuzungumza?” Ni Bwana.

Kisha akashuka akaenda kule. Alifanya nini? Alifanya muujiza wa kweli na wa haki ambao Mungu alimwambia afanye. Mungu alimwambia afanye, “Nenda ukaitupe fimbo yako chini.” Akaichukua, nayo ilikuwa nyoka. Akaichukua, ikageuka ikawa fimbo. Kasema, “Nenda ukafanye jambo hilo mbele ya Farao, ukaseme, ‘BWANA ASEMA HIVI.’”

¹³³ Basi Farao alipoona jambo hili, tunasema, “Naam, ni ujanja duni vipi wa kiganga.” Kasema, “Hakuna lo lote. Ni kuwasiliana kimawazo ama kitu fulani, mwajua. Tuna watu katika madhehebu yetu wanaoweza kufanya jambo lile lile. ‘Njoo hapa, Askofu *Ninino*. Halafu, wewe, njoo huku.’ Tunao wanaoweza kufanya jambo lile lile.” Huyu alikuwa ni Shetani akizungumza kwa Farao.

Huyo alikuwa ni Mungu akizungumza kwa Musa.

¹³⁴ Bali mtazame jamaa huyu akitoka. Yane na Yambre wakatoka wakaja mbele ya Musa, na hadharani mbele ya watu, na kufanya kila muujiza ambao Musa angeweza kufanya. “Watawapoteza Walioteuliwa kama yamkini.” Hiyo ni kweli? Wakafanya jambo lile lile alilofanya Musa. Mnalipata? Sasa kumbuka, ni MAANDIKO YASEMA HIVI, ya kwamba jambo hilo litajirudia tena katika siku za mwisho.

Tofauti kati ya Musa na Yambre ilikuwa nini?

Musa alisema, “Damu na ije katika maji.”

Nao hawa manabii wa uongo wakasema, “Bila shaka, sisi hutia damu katika maji, pia.” Nalo likatukia.

¹³⁵ Kwa hiyo Musa akasema, “Viroboto na waje.” Alikuwa akilitoa wapi? Moja kwa moja kutoka kwa Mungu. Mnaona?

Naye alifanya nini? Alisema, “Vema, bila shaka, tunaweza kuwaleta viroboto, pia.” Nao wakawaleta. Muujiza wo wote ambao Musa angefanya, wao wangeweza kuufanya, pia!

Kumbukeni, wekeni hilo moyoni mwenu, tutalifikia, baada ya kitambo kidogo. Wao wanaweza kufanya jambo lo lote wale wengine wanaloweza kufanya, bali wao hawawezi kudumu na Neno. Hawawezi kudumu na Neno.

¹³⁶ Sasa angalia, wao walifanya jambo hilo. Lakini Musa, nabii wa kweli aliyetumwa kutoka kwa Mungu, aliyegizwa na Mungu, yeye kamwe hakushindana nao, kasema, “Hapa, huwezi kufanya jambo hilo! Huwezi!” Yeye aliwaacha tu peke yao, akawaachilia tu waendele. Wao ni manabii wa kimadhehebu, bali waendele tu.

Musa aliendelea tu mbele, akamsikiza Mungu. Lo lote alilosema Mungu, “Sasa fanya jambo *hili*,” Musa aliondoka akaenda akalifanya. Alifanya jambo jipya. Walipofanya hivyo, kila mmoja wao alikuwa na msisimko ama kitu fulani, hawa hapa wanakuja. Wao walifanya, pia, kile hasa alichofanya Musa.

¹³⁷ Sasa angalia. Hawa jamaa walitokea...Lo, enyi watu, msilikose jambo hili! Hawa wadanganyifu, waigaji, walitokea baada ya yule wa kweli kutokea kwanza. Mnaona? Walikuja kuigiza. Mnaona, hawana budi kuigiza. Ibilisi hawezi kuumba cho chote; yeye ni mpotoshi wa ya asili.

Basi dhambi ni nini? Ni haki iliyopotoshwa. Uzinzi ni nini? Tendo jema lililopotoshwa. Uongo ni nini? Ukweli ulioelezewa vibaya. Upotovu!

Mwangelie Hanania, upotovu wa Neno la asili. Mwangelie Balaamu, upotovu wa Neno la asili. Mwangelie Zedekia, upotovu wa Neno la asili.

Na Biblia ilisema ya kwamba jamaa hawa wangetokea, baada ya, yule mpotoshaji, kupotosha Neno la asili, lililothibitishwa na kuhakikishwa kwamba ni Kweli.

¹³⁸ “Fanya kazi ya mhubiri wa Injili,” pembeni kule, “timiliza huduma yako. Kwa maana utakuja wakati watakapoyakataa Mafundisho yenye uzima, ila kwa kuzifuata nia zao wenyewe watajipatia waalimu makundi makundi, kwa kuwa wana maskio ya utafiti; na waendeleo na kufanya lo lote wanalotaka, na, ‘Ni sawa, tuna ishara zile zile na maajabu.’ Nao watajiepusha wasisikie yaliyo Kweli, na waingizwe katika hadithi za uongo, mafundisho ya sharti.”

¹³⁹ Loo, kule kumhisi Roho Mtakatifu, ule uchaji unaoigusa nafsi ya mwanadamu wakati anaposimama ili kuwazia jinsi lilivyo halisi na dhahiri moja kwa moja mbele zetu! Chimbueni lile jiwe la pembeni hapa nje na msome kipande cha karatasi kilichowekwa kule miaka thelathini na mitatu iliyopita. Tazama alilosema Yeye kule kwenye—kwenye Barabara ya Saba, asubuhi hiyo wakati lilipowekwa hili jiwe la pembeni. Sasa liangalieni. Angalieni hapa chini mtoni, wakati Malaika wa Mungu aliposhuka katika mfano wa Mwali wa Moto, mamia ya makanisa, ama watu wa kanisa, wakisimama ukingoni; yale Yeye aliyosema, angalieni kama yametimia. Angalieni yaliyotukia.

Ni vigumu sana. Najua linaonekana kuwa ni gumu, ndugu, huko nje. Lakini ni...Biblia ilisema, Yesu Mwenyewe alisema, “Ingewapoteza Walioteuliwa kama yamkini.” Hakuna njia ya kulikwepa. Wao hawataweza kuliona kamwe. Kama ingaliwezekana, Walioteuliwa wangepotezwa nayo.

¹⁴⁰ Angalia, jamaa hawa walitokea baada ya mtu wa Mungu aliyetiwa mafuta kutumwa; kwa nabii Wake wa kweli, Musa. Na kila Musa alipofanya jambo lo lote, wao wangeliliga.

¹⁴¹ Naam, ndugu, dada, mimi... Hili ni kanisa langu mwenyewe. Nina haki ya kuhubiri ninalotaka, mradi tu linatoka katika Neno la Mungu. Nami siwahukumu nyinyi watu, bali hebu tutafute tu hilo kwa ajili ya wakati na saa tunayoishi.

Nawasalimu Ndugu Ruddell, na Junior Jackson, na wengineo huku nje, makanisa mashirika yetu. Niliwasahau, muda mfupi uliopita. Nafikiri wameunganishwa asubuhi ya leo, pia, maana ha—hakuna nafasi kanisani.

¹⁴² Wazia jambo hilo sasa, kwa dakika moja. Wao walifanya ishara zile zile alizofanya Musa. Musa alileta viroboto; wao wakaigiza jambo hilo na kuwaleta viroboto. Mnaona?

Mungu alisema, “Siku mtakayoula, siku hiyo mtakufa.”

¹⁴³ Shetani akaja na kusema, “Hakika, hamtakufa. Mtakuwa tu werevu zaidi. Mtakuwa na madhehebu mazuri zaidi, ninino bora...” Mwajua. “Mwajua, kila kitu kitakuwa bora kwenu, mtakuwa na Nuru zaidi.” Mnaona, ni upotovu tu. Mnapaswa...

Kisha kumbukeni, BWANA ASEMA HIVI, kulingana na Timotheo wa Pili 3:18, ya kwamba, “Katika siku za mwisho, ya kwamba hawa Yane na Yambre wangukuwa duniani.” Naam, nawatakeni muone kuna wawili wao, mnaona, waigaji.

¹⁴⁴ Sasa tutarudi Sodoma, baada ya kitambo kidogo, hao watatu, tuwaone hao Malaika watatu walioshuka wakaja, na tuone kule kuigiza, na kadhalika, mnaona, tuone ni nani wa kweli na ni nani wa uongo. Mnaona? Mnaona?

¹⁴⁵ Angalieni, wao walifanya miujiza ile ile. Lakini, angalieni, wao waliigiza baada ya Neno la Kweli kutiwa mafuta, na yule wa kweli aliyetumwa na Mungu; wakafuata, ni wa pili.

Sijui kama tungaliweza kuwazia kwa dakika moja. Kule kuwashika watu kwa mkono, si muda mrefu uliopita, yapata miaka ishirini iliyopita, na ishara ikaonyeshwa. Jamani, kulikuwa na ishara nyingi zaidi katika vitu vyote, na kila mtu... Mmoja anayo kwenye mkono wake wa kulia; mmoja anayo kwenye mkono wake wa kushoto; yule mwingine huisikia harufu. Mnaona, kila namna ya... Na sijui... Mungu hataniruhusu niwaambieni katika wakati huu lililokuwa kweli, bali siku moja mtatambua. Hiyo ilikuwa ili kwamba upumbavu wao udhihirike kwa watu wote. Hilo halikuwa sahihi, tangu mwanzo. Nitawaambia, siku moja, Bwana akiruhusu.

¹⁴⁶ Angalia, wao walifanya miujiza ile ile, bali hawaku... Angalia, hawakufanya jambo hilo hata lile Neno la asili lilipotolewa, kwanza. Hivyo ndivyo Shetani alivyofanya katika bustani ya Edeni. Hivyo ndivyo amefanya kila wakati. Ni nani aliyetoa unabii kwanza? Musa. Ni nani aliyetokea kwanza, Musa ama Balaamu? Musa. Ni nani aliyetokea kwanza, Yeriaha ama Hanania? Mnaona ninalomaanisha? [Kusanyiko linasema, “Amina.”—Mh.]

147 Angalia, wao walinakili. Waigaji wa kimwili, waaminifu, wakifikiri walikuwa “wanamfanyia kazi Mungu,” kama Daudi alivyofanya, juma lililopita, lakini ni kuiga kimwili. Ninangojea tu kwa dakika moja. Ninawatakeni mfikirie katikati ya mahali hapa. Kama silisemi, bila shaka Roho Mtakatifu atawafunulia, hasa kwa walioteuliwa. Mnaona?

148 Madhehebu ya Farao yanasema, “Tuna mtu anayeweza kufanya jambo lilo hilo,” nao wakalifanya. Mnaona? Kwa nini Farao akafanya jambo hili? Kwa nini Mungu akaruhusu jambo hili? Kwa nini Mungu akamtuma nabii wa kweli na aliyetiwa mafuta kule kufanya ishara mbele za Farao, halafu aiache nakala ya kimadhehebu ije na kuinakili mbele za watu? Kwa nini amwachilie mwigaji ainuke na kufanya jambo hilo, na kufanya jambo lile hasa Roho halisi wa Mungu alilofanya? Mnaona, Maandiko hayana budi kutimizwa.

149 Angalia, Yeye alifanya jambo hili kusudi apate kuufanya mgumu moyo wa Farao na Wamisri, kuthibitisha ya kwamba Musa hakuwa ndiye tu aliyekuwa na Neno. Wao wangepanya kila kitu vile vile hasa Musa angaliweza kufanya.

Na kwa nini Mungu akaacha jambo hili litendeke katika siku za mwisho? Ili, jambo lile lile kama yule roho wa uongo alivyomwambia Zedekia, “Tutamtoaje Ahabu hapa, kuyafanya mambo haya kutimia?” Yeye atawapataje watu hawa, wanaoyatumaini makanisa yao, kutoka hapa na kuyafanya mambo haya yatimie, ambayo Yeye aliyabashiri? Wao, katika Wakati huu wa Kanisa la Laodikia, “Kwa maana unasema ya kwamba u ‘tajiri, na huna haja na kitu. Ninaketi kama malkia.’ Huna kitu! Hujui ya kwamba u mwenye mashaka, mnyonge, kipofu? Nami nakushauri uje ununue Kwangu,” Yeye akasema, “mafuta na dhahabu.” Kwa nini akafanya jambo hilo?

150 Kwa nini akaruhusu kuiga huku kutokee katika siku za mwisho, wakati mambo haya yanakuja kutimia kwa Neno la kweli la Mungu; kisha akawaacha waigaji wainuke na kufanya jambo lile lile, na kulikana Neno la kweli la Mungu? Yeye alifanya jambo hilo kwa ajili ya Musa. Naye Farao akafanya hilo dhidi ya Musa; halafu hao, Yane na Yambre, wakalifanya dhidi ya Musa. Nayo Biblia ilisema ya kwamba jambo hilo litajirudia tena katika siku za mwisho. Sisi hapa. Naam, kama hayo si Maandiko yakitimizwa, ni wapi?

151 Je! Musa aliwapigia makelele na kusema, “Haya! Haya! Hamuwezi kufanya jambo hilo. Mimi ndiye pekee niliyechaguliwa kufanya jambo hilo. Haya! Ninyi acheni jambo hilo, sasa hivi”? Yeye aliwaacha tu waendeleo.

Acha waendeleo. Kumbuka, Biblia ilisema, “Kama vile upumbavu wao ulivyodhihirishwa, ndivyo hawa nao katika siku ya mwisho watakavyodhihirishwa,” wakati Bibi-arusi atakaponyakuliwa na kuchukuliwa mbinguni. Angalia.

¹⁵² Musa, Neno la kweli lililodhihirishwa, hakusema kitu, aliliacha tu. Bali Yeye alifanya hivyo kusudi aweze kuufanya mgumu moyo wa Farao, kumdanganya Farao.

Yeye alifanya jambo hilo kusudi apate kumdanganya Ahabu. Na jamaa huyo mdogo akisimama pale peke yake, maskini Mikaya, akiwaambia, “BWANA ASEMA HIVI.” Hapa alisimama mwingine, aliyetiwa mafuta, “BWANA ASEMA HIVI.” Na ni kinyume, mmoja kwa mwingine.

¹⁵³ Tunasimama leo tukiwa na BWANA ASEMA HIVI, ya kwamba ubatizo wa maji katika siku za mwisho unapaswa kuwa katika Jina la Yesu Kristo. Kisha mtu mwingine anasimama na kufanya miujiza, na, ni wa utatu.

Nionyesheni neno *utatu* katika Biblia. Nionyesheni ambapo kuna Mungu watatu. Nionyesheni ambapo kuna mambo kama hayo. Hayamo katika Neno la Mungu. Hakuna kitu kama mtu ye yote kuwahi kubatizwa katika jina la “Baba, Mwana, na Roho Mtakatifu,” kutumia vyeo hivyo. Mambo haya yote, “Loo, ni sawa, akina dada. Hilo ni sawa, iweni tu na ninino ndefu... nywele zenu fupi. Hilo ni sawa, si lazima mfanye jambo *hili, lile*, ama *lile jingine*. Loo, huo ni upuzi, mzee wa mtindo wa kale.”

Lakini Biblia ilisema! Naye aliahidi, “Katika siku za mwisho, Yeye angemtuma Roho Wake wa Eliya, naye angewaita watu, watoto wa Mungu, wairudie ile Imani ya asili kama ilivyokuwa hapo mwanzo, ya lile Neno.” Hilo Neno lilithibitishwa, Mwana wa Adamu katika siku za mwisho, kama vile ilivyokuwa Sodoma; jana, leo, na hata milele. Yeye aliahidi kufanya jambo hilo. Ni ahadi ya Mungu. Ni BWANA ASEMA HIVI.

¹⁵⁴ Tazama walifanya jambo lile lile, kama tu vile Musa alivyofanya, hata Mungu akachoshwa nalo.

Sasa, kumbukeni, ni BWANA ASEMA HIVI, itatimia katika siku hii. Naam, chunguza dunia nzima; chukua kila madhehebu, chukua kila kabila, mchukue kila mtu, chukua kila kanisa! Nawaagiza, katika Jina la Kristo, kufanya jambo hili, enyi wahubiri. Nawaagiza msome magazeti ama mwangalie kila mahali mnapotaka kwenda, muone kama haiko duniani sasa hivi. Mnaona? Mnaona?

Halafu, Mathayo 24:24 ni kweli kabisa. “Waliotiwa mafuta wa uongo watainuka katika siku za mwisho, nao watakuwa manabii wa uongo, nao watawapoteza wengi.” Liangalie katika mifano sasa, inapokuja sasa, mnaona, “Watawapoteza wengi.” “Manabii,” wingi; “Makristo,” waliotiwa mafuta, wingi; wengi mbalimbali, Wamethodisti, mwajua, na Wabatisti, na Wapentekoste, na kadhalika. Mnaona?

Lakini kuna Kristo mmoja aliye halisi, Roho, na huyo ni Neno lililofanyika mwili kama alivyoahidi kufanya.

Sasa tutaendelea mbele kidogo zaidi, kwenye Maandiko zaidi.

¹⁵⁵ Hata, Mungu akachoshwa nalo, kisha likaisha. Upumbavu wao ukafanywa dhahiri.

¹⁵⁶ Angalia. Kumbuka, kapi linafanana kabisa na punje ya ngano. Mnaona? Naam, usingaliweza kusema, huko nyuma katika wakati wa Kiluteri, “ubua ulikuwa ngano,” hata hivyo una Uhai ndani yake. Ubua ni sawa, Uhai uliokuwemo katika ubua ulikuwa sawa, lakini, kumbukeni, Uhai uliendelea kusonga mbele; ukatoka kutoka kwa Elisha ukaingia katika Eliya. Uhai unaendelea kusonga mbele. Lakini, kumbukeni, uko katika hatua nyingine. Hauwezi kubaki katika hatua hiyo. Hatuwezi kula mzoga uliooza wa wakati mwingine. Hatuwezi kula mzoga uliooza wa Kipentekoste, Kimethodisti, ama Kibatisti. Mnaona, umekuwa mzoga uliooza. Tuna Chakula kipya, Neno la wakati huu, na kadhalika.

¹⁵⁷ Kumbukeni, kapi ni kama tu punje ya ngano hasa. Huwezi. . . Haiikufanana nayo katika jani, haiikufanana nayo katika kishada, bali kweli ilifanana nayo katika kapi. Haiikufanana nayo katika. . . Yesu Kristo yeye yule jana, katika Lutha; haikufanana nayo katika Wesley; bali hakika inafanana nayo katika Pentekoste, “ingaliwapoteza Walioteuliwa kama yamkini.” Mnaona? Hizo hapo nyakati zako.

¹⁵⁸ Lakini kumbukeni, kanisa hilo la Kipentekoste, katika siku za mwisho, lilikuwa Laodikia; naye Kristo akatolewa nje, yule Kiini, Ngano, Yenyewe. Alipojaribu. . . Kumbukeni, alipojaribu kujidhihirisha Mwenyewe kanisani, alitolewa nje. Lingali lilikuwa ni kanisa, lilidai kuwa hivyo; lina upako.

Lakini hili *hapa* Neno, Kristo Mwenyewe, ambaye ni Neno lililotiwa mafuta ambalo litakuja kwa ajili ya Mwili Wake uliosalia, Bibi-arusi. Aliyetiwa mafuta, wa maji yale yale yaliyotia maji ile ngano, kama tulivyozungumzia, pia huyatia magugu maji, waliotiwa mafuta. Ni Walioteuliwa tu, ama waliochaguliwa tangu zamani, wataweza kugundua tofauti kati yao. Naam, Waefeso 5:1 inawaambia hivyo, na jinsi ilivyokuwa.

¹⁵⁹ Wao wametiwa mafuta. Kila mtu anasema, “Mungu atukuzwe! Tuna uhuru huku. Haleluya! Tu-. . . Loo, haleluya! Tunanena kwa lugha, na kuruka. Tuna uhuru wa wanawake; nyinyi watu mnajaribu kuwaweka chini ya mambo haya yote.” Mnaona? Endeleeni. Hakuna kitu mnachoweza kufanya. Mnasema, “Vema, tunanena kwa lugha. Tunapiga makelele. Tunacheza katika Roho. Tunalihubiri Neno.” Bila shaka. Sina kitu juu yake. Vivyo hivyo watu hawa hapa nyuma katika Biblia.

Yesu alisema, “Itawapoteza Walioteuliwa kama yamkini, Walioteuliwa.”

¹⁶⁰ Sasa angalia kapi. Kutoka katika Punje ya asili, Punje iliyoingia ardhini, haikuwa madhehebu. Ilikuwa Punje moja,

Yenyewe. Bali wakati ilipojitokeza, haikuwa Punje; ilikuwa madhehebu, mnaona, majani, mahindi.

Ndipo ikaingia katika hatua nyingine, ambayo ilikuwa kishada. Bado haikuwa kama ile ya asili. Ilikuwa madhehebu.

Iliingia katika kapi, majani mengi, Pentekoste, karibu kufanana sasa. Iangalie. Inachukua umbo wakati wote, karibu kufanana kabisa, inafanana na Punje ya ngano kabisa unapoona maskini ganda hilo pale.

Lakini hatimaye inadhihirishwa, na hakuna madhehebu. Hakuna wabebaji wengine. Madhehebu ni mbebaji tu. Hakuna wabebaji wengine; ubua hauna budi kufa, kapi halina budi kufa, kila kitu kingine hakina budi kufa, bali ngano inaendelea kuishi. Huo ndio ule mwili wa ufufuo, unashuka chini moja kwa moja na kuwachukua. “Hao walio wa mwisho watakuwa wa kwanza, na hao walio wa kwanza watakuwa wa mwisho.” Mnaona, anawanyakua moja kwa moja katika ule ufufuo. Mnalifuata hili? [Kusanyiko, “Amina.”—Mh.] Sawa. Angalia, ile punje ni . . .

¹⁶¹ Kapi linafanana kabisa na punje. Na mtu anayelima shamba la ngano, ama kitu kingine, angeangalia na kusema, “Mungu asifiwe, nina mmea wa ngano,” wakati hana hata punje moja ya ngano. Inafanana kabisa na ngano, bali ni gugu.

¹⁶² Naam, enyi marafiki, rudini nyuma pamoja nami. Ni mahali gani ambapo ufufuo wa kwanza ulipokuja, baada ya (kifo) siku zile ambazo ile punje ya ngano ilipopaswa kuanguka ardhini, ule Mwili, Bibi-arusi wa Kristo? Kristo alitengeneza Bibi-arusi Wake, sivyo, Kanisa? Yeye hakulifanya madhehebu; Yeye aliweka tu mitume, na manabii, na kadhalika, katika Kanisa, kuliweka likiwa safi. Bali kule Nikea, Rumi, miaka mia tatu na sitini baadaye, wao walilifanya madhehebu na kuunda madhehebu kutoka kwake. Hiyo ni kweli? Nalo likafa. Kila kitu ambacho hakikukubaliana na kanisa hilo kiliuawa. Nalo likatulia, kwa miaka mia kadha, mavumbini.

Lakini, baada ya kitambo kidogo, likatokea katika Luther. Vichipuko vidogo vya kwanza vya punje vikachipuka. Cha pili, kikachipukia hapo. Wao wakaendelea mbele, wakawa na Zwingli na kadhalika, na madhehebu mengine na kadhalika. Halafu, baada ya kitambo kidogo, Waanglikana wakatokea.

Halafu ni kitu gani kilitokea? Huyu hapa Wesley anakuja na ufufuo mpya, kishada, kinachofanana kidogo zaidi na Ngano. Halafu ikawaje kwake? Kikaunda madhehebu, kisha kikakauka kikafa.

Uhai ule ulienda moja kwa moja ukaingia katika kapi, nalo kapi likatokea karibu kabisa kama Ngano. Lakini, hatimaye, upumbavu wake ulidhihirishwa katika miaka minane ama kumi iliyopita, hasa sana katika miaka mitatu iliyopita. Sasa linafanya nini? Linajiondoa kwenye Ngano.

163 Sasa mbona hapajakuwepo na madhehebu yaliyozuka katika miaka hii ishirini iliyopita ya ufufuo huu mkuu; ni manabii waliotiwa mafuta, waalimu waliotiwa mafuta, na kadhalika, lakini kwa nini hakuna? Hakuna kitu baada ya Punje. [Ndugu Branham anapigapiga mimbara mara nne—Mh.] Mnaona, Hiyo imerudi, bila madhehebu. Loo, jamani, kipofu angeweza kuona jambo hilo. Haliwezi kuunda madhehebu; linayapinga kwa dhati. Ni punje ya Ngano, Yenyewe. Mwana wa Adamu atadhihirishwa. Punje ya Ngano itajirudia Yenyewe tena, Mwana wa Adamu katika siku za mwisho.

“Na ita tokea miigizo ya uongo ya jambo Hilo, katika siku za mwisho, ambayo karibu yatawapoteza Walioteuliwa kama yamkini.” Angalia makapi yao ya madhehebu yakiondoka kwake sasa.

164 Linaifanya Ngano tu ijulikane, kwa Wateule, ambao ni sehemu Yake. Angalia jinsi hili linavyoelezwa hapa vizuri sasa. Ni wale tu... Angalia, waliotiwa mafuta wataweza; Wateule wa kweli na waliochaguliwa tangu zamani, Waefeso 5:1, ama 1:5, hasa, watachaguliwa, watateuliwa. Hao ndio tu ambao haitawadanganya.

Angalia, manabii waliotiwa mafuta watakuwa wa uongo, na hapo kati yao kutakuweko na wa kweli waliotiwa mafuta. Utawajuaje? Kwa Neno. Kama, tunalo katika kivuli. Mnaliona? Semeni, “Amina.” [Kusanyiko linasema, “Amina.”—Mh.] Mnaona?

165 Angalia, waliotiwa mafuta, ni Neno tu litakalawatenganisha, si ishara. Loo, la. Wao watafanya ishara zile zile, bali Neno ndilo lililowatenganisha. Hakika. Wote walitabiri. Wote walifanya *hili, lile*, na *linginelo*, hakika, vile vile tu. Yesu alisema wangefanya jambo lile lile. Bali Neno ndilo lililowatenganisha, angalia, si ishara.

166 Mliona? Yesu alisema hapa, katika Mathayo 24. Yeye hakusema, “Watokea Mayesu wa uongo katika siku za mwisho.” Loo, la, wao hawangalistahimili jambo hilo. La. Umpate Mpentekoste ambaye ni Mpentekoste halisi, aseme, yeye mwenyewe, yeye ni “Yesu”? Mnaona? Umpate Mmethodisti wa uongo, ama Mbatisti, ama mtu kama huyo, ama moja ya madhehebu, aseme, “Sisi ni Yesu”? Wao wanajua vema zaidi. Hawatafanya jambo hilo. Bali Biblia ilisema wao wangukuwa “Makristo wa uongo,” si Mayesu, bali, “Makristo wa uongo.” Wao wasingetambua, waseme, “Mimi ni Yesu.” Loo, la.

167 Bali wao ni “Makristo wa uongo,” nao hawajui, kwa maana wao ni kinyume cha Neno. Naye Mungu anathibitisha lilo hilo. Naam, ninaleta tu hili moja kwa moja kwenye mashindano ya kuamua sasa, maana mmeona jambo lile lile likifanywa na watu hawa ambalo limefanywa na walio halisi. Naye Yesu alisema jambo hilo.

168 Naam, kama nilivyosema, sasa kwenu watu mlio huko nje kwenye, mahali palipo na simu kule, mimi—mimi siwahukumu, bali hili ni kanisa langu na—na kundi langu ambalo Roho Mtakatifu ameniweka kuliangalia, nami sina budi kuwaambia Kweli. Saa inachelewa.

169 Naam, wao wasingalivumilia jambo hilo, lakini, “Makristo wa uongo,” wa uongo, waliotiwa mafuta, karibu wana kila ishara na kila andiko la Neno. “Hivi wao wanaamini ubatizo wa Roho Mtakatifu?” Kabisa. “Wanaamini *haya* yote?” Naam. “Hivi wanaamini kunena na lugha?” Naam. “Hivi wanaamini ishara na maajabu hufuata, ishara zitawafuata hao?” Naam. Hao si Wamethodisti, hao si Wabatisti. La, la. Hao ni Wapentekoste. Mnaona, hizi ni siku za mwisho.

Naam, wakati wa kwanza wa kanisa haungeona hilo. Kanisa la Kimethodisti halikuliona kamwe; wakati wa kanisa la Kibatisti, wao hawakuliona; wakati wa kanisa la Kipresbiteri, wao hawakuliona kamwe. Lakini, Wapentekoste, wanafanana sana na kilicho Halisi! Hapo ndipo ambapo, Ngano, kapi linafanana sana na Ngano. Wao wasingaliliona kamwe. Mnaona? Wasingeweza kuliona. Bali ni siku za mwisho, siku hii. Naam, bwana.

170 Angalia, kama tu ilivyokuwa hapo mwanzo, hivyo ndivyo itakavyokuwa hapo mwisho. Kama Hawa alivyolifasiri tu Neno moja vibaya, Shetani alifanya hivyo kwa Hawa, naye akaliyamini. Mwanamke, si mwanamume; kanisa, si Yeye. Mnaona? Kanisa ndilo lililolichukua neno la uongo. Mnaona? Si Adamu; Hawa. Si Kristo; kanisa, bibi-arusi, waliotiwa mafuta, wanaodhaniwa wametiwa, wanaojiita Bibi-arusi, mnaona, yeye alipochukua neno la uongo.

Hivi hamwezi kuona hilo? Naam, linafungamana pamoja kama kamba ya viatu, kama kope kwenye jicho lako. Naam, kila utakachogeukia, Biblia, inalifungasha tu moja kwa moja pamoja. Hawa, si Adamu; Hawa aliliyamini, si Adamu. Bibi-arusi leo, anavyojiita, aliliyamini; si Kristo. Bibi-arusi leo, anavyojiita, aliliyamini; si Kristo. Bibi-arusi ana za kila namna, anajejiita bibi-arusi; ishara zile zile, maajabu yale yale, kila kitu kile kile; bali si Yule aliye halisi. Mnaona? “Kuwadanganya Walioteuliwa kama yamkini.”

Sasa upesi, kama tunaweza kumaliza hili katika dakika kumi na tano, tutakuwa kwenye wakati. Angalia kwa makini sana sasa, ili usi—hutafahamu vibaya, wewe.

171 Naam, la, wao wasingevumilia kuitwa “Yesu wa uongo.” Wasingefanya jambo hilo, kuvumilia kuitwa, “Yesu.” La hashu. Hilo ni dhahiri sana. Mtu ye yote angejua hilo. Mtu ye yote angejua hawakuwa Yesu. Sijali kama walikuwa na damu mgongoni mwao, na mafuta mikononi na juu chini ya macho yao, wao wangali wanajua ni. . . Kila aliye na akili nzuri, alijua

haikuwa Yesu. Mnaona? Wao wasingevumilia jambo hilo. Bali wao wanajiita “waliotiwa mafuta.” Nao wanafanya ishara na maajabu, “karibu wawapoteze walio Wateule.” “Bali Makristo wa uongo, waliotiwa mafuta, watatokea, nao watawapoteza walio Wateule kama yamkini.”

¹⁷² Sasa angalia kwa makini. Usikose tamshi hili, kwa maana linastahili kusikizwa.

Yeye anaweka tu utepe mdogo kwenye maikrofoni hii hapa, kuifanya isiruke. Nimekuwa nikitokwa na jasho; ilidondokea kwenye utepe, mnaona.

¹⁷³ Na kwa hiyo litakuwa kama Hilo tu, Biblia, ilisema itakuwa hivyo. Mnaona?

¹⁷⁴ Angalia, si Mayesu wa uongo. “Makristo wa uongo!” Wao wanaamini wametiwa mafuta, bali wao wanajua wao si Yesu. Mnaona, hilo ni dhahiri sana. Kama mtu alipanda juu na kusema, leo hii, “Angalia makovu kwenye mkono wangu. Angalia katika paji la uso wangu. Mimi ni Yesu.” Vema, sasa, tunajua jambo hilo si sahihi. Pia, kumbuka, Yesu hakusema kamwe ya kwamba jamaa hao wangetokea. Yeye alisema wangetokea “Makristo wa uongo.” “Makristo,” wingi, madhehebu, na kadhalika, *waliotiwa mafuta*; waliotiwa mafuta kwa roho wa kimadhehebu, wala si Neno. Mnalifahamu? Si Yesu wa uongo. “Makristo wa uongo,” waliotiwa mafuta wa uongo. Mnaona? Loo, ni dhahiri jinsi gani! Jinsi sisi. . . Hakika hamtakosa hili!

¹⁷⁵ Naam, kumbukeni, daima nimewaambia kuna tabaka tatu za watu. Kuna jamii tatu za watu; Hamu, Shemu, na Yafethi, jamii tatu. Tabaka tatu, nami nilisema, hizo ni mwamini, anayejifanya mwamini, na asiyeamini. Daima imekuwa hivyo, itakuwa hivyo daima. Mnaona? Kulikuwa na Musa, mwamini; kulikuwa na Yane na Yambre; wasioamini. Mnaoana? Kulikuwa na Balaamu; Musa. . . daima tabaka hizo tatu za watu, tabaka tatu; mwamini, anayejifanya mwamini, na asiyeamini.

¹⁷⁶ Sasa kumbuka, asiyeamini, kanisa la kimadhehebu, haliamini katika ishara zo zote kamwe; baridi, rasmi, gumu, kanisa ulimwenguni, hayo madhehebu. Bali anayejifanya mwamini ndiye hilo kapi. Huyu ndiye jamaa anayejifanya anaamini. Halafu kuna mwamini wa kweli ambaye kweli ni wa kweli. Naam, waangalie wanaposonga mbele sasa, kwa dakika moja tu.

¹⁷⁷ Halafu angalia jinsi wasioamini hawa walivyo wajasiri, ama hawa wanaojifanya waamini na wasioamini. Jamani! Wao ni wajasiri, angalia, hata Shetani alisimama moja kwa moja katika Uwepo wa Neno la kweli, na kusema, “Imeandikwa!” Sivyoy?

Kwa nini Shetani akafanya jambo hilo? Ni kwa sababu hakujua Neno la. . . Yeye alijua hilo Neno lilikuwa la saa hiyo, bali alishuku maskini Mtu huyu mnyenyekevu kuwa ndiye

Neno hilo. “Kama Wewe ni Mwana wa Mungu. Najua Mwana wa Mungu yuaja, kwa kuwa Hilo lilisema Yeye angefanya jambo hilo. Na imeandikwa, ‘Yeye atakuagizia Malaika Wake wakulinde.’ Mnaona? Lithibitisha kwangu! Fanya muujiza! Hebu nikuone ukifanya jambo hilo.” Mnaona? Mnaona?

Mnaona, asiyeamini, anayejifanya mwamini, mwigaji. Mwangalie Yuda moja kwa moja miongoni mwao, wakati ule ule, anayejifanya mwamini! Mnaona? Angalia, na hapo palikuwepo na Neno lililo kweli.

¹⁷⁸ Jinsi walivyo wajasiri! “Naam, msiujali upuzi huo. Hakuna kitu Kwake. Msiondoke kwenda kule. Ni kundi tu la makelele. Hilo halifai kitu. Hayo yote ni hadithi tu za uongo. Hayo yamo niani mwako.” Mnaona, mnaona ninalomaanisha? Wanasimama moja kwa moja mbele ya Neno na kusema jambo hilo.

¹⁷⁹ Shetani aliingia moja kwa moja ndani. Kama ilivyosema Biblia hapa katika Yuda, “Hata Malaika Mkuu, aliposhindana na Shetani, alisema, ‘Bwana na akukemee’” Dhidi ya Neno Lenyewe!

Na huyu hapa mpinga Kristo, mtiwa mafuta, amesimama papa hapa dhidi ya Neno halisi la siku hiyo, Yesu Kristo, kisha kasema, “Imeandikwa.”

¹⁸⁰ Angalia kwenye siku za mwisho. “Itafanana sana ingewapoteza Walioteuliwa kama yamkini.” Loo, jamani! Sababu ya Walioteuliwa kutopotezwa, mwajua ni kwa nini? Ni kwa sababu wao ni Neno. Mnaona? Ni kama tu Uhai uliokuwemo kwenye shina, nilisema muda mchache uliopita, Huo hauwezi kujikana Wenyewe. Mnaona, Huo ni Neno na katika majira ya Neno. Hiyo ni kweli.

¹⁸¹ Ni kama tu Yeremia, yeye alijua. Haidhuru Hanania alisema nini, yeye alijua alipokuwa. Na hivyo ni kama alivyofanya Musa hasa, na—na hao wengine. Hiyo ni, yeye alijua, haidhuru manabii wa uongo walisema nini, Neno la Mungu lilikuwepo hapo. Lilikuwa limeandikwa.

Hiyo ndiyo sababu Mikaya angeweza kusema, “Sawa, ngoja tu uone.”

Ahabu alisema, “Naamini manabii wangu. Madhehebu yangu ni sahihi. Nitakaporudi katika amani. . .Mwekeni huyu jamaa huko gereza. Nitamshughulikia! Mpeni mkate wa huzuni. Mfukuzeni, msishiriki naye kamwe. Nitakaporudi katika amani, tutamshughulikia jamaa huyo.”

¹⁸² Mikaya akasema, “Kama ukirudi kamwe, Bwana hajanena nami.” Yeye alijua alikuwa na BWANA ASEMA HIVI, na ono lake lilikuwa kulingana na BWANA ASEMA HIVI; si kwa majira mengine, bali kwa majira hayo. Amina! Haleluya! Majira hayo!

¹⁸³ Wajasiri, kasimama na kushindana na Malaika Mkuu! Imesemwa, ya kwamba, “Wapumbavu hukanyaga kwa

viatu vyenye misumari mahali ambapo Malaika wanaogopa kutembea.” Hiyo ni kweli.

¹⁸⁴ Sababu ya Walioteuliwa, Yesu alisema, hawatadanganywa, ni kwa sababu wao ndio Neno hilo. Hawawezi kuwa kitu kingine. Hawawezi kusikia kitu kingine. Hawajui kitu kingine. Hiyo ni kweli.

Kumbukeni, Musa hakuchukuliwa na miigizo yao yote. Sivyo? Musa alisema, “Naam, ngoja kidogo, Farao. Wajua nini? Bwana aliniambia nifanye jambo hili, lakini, Mungu atukuzwe, naona ya kwamba wavulana wako wanaweza kufanya jambo lile lile. Kwa hiyo, hebu nikwambie nitakalofanya, nitaungana nawe”? A-ha! Hiyo haisikiki kama nabii wa Mungu. La, hash! Yeye alisimama imara tu kama alivyoweza kusimama. Yeye alijua, barabara, Mungu anghughulikia jambo hilo kwa namna fulani, maana Yeye aliahidi. “Nitakuwa pamoja nawe. Sitakuacha.”

¹⁸⁵ Yeye alijua, kwa hiyo hakuungana nao. Loo, la. Yeye alikaa moja kwa moja pamoja nao. Hakutaka madhehebu yao yo yote. Alidumu moja kwa moja pamoja na Mungu. Yeye hakuchukuliwa na mambo hayo yote wangaliweza kufanya. Walipofanya jambo moja... Yeye aliwaleta chawa; wao wakawaleta chawa. Alileta damu; wao wakaleta damu. Alileta kila kitu; wao walimwiga kwa kila hali, moja kwa moja. Alisimama tu kimya. Alijua barabara ni kitu gani. Mungu alikuwa kazini.

Mnaelewa sasa? [Kusanyiko linasema, “Amina.”—Mh.] Mkichukua mbili na mbili, zinakuwa nne? [“Amina.”] Hutaki kuunguza sana. Kwa hiyo, mna—manafahamu, mnaona.

¹⁸⁶ Kwa nini? Wao hawatadanganywa Nayo. Mwamini halisi, wao ni Mzao uliochaguliwa tangu zamani wanaopaswa kusimama katika siku za mwisho.

¹⁸⁷ Ni kwamba tu, pia, Yesu alisema hivi, “Wengi watakuja katika siku hiyo, katika Jina Langu, na kusema, ‘Bwana, sikutoa pepo katika Jina Lako?’” Yesu alisema, “Katika siku za mwisho, hapo wakati utakapokwisha na ule ufufuo mkuu uje, ya kwamba wengi watakuja na kuketi katika ule Ufalme.” Ufalme wa Mungu umo ndani yenu.

Wengi, magugu yatakuja na kuketi moja kwa moja pamoja na Ngano, yaseme, “Naam, ngoja kidogo, Bwana! Nilinena kwa lugha. Nilipiga kelele. Nilicheza katika Roho. Nilitoa pepo. Nilinena kwa lugha. Nilifanya mambo haya yote.”

Yeye angesema nini? Angalia. “Enyi watendao maovu, hata sikuwajua.”

¹⁸⁸ *Maovu* ni nini? Muulize mtu ye yote. Ni “kitu ambacho unajua unapaswa kufanya, nawe hutakifanya.” Wao wanajua Neno hilo. Wanalisikia. Unaisikiliza kanda hii. Unausikiliza

Ujumbe huu. Unamwona Bwana Mungu akisema jambo hilo; unamwona akilithibitisha, kulifanya kweli. Nawe unajua Hili dhahiri tu kama vile jua linavyowaka huko nje, bali wewe utakayeshikilia madhehebu yako, kushikilia hayo mambo ya uongo; ewe utendaye maovu!

“Loo, naam, nilikuwa na mikutano mikuu. Nilifanya jambo *hili*. Nilifanya jambo *lile*.”

Kasema, “Ondoka Kwangu, wewe utendaye maovu, sikukujua kamwe.”

¹⁸⁹ “Vema, Roho Mtakatifu alinishukia.” Sishuku hilo hata kidogo. “Nilinena kwa lugha. Niliimba katika Roho. Nilifanya. . .” Sishuku jambo hilo hata kidogo. Hakuna swali juu ya jambo hilo. Loo, ndugu, dada, ni hali ya namna gani!

Huu ni wakati wa kutetemeka. Tuko wapi? Neno hili linaanza kuwa Hai sasa. Angalia.

¹⁹⁰ Naam, Yeye alisema wangefanya hivyo. Angalia, “Enyi mtendao maovu.” Nina Andiko lililoandikwa hapa. Sijui lilikuwa wapi hasa. Nimechukua muda mrefu sana. Nitaliangalia, hebu kidogo, nipate kuona lilikuwa ni nini. Nina—nina Mathayo 7:21. Si—sijui ni wapi. Mimi, wakati mwingine siandiki kitu chini kwake, vema, mi—mimi hukihubiri namna hii, ni—ninasahau nilichokuwa nikirejea kwenye Maandiko. Mathayo 7:21.

Si kila mtu aniambiaye, Bwana, Bwana, atakayeingia katika ufalme wa mbinguni; bali ni yeye afanyaye mapenzi ya Baba yangu aliye mbinguni.

Wengi wataniambia siku ile, Bwana, Bwana, hatukufanya unabii. . .

Manabii, waliotiwa mafuta! Hiyo ni kweli? “Sisi hatukuwa nabii? Hatukuwa tumetiwa mafuta, waliotiwa mafuta? Sijatoa unabii katika Jina Lako? Na katika Jina Lako sikutoa pepo?” Unawezaje kufanya jambo hilo, na kukataa kubatizwa katika Jina la Yesu? Mnaona? Loo, jamani! Mnaona jinsi ilivyodanganyifu? Karibu kabisa kufikia mahali hapo, halafu wanarudi nyuma. Wao wanaenda moja kwa moja mpaka kwenye Neno, kisha wanarudi nyuma. Sasa angalia hili. Tulifungue hili, hebu kidogo.

Wengi wataniambia mimi. . .Bwana, Bwana, sisi hatukutoa unabii, tumekuwa manabii? . . .

Naam, nilizungumzia jambo hilo katika Mathayo 24:24.

. . .na kwa jina lako kutoa pepo, na kwa jina lako kufanya maaja-. . . miujiza mingi?

Ndipo nitawaambia dhahiri, Sikuwajua ninyi kamwe; ondokeni kwangu, nyinyi mtendao maovu.

“Wakati Hilo lilipowekwa moja kwa moja mbele zenu nanyi mkaliona jambo Hilo, na kuliona likitenda kazi, mkaona lilikuwa ni Neno; na kwa ajili ya madhehebu yenu, mkashikiliwa kwayo. Hata sikuwajua. Sijali mliwatoa pepo wangapi, ni wangapi mlifanya *hivi* na *vile*; sikujuu kitu kuwahusu ninyi.”

Balaamu alisema, “Nilitoa unabii wa kweli, katika Jina Lako. Ukatimia.”

¹⁹¹ “Hiyo ni kweli kabisa, lakini, ilipofikia kwenye Neno, ulilikataa.”

Loo, ndugu, mnaona sehemu iliyodanganyifu? Si “nabii,” hasa; bali ni kwa Neno, Neno la kweli, Neno lililothibitishwa likidhihirishwa. “Ninyi mtendao maovu!”

¹⁹² Kujaribu, Shetani amejaribu katika nyakati zote kuliiga Neno la kweli. Tunajua jambo hilo, sivyo?

¹⁹³ Angalia, wanakuja mpaka kingoni kisha wanaacha. Angalia hapa, Yeye alisema, katika Waebrania sura ya 6, sasa, tulikuwa tukiisoma muda mchache uliopita. Niliwaambia muirejee, na tutafanya hivyo kwa dakika chache zifuatazo. Yeye alisema:

...lakini *ikitoo miiba* na michongoma... ambayo *hukataliwa na kuwa karibu na laana; ambayo mwisho wake ni kuteketezwa.* (Wakwamia mpakani!)

...ninyi mliokwisha *kuonja...kipawa cha mbinguni...*

“Kuonja,” katika maneno mengine, mmeliona Hilo! Hamwezi [Ndugu Branham anaiialisha midomo yake—Mh.] kuonja tu kwa mdomo wako. Bali uliliono, nawe ulijua lilikuwa Kweli. Ulijua lilikuwa Kweli. “Mmekwisha onja kipawa cha Mbinguni.”

...na *kufanywa washirika wa Roho Mtakatifu,* alipowashukia,

...*kulionja neno nzuri la Mungu...*

“Kuonja,” mmeona kwamba lilikuwa kweli. “Na Roho Mtakatifu akiwashukia,” magugu kondeni.

...kisha *wakaanguka...*

“Kumkana Kristo yeye aliyewatakasa, kisha akawaita, na kuwatia huo upako.”

...*haiwezekani kuwafanya wakatubu,* kwa ajili ya jambo hilo.

Haisameheki! “Hawawezi kabisa kuufikia ujuzi wa ile Kweli.”

Kwa maana haiwezekani kwa hao walikiokwisha... kufanywa washirika wa Roho Mtakatifu,

Walianguka kwenye magugu, mnaona, “Walianza na Yesu, kisha, ‘Bwana, ninapita,’” bali ulipolifikia Neno,

unarudi. “Kufanywa washirika wa Roho Mtakatifu, na hata wakaonja, ama wakaona Neno Lenyewe likidhihirishwa.” Kisha wanaliacha, “Haiwezekani kabisa kwao kuliona kamwe wala kulifikia.”

Hiyo ni MAANDIKO YASEMA HIVI. Naam, nyinyi. . . “Mbingu na nchi zitapita, bali Hilo halitapita.” Mnaliona? “Haiwezekani kabisa.” Biblia ilisema hivyo, naye Roho anashuhudia habari hizo.

¹⁹⁴ Angalia, hebu niwape mfano mdogo. Angalia watu hao waliokuja chini ya unabii wa Musa, waliotoka katika madhehebu hayo, na wakatoka kutoka katika kila kitu, chini ya unabii, wakaona kazi kuu na maajabu, na mambo kama hayo, na wakafikia kwenye mpaka wa kuingilia.

Naam, Lee, hilo hapo linakuja “jina lako kwenye kile Kitabu.” Mnaona? Umekitengeneza. Nanyi ambao hamko hapa, na huko nje kwenye—kwenye mawasiliano ya simu, ni Daktari Lee Vayle aliyeketi hapa. Yeye anakitia sarufi kitabu hiki cha Nyakati Saba za Kanisa. Basi tatizo likatokea, ama swali, juu ya “jina kutolewa kwenye Kitabu cha Uzima cha Mwana-Kondoo.” Mnaona, limewatatiza wahudumu wengi sana. Bali subirini hata mtakapokipata hicho kitabu, mtalielewa jambo hili iwapo mna Nuru yo yote ndani yenu. Mnaona?

¹⁹⁵ Angalia, sasa, utageuzi kichwa chako na hata hutaliangalia Hilo endapo hutaki kuliona. Kama mama yangu alivyozoea kusema, “Huwezi kupata damu kwenye mboga nyekundu, maana hamna damu ndani yake.”

¹⁹⁶ Angalia, Nuru lazima ije; haiko gizani. Nuru huja kwenye giza, nalo giza haliioni. Waangalie sasa waliotiwa mafuta katika siku hii.

Kama vile Musa alivyowatoa hao wana wa Israeli; nao wakasikiliza na kutatanishwa kabisa na taifa hilo kubwa kule. Naam, Israeli walikuwa wasio wa madhehebu. Hawakuwa na nchi, hawakuwa na makao. Walikuwa wanaelekea nyumbani.

Hatuna kanisa. Sisi sio. . . Tuna—tunaelekea kwenye Kanisa fulani, lile Kanisa la Mzaliwa wa Kwanza, Kanisa lililo Utukufuni; si kanisa lililo duniani, la mwanadamu. Kanisa lililo Utukufuni, walioitwa watoke, waliochaguliwa kwa ajili ya Uzima wa Milele, mnaona, wakielekea Nyumbani kwao.

Basi walipofikia mahali pa kuvukia, wao walilishuku Neno, kisha wakarudi. Baada ya Yoshua na Kalebu na hao wengine kuvuka na kuleta kichala cha zabibu, kuwathibitishia ya kwamba ile nchi ilikuweco, Neno la ahadi ya Mungu, “Ni nchi nzuri, maziwa na asali.” Nao wakayaleta, upande huu, kuwathibitishia. Nao wakayaonja, wakasema, “Loo, loo, hatuwezi kufanya jambo hilo, hata hivyo.” Nini kilitukia? Waliangamia jangwani. Wao walikaa pale pale na kuunda madhehebu, kisha wakafa, kila mmoja wao.

Bali hao waliovuka na kuleta, Yoshua na Kaleb; Musa aligeuzwa. Mfano wao kulingojea Kanisa; na ufufuo wa Agano la Kale, Agano Jipya; na Mwili ulionyakuliwa. Mnawaona hao watatu pale? Hamna budi kuwaweka hao watatu mstarini, mnaona, kwa hiyo, katika mwamini na asiyeamini. Mnaona?

¹⁹⁷ Angalia jinsi ilivyokuwa “kabisa.” Kumbukeni, Mungu kamwe hakuisamehe dhambi hiyo. [Ndugu Branham anapigapiga mimbarani mara nne—Mh.] Sasa hao wataingiaje? Kama ni miiba, kwanza, ni miiba mwishoni. Walio wateule ndio tu watakaoliona Hilo.

¹⁹⁸ Angalia kwa makini sasa. Kama tu katika siku za Mtakatifu Martin, moja kwa moja kabla ya zile Nyakati za Giza; maskini mcha Mungu. Ni wangapi waliopata kusoma maandishi ya Mtakatifu Martin? Wengi wenu mmeyasoma. Tulishuka tukaenda kuchukua maandishi ya Mtakatifu Martin; yule kasisi alisema, “Lakini yeye hakuwa ameingizwa katika hesabu ya watakatifu.” Hakika, hakuwa; si na hao, bali alikuwa ameingizwa na Mungu. Roho Mtakatifu alitwambia tumweke pale kwenye wakati ule wa tatu wa kanisa. Mnaona?

¹⁹⁹ Angalia jinsi alivyokuwa maskini mcha Mungu; aliyeitwa, akachaguliwa tangu zamani. Wazazi wake, makafiri. Babaye, askari. Yeye alikuwa aifuate kazi yake, awe askari. Basi, alipofanya jambo hilo, naye daima aliamini kuna Mungu mahali fulani; mtu wa msituni, naye angeweza kumwona Mungu. Siku moja alipitia karibu na mji fulani, na kulikuwa na mzee mwombaji amekaa pale, anakufa, akimwomba mtu fulani. . . Yeye alikuwa baridi usiku huo. “Loo,” kasema, “nipe kitu cha kujifunika; nitakufa usiku wa leo.”

²⁰⁰ Hakuna angeweza kufanya jambo hilo. Naye Martin akasimama kando na kumwangalia kwa kitambo. Hakuna angaliweza kufanya jambo hilo. Yeye alikuwa na kabuti moja tu. Angeganda kwa baridi, yeye mwenyewe, alikuwa kazini, kama—kama alimpa koti hilo. Kwa hiyo akawaza, “Sote wawili tuna nafasi ya kuishi kama tukigawana.” Kwa hiyo akachukua kabuti lake mwenyewe, akalikata mara mbili kwa kitara chake, akamfunika kwalo yule mzee mwombaji kwalo. Akajifunika koti lake mwenyewe.

Kila mtu akasema, “Angalia ni mlinzi wa kuchekesha namna gani. Angalia ni askari wa kuchekesha namna gani, amejifunika kipande cha kabuti!”

²⁰¹ Usiku wa pili, wakati alipokuwa ametoka kazini na amelala kitandani mwake, aliamshwa usingizini. Akaangalia, amesimama chumbani, na alisimama pale Yesu Kristo amejifunika kipande hicho kikuukuu cha nguo ambacho alimfunika nacho. Yeye alijua papo hapo, “Mnayomtendea mmoja wa walio Wangu wadogo hayo mmenitendea Mimi, kwa watiwa mafuta Wangu,” wanaoketi pale.

Yeye alikuwa mtumishi mashuhuri wa Mungu. Kanisa lilimdhahaki, likamtesa, likamtoa, na kila kitu kingine, bali yeye alikuwa nabii wa Mungu. Aliyosema yalitimia. Kuna wengi waliomwamini katika wakati huo, pia.

²⁰² Nataka kuwaonyesha jinsi Ibilisi alivyo mdanganyifu. Siku moja alikuwa ameketi kwenye chumba chake cha kusomea. Akaja malaika mwenye nguvu, ana taji kichwani mwake, amevaa viatu vya dhahabu, kimia imezunguka nguo yake ya dhahabu, kisha akasema, “Martin, unanijua mimi?” Akasema, “Mimi ni Bwana na Mwokozi Wako. Mimi ndimi niliyekuokoa. Niabudu, Martin.” Bali nabii huyo, akijua kulikuwa na kitu fulani kidogo kigeni hapo, akakaza kumwalia. Akasema, “Martin, mimi ni Mwokozi Wako, Yesu Kristo. Niabudu! Hivi hunijui, Martin?”

²⁰³ Martin akaendelea kumwalia, Maandiko yakipita haraka moyoni mwake. Akasema, “Shetani, ondoka kwangu.” Yeye akasema, “Una taji kichwani mwako. Na Neno la Mungu linasema ‘watakatifu watamvika Yeye taji’ mwishoni mwa wakati.”

Je! hilo lisingekuwa chambo cha Kipentekoste? Angalia Neno hilo, ndugu. Hapo ndipo inapojazi.”

²⁰⁴ Siku moja, tena, katika nyumba ya watawa, walikuwa na mtakatifu mzee kule, kundi la watawa. Kuna mmoja wao aliyekuwa kwa namna fulani hana akili timamu. Angalia jambo hili, huu hapa mfano m—mzuri leo. Yeye alitaka kuwa kitu fulani zaidi ya hao wengine. Alitaka kujionyesha, mamlaka, kitu fulani kikubwa, kitu fulani bora zaidi, tabaka yote, mwajua, na kitu fulani kikubwa mno. Ilimbidi awe bora sana. Sikuzote alitaka hao ndugu wengine wasi- . . . Mwajua, alitaka awe tofauti. Mnaona? Yeye, hata iwe nini, yeye alikuwa na kiburi sana. Alikuwa ndiye wa kipekee kabisa. Hakuna mtu angaliweza kumgusa. Sasa angalia kilichotukia. Ilimbidi awe na kitu fulani kikubwa. Ilimbidi kujilinganisha na watu wa ta—tabaka ya juu. Mnanifuata? Mnaona? Kwa hiyo, yeye alisema, alitabiri. Akasema, “Bwana amenifanya nabii, pia. Mimi ni nabii”

Naam, kulikuwa na nabii mmoja aliyethibitishwa nchini, na huyo alikuwa ni Mtakatifu Martin; yeye alizaliwa nabii.

²⁰⁵ Bali mtoto huyu alisema, jamaa mdogo alisema, mtawa mdogo mwenye umri upatao miaka ishirini na mitano. Alisema, “Bwana amenifanya nabii, nami nitawathibitishia hilo.” Kasema, “Usiku wa leo Bwana atanipa joho kubwa na zuri, anivalishe, joho jeupe, kisha nikae kati yenu. Ndipo ninyi nyote mtanijia, mnaona, nanyi mtashika amri zangu.”

²⁰⁶ Sasa linganisha hilo leo, mnaona, “Mimi nitakuwa kiongozi wa madhehebu. Nitawashughulikia, ninyi watawa wengine.”

Basi kweli kabisa, “Usiku huo, nuru ziliingia kwenye jengo,” ndivyo maandishi ya Mtakatifu Martin yanavyosema. Yasomeni.

Na ni ya kweli. Ni historia. Ndipo nuru zikaingia, na hao wengine wote wakaangalia, na huyu hapa anakuja . . . Alikuwa amevalia joho jeupe, akisimama miongoni mwao. Akasema, “Mnaona niliyowaambia?” Bali hilo ni kinyume cha Neno.

²⁰⁷ Na wakati alipoenda akampata mzee mkuu wa chuo hicho, alitembea huku na huko kidogo, kasema, “Mwanangu, hilo halionekani kuwa sawa.” Akasema, “Kuna njia moja tu.” Hii hapa! “Kuna njia moja tu kwetu kujua jambo hilo. Lilionekana la kimbinguni.” Jamani, Pentekoste ingalinyakua hilo, shina, chubwi, ugwe, ndoana, na kadhalika! Akasema, “Muujiza huo huenda ukaonekana ni sawa, bali hauonekani sawa kwa Neno. Naam, tuna mtu kama huyo, nabii aliyetiwa mafuta, jina lake Martin. Njoo, panda uende mbele zake.”

Jamaa huyo akasema, “La, la! Martin hana uhusiano wo wote na jambo hili.”

²⁰⁸ Naye akasema, “Utaenda, hata hivyo.” Ndipo wakamshika mkono, kumpeleka mbele ya Martin, ndipo lile joho likamwacha.

²⁰⁹ Mnaona, “Itawadanganya walio Wateule kama yamkini.” Mnaona, wao wanawajua. Yesu alisema, “Kondoo wangu wanalijua Neno Langu.”

“Loo,” mnasema, “ati wanaisikia “Sauti” Yangu.””

Hilo ni Neno Lake. “Mtu hataishi kwa mkate tu, bali kwa kila Neno.” Mnaona? Waliochaguliwa tangu awali wanajua jambo hili. “Neno geni, ama sauti ngeni, hawataifuata.”

Hivyo ndivyo walivyo jamaa hao kule nyuma; hawangeifuata. Wao walijua ya kwamba Martin alikuwa pale, nabii wa wakati huo, aliyethibitishwa na Mungu kupitia kwa Neno, alijua Neno. Na mtu huyo hangalisimama mbele Yake.

²¹⁰ Yeye alisema pia, “Palipo na Mzoga,” ama Neno, “hapo, katika majira yake, watakusanyika tai.” Sasa hiyo ni Matha- . . . Mkitaka kuandika hilo, hiyo ni Mathayo 24:28. Kidogo tu kabla ya hapo, Mathayo 24:24; aya nne chini yake, mnaona, kama mkitaka kupapata. “Palipo na Mzoga,” palipo na Mana, palipo na Neno, “ndipo watakapokusanyika tai.”

²¹¹ Sasa sina budi kuharakisha. Niliangalia kule na kuona ni wakati gani . . . Ni—ni dakika saba ama dakika nane baada ya saa sita. Nitaharakisha sana, ama tunaweza kuumaliza usiku wa leo, lo lote mnalotaka kufanya. Asubuhi hii ama usiku wa leo? En-he? Ni wangapi hawana budi kurudi nyumbani leo baada ya ibada, na tuione mikono yenu, mnaona. Loo, jamani, afadhali tuendelee!

Ninasikitika kuwashikilia hao watu kwenye hizo simu huko nje namna hiyo, bali nitaharakisha. Huu una faida kuu kuliko pesa zenu. Naamini una faida, kwangu, mnaona. Pesa zenu zitakwisha. Huu hautakwisha; ni Neno. Mnaona?

212 “Palipo na Mzoga, ndipo watakapokusanyika tai.” Palipo na Mzoga, mahali pana—pana—panapochinjiwa, ndipo watakapokusanyika tai. Palipo na Nyama mbichi, Neno la wakati huu, ndipo watakapokusanyika tai.

Lakini baada ya kuoza, basi nderi watakusanyika kwake. Naam. Mnaona ninalomaanisha? Wakati mnyama amechinjwa, hawa hapa tai wanakuja; bali baada ya kukaa pale, akaoza, basi hawa hapa nderi wanakuja. Tai hawatakuwa na uhusiano wo wote nao. Mnaona?

Yesu alisema, “Palipo na Mzoga,” mahali ilipoanguka Mana, usiku ambao Mana inaanguka mpya, “hapo ndipo watakapokusanyika tai.” Hiyo ndiyo ile Mana ya siku hii. Mnaona? Angalia.

213 Bali baada ya kuoza, mabuu huingia mle, halafu hawa hapa nderi wanakuja. Wao hawawezi kuisikia harufu mpaka imeoza. Si ajabu Yesu alisimama pale akasema, “Yerusalemu, wewe uliyempiga mawe kila nabii!” Angalia hicho kijina cha nafsi, mnaona, “Yerusalemu, Yerusalemu, ni mara ngapi Mimi. . .” Yeye alikuwa nani? “Ni mara ngapi ningekukusanya pamoja kama vile kuku avikusanyavyo vifaranga vyake, wewe uliyempiga mawe kila nabii niliyemtuma kwako,” kanisa lile kuu, Yerusalemu.

214 Yerusalemu isiyu ya hapa duniani, “lakini sisi ni wa Yerusalemu itokayo Juu,” mahali linapotoka Neno, kutoka kuchaguliwa tangu zamani, mnaona. Si Yerusalemu ya kale inayokwisha; Yerusalemu Mpya isiyoweza kwisha. Si Yerusalemu ya kale, iliyojengwa na mwanadamu; bali Yerusalemu Mpya iliyojengwa na Mungu, mnaona, Neno kule juu likidhihirishwa. “Katika Nyumba ya Baba Yangu kuna makao mengi. Nitaenda kuwaandalia hayo,” Muumba akitengeneza barabara za dhahabu, na kadhalika. Huo Ndio usioweza kuangamia.

215 “Yerualemu, Yerusalemu, ni mara ngapi Mimi,” tangu mwanzo wa wakati; si Nafsi ya tatu, mtu mwingine, lakini, “Ningewafunika kama kuku alivyofanya kwa vifaranga wake, bali hamkutaka. Bali sasa saa yenu imewadia.” Mnaona?

“Palipo na Mzoga, watakusanyika tai.” Lakini baada ya huo mzoga kuoza, basi kengewa wanakusanyika. Mnaona?

216 Angalia. Musa, kamwe hakuwapa watoto wa Mungu. . . Musa alikuwa tai, wala hakuwapa watoto wa Mungu mabaki ya Nuhu. Yeye alikuwa na Neno jipya la Mungu. “Bwana Mungu alikutana nami nyikani, Naye akalithibitisha Neno Lake, akanituma nije hapa niwaite mtoke.” Ndipo wakaja waigaji kila mahali, wakiliiga hilo. Mnaona? Bali yeye alikuwa na Neno la wakati huo.

Maana, Mungu alimwambia Ibrahimu, yule aliyekuwa na ahadi, “Uzao wako utakuwa mgeni katika nchi ya kigeni, miaka mia nne, bali nitawazuru na kuwatoa kwa mkono wenye nguvu.”

²¹⁷ Musa alisema, “Naam, Bwana Mungu atanena nami na kunionyesha, naye ameniambia la kufanya, nami nitawaambia.” Kasema, “‘MIMI NIKO’ alinituma.”

“MIMI NIKO!” Si “Nilikuwa, wala Nitakuwa.” “MIMI NIKO,” wakati uliopo, Neno sasa hivi. Si Neno lililokuwa, wala Neno litakalokuja; Neno lililopo sasa. Mnaona? Mnalifahamu? “MIMI NIKO!” “MIMI NIKO” ni Neno. “Hapo mwanzo alikuwapo Neno, Naye Neno alikuwako pamoja na Mungu.” Hiyo ni kweli? “MIMI NIKO.” “Mungu alinituma kama nabii Wake, kuthibitisha jambo hili kuwa ni kweli. Mimi ndiye jibu la Neno hili, kwa hiyo, wakati Yeye anaposhuka huku na kufanya jambo hili.”

²¹⁸ Na alipofanya jambo hilo, Farao akasema, “Vema, tuna vijana wengi sana katika kundi letu wanaoweza kufaya jambo hilo, pia,” waigaji.

Yesu alisema, “Naam, hiyo itajirudia tena katika siku za mwisho,” mnaona, wakidai jambo lile lile. Angalia ni nani aliyeshuka akaja kwanza. Angalia ni nani aliyedumu na Neno. Naam. Hivyo ndivyo inavyojulikana, kwa hiyo mnaona.

²¹⁹ Tunaona, Musa hakuwapa kilichokuwa cha wakati wa Nuhu, “Tutajenga safina sasa, maana hilo ndilo Neno, mwajua. Nuhu alijenga safina siku moja.” La, nderi walikuwa wakila hayo. La, la. La, la.

²²⁰ Hili ni Neno lililoahidiwa. Angalia, kwa ajili ya ujumbe wake alioutoa kwa Mungu, yeye alikuwa na Neno kwa Mungu halisi lililochaguliwa tangu zamani kwa ajili ya saa hiyo. [Ndugu Branham anagongagonga mimbara mara mbili—Mh.]

Wala Yesu hakuwaandalia mabaki ya Musa. Musa alikuwa na Neno la wakati huo, bali Musa alikuwa nabii. Huyu hapa Mungu Mwenyewe, mnaona. Yeye hakuwaandalia mabaki ya Mu—Musa.

Bali waangalie tu hao nderi katika madhehebu hayo, walikuwa wakijishibisha. “Tunajua! Tuna Musa! Si lazima tukupokee Wewe.”

²²¹ Akasema, “Kama mngalimjua Musa, mngenijua Mimi, kwa maana Musa alinena habari Zangu.” Loo, jamani! Mnaona?

“Palipo na Mzoga, tai watakusanyika.” Tai! Windo jipya la Neno, Neno ambalo limekwishakuzwa na kunona, na limeshirishwa na kutolewa kama Chakula kwa watoto.

Naam, mzoga wa kale uliowekwa pale kwa mamia ya miaka, utakuwa pale.

Vile vile sasa! Luther alikuwa na ujumbe wa toba; lakini, enyi kundi la kengewa wa Kiluteri! Wabatisti walikuwa na ujumbe; lakini, enyi kengewa wa Kibatisti! Mnaona? Pentekoste ilikuwa na ujumbe; tukija nyumbani sasa, kengewa wa Kipentekoste!

“Bali palipo na Mzoga, ndipo watakapokusayika tai.”

²²² Kumbuka, usingaliweza kumlisha Mluteri, huko nyuma katika hizo siku (unaweza sasa), mzoga uliooza wa Kikatoliki. La, bwana. Yeye alikuwa na nyama mbichi. Huo ulikuwa wakati huo wa kanisa.

Usingeweza kumlisha Methodisti, ujumbe wa Kiluteri. Loo, la, yeye hakula mzoga huo uliooza. Umeoza. Mnaona, Uhai tayari ulikuwa umeuacha na kuingia kwenye kitu kingine. Huo ni ubua wa kale uliokufa, kule nyuma. Uhai unasonga mbele.

Wala huwezi kumlisha Bibi-arusi wa Yesu Kristo Upentekoste. La, hash! Madhehebu yaliyojaa mabuu; hayafai kitu! La, la!

Kwa maana ahadi ni kwamba, “Na kabla haijaja siku hiyo iliyo kuu na ya kuogofya, nitawapelekea Eliya nabii. Yeye atairudisha mioyo ya watoto iwarudie Imani ya baba zao tena.” “Ahadi hizi zote zilikuwa zimetolewa katika Biblia, nitazitimiza, na hapo ndipo watakapokusanyika tai.” “Wote alionipa Baba watanijia Mimi.” Mnaona?

²²³ Yesu hakujaribu jambo hilo kamwe. Bali Yesu alipokuja, Yeye aliwakuta hao makundi la nderi, “Tuna Musa na torati.” Mnaona? Vema, hicho kilikuwa ni chakula kizuri kule nyuma kabisa kilipouawa nao wakapewa. Mnaona, hicho kilikuwa sawa wakati huo.

Bali jambo hili ndilo lililobashiriwa na Musa, mwenyewe, aliyechinja ile sadaka, kasema, “Bwana Mungu wako atawaondokeshea kati yenu, mmoja wa ndugu zenu wenyewe, Nabii. Itakuwa, ya kwamba kila mtu asiyeshika ya Nabii huyo na yale anayosema, atakatiliwa mbali na watu.” Na ikawa hivyo.

²²⁴ Angalia vipi kuhusu nabii mbalimbali mia sita zilizotimizwa papo hapo, za Agano la Kale, kwa Yesu Kristo. “Waliichoma mikono na miguu Yangu.” Yapata, nasahau ni ngapi zilitimizwa katika masaa saba ama manane ya mwisho wa maisha Yake, yote waliosema manabii, kikamilifu.

²²⁵ Kama ningelitabiri leo ya kwamba jambo fulani lingetukia katika mwaka mmoja tangu sasa, labda nina—nina uwezekano wa asili mia ishirini kwamba lingetukia, liwe kweli liwe uongo. Na kama nilibashiri ya kwamba hilo litatukia, nami sikusema ni lini, nina asilimia chache zaidi. Kama nilibashiri ingetukia lini, inanipa nafasi ndogo zaidi. Kama nilibashiri mahali lingetukia, inanipa hata nafasi ndogo zaidi. Kama nilibashiri... itakuwa

juu ya nani, basi ningali nina sehemu moja juu ya laki moja ya nafasi kwamba itatimia kamwe, kama si kweli.

Na kila Neno, haleluya, lililoandikwa juu ya Masihi huyo, lilitimizwa lote kabisa. Mpaka hata siku moja, alipokuwa anasoma Maandiko, Yeye alikoma moja kwa moja katikati ya sentensi, akasema, “Roho wa Mungu yu juu Yangu kuihubiri Injili, na kuwaachia huru . . .” Naye akakoma papo hapo katikati ya sentensi, kwa sababu yaliyosalia ni Kuja Kwake mara ya pili. Amina! “Mbingu na nchi zitapita; bali Maneno Yangu hayatapita.” Mnaona?

²²⁶ Yeye alikuwa Neno wakati huo, lililokuwa likiwalisha wakati huo. Musa aliwaambia Kweli; lakini, mwaona, wao sikuzote waliunda madhehebu kutoka kwake, kwa ajili ya nderi ku- . . .

Kuna kidogo kilichobakia baada ya tai kula na kwenda nyumbani. Kisha wao wanangojea kuona kitu kingine. “Neno,” wao wanasema, “hapa linapaswa kuja. Tulikula na kulungu jana; kesho tutakula kondoo.” Mnaona ninalomaanisha? “Kuna mzoga wa kale uliooza wa kulungu pale, kusimbulia, bali tuna kondoo anayekuja leo. Yuko wapi?” Mnaona ninalomaanisha? Chakula cha Malaika! Watu waliokula mana siku moja, kama walijaribu kuiweka hata kesho yake, iliambukizwa. Hivi hamwoni mifano yote, jinsi ilivyo kamili? Ni vile vile sasa!

²²⁷ Angalia, wale nderi wa siku za Yesu pia walikuwa wakiwatoa pepo; waliotiwa mafuta juu ya huo mzoga wa kale. Hiyoyi ni kweli? Wao walikuwa wakiwatoa pepo. Yesu alisema jambo hilo.

Tena kumbukeni, wao walikuwa na manabii katika siku hizo. Kayafa, kuhani mkuu, alitabiri. Ni wangapi wanaojua jambo hilo? Kayafa alitabiri. Angalia mahali pa magugu katika shamba; yanamwagiliwa maji kwa upako ule ule. Kwa nini Biblia ilisema yeye alitabiri? “Kwa maana alikuwa kuhani mkuu mwaka huo.” Topasi aliyeoza, magugu na mwiba, ikikaa kati ya Ngano; bali Roho alikuwa juu yake, Roho Mtakatifu halisi wa Mungu. Roho Mtakatifu wa Mungu alikuwa juu yake, kuhubiri, kutabiri, na kubashiri litimie; kisha akalikana na kulisulubisha Neno lile lile lililothibitishwa la wakati huo.

Loo, rehema, ndugu! Ni muda gani zaidi itatupasa kusema mambo haya, mnaona, ni muda gani zaidi kupitia kwenye Maandiko? Nitaharakisha. Nina yapata kurasa kumi hapa, za Maandiko, jinsi ya kuthibitisha mambo yote. “Jua juu ya walio haki na wasio na haki, lile lile.”

²²⁸ Yesu alisema, kuthibitisha hili. “Kama nikitoa pepo kwa kidole cha Mungu, wana wenu wanawatoa kwa nani?” Naam, wao walikuwa wanatoa pepo. Walikuwa wanatabiri. Sivyo? Bali hawakumtambua Yeye kuwa Neno la wakati ule, (kwa nini) kwa sababu Yeye hakuhusiana nao.

Sasa chukua Mathayo 24:24, “Makristo wa uongo,” waliotiwa mafuta, “watainuka, na watakuweko manabii wa uongo wakitabiri,” mnaona, “nao watawapoteza Walioteuliwa kama yamkini.” Mmelipata sasa?

²²⁹ Angalia hao watoto. “Ni nani watoto... Kama Mimi ninawatoa pepo kwa Neno la Mungu,” ambapo, Yeye alikuwa Neno la Mungu, “wana wenu wa kimadhehebu wanamtoa kwa kitu gani?” Naam, na ni Mungu pekee anayeweza kuwatoa pepo, tunajua jambo hilo, Mungu pekee. Kwa kuwa, huyo mtu mwenye nguvu hana budi kuwa na nguvu zaidi ya yule aliye nyumbani. Wao walikuwa na nguvu za kufanya jambo hilo.

Mwajua, katika Ufunuo pale, kasema ange-... huyo roho wa mpinga Kristo aliyeinuka katika siku za mwisho. “Alifanya ishara na maajabu, ambayo hata yaliwapoteza hao wakaa juu ya uso wa dunia, na kumdanganya kila mmoja wao, Wakristo na kadhalika, ambao majina yao hayakuandikwa katika Kitabu cha Uzima cha Mwana-Kondoo,” jawabu la Mathayo 24:24, “ambao majina yao hayakuandikwa katika Kitabu cha Uzima cha Mwana-Kondoo tangu kuwekwa misingi ya ulimwengu.”

Huo Uhai uliokuwemo katika shina la mchungwa huo—huo halisi, ambao ulipitia katika hiyo jamii ya mibalungi na kadhalika, kisha ukapita na kuzaa tunda juu ya huo mti, juu ya mapandikizo yote ya kimadhehebu na matawi. Mnalipata? Nitaharakisha. Mtu mwenye nguvu. . .

²³⁰ Mkumbukeni Daudi sasa, yeye alikuwa mwaminifu, mkweli, akijaribu kumfanyia Mungu kazi fulani, naye hakuwa amechaguliwa kuifanya.

“Wao,” waliotiwa mafuta; lakini Yesu alisema, “Wao wanafundisha Mafundisho yaliyo tafsiri (ya Maandiko) ya wanadamu,” mnaona, si Neno la Mungu, si Neno Lake lililothibitishwa; wakifundisha juu ya Kristo wa kihistoria, mnaona, kitu ambacho kilikuwepo.

Nayo Biblia ilisema, “Yeye yuko.” “MIMI NIKO,” si “nilikuweko wala nitakuwa.” “Mimi niko sasa hivi.” Yeye ndiye Neno hilo linaloishi kupitia hapa.

Yeye alikuwa, hapo mwanzo, Yeye alikuwa katika... Yeye alikuwa katika ma—majani; Yeye alikuwa katika kishada; Yeye alikuwa katika kapi; bali sasa Yeye yuko kwenye Punje.

²³¹ Naam, unarudi nyuma na kujaribu kuishi tena? Vipi kama Uhai huo ungalirudi kule chini, unafikiri Uhai (uliosalia) huo ungalizungumza kamwe, urudi baada ya kapi hilo la kale kukauka, ungerudi kamwe na kuishi ndani yake tena? Haufanyi namna hiyo. “Kwa maana haiwezekani kwa wale waliokwisha kupewa nuru,” nao hawakusonga mbele pamoja na Neno hapo lilipotimia, “wao wamekufa, wamekwisha; na miiba na michongoma ambayo huwa karibu kukataliwa, ambayo mwisho wake ni kuteketewa.” Sivyoy?

Sasa nikiharakisha upesi niwezavyo.

²³² Angalia Maandiko sasa. Kufundisha Mungu wa kihistoria, mnaona, kama tu wanavyojaribu kuishi katika wakati uliopita, kama vile, “Vema, Wesley alisema *kitu fulani*. Ama, *Fulani* alisema *kitu fulani*.” Mnakataa Neno lililoahidiwa la siku hii, Mana iliyotambulishwa dhahiri ya siku hii. Wao wanajaribu kuweka Uluteri wao wa kale, Ubatisti, divai za Kipentekoste katika chupa zetu mpya. Haifai kitu. Na Divai yetu mpya, katika chupa zao za kale, haitafaa kitu. Kama wakajaribu kuweka Divai hii mpya katika madhehebu, upumbavu wao unadhihirishwa. Hawawezi kufanya jambo hilo. Inaipasua.

²³³ “Naam, ndugu, niliona Neno la Mungu, kikamilifu kwa Neno!”

“Naam, angalia hapa, Daktari, kama...Ha—hatuwezi kuchukua Hilo.” Ned, nafikiri umekuwa na baadhi ya mambo hayo hivi majuzi. “Sisi, hatuwezi kabisa kuchukua Hilo hapa sasa. Na—naona afadhali labda uendelee tu.” Mwajua. Mnaona, haifai kitu. Inapasuka.

“Huweki kitambaa kipya kwenye nguo kuukuu, maana utafanya yote iraruke.” Mnaona? Yesu hakusema hivyo? Huwezi kutia Divai mpya katika chupa kuukuu. Itazipasua. Divai mpya ina Uhai ndani yake. Vema.

²³⁴ Angalia hapa jambo fulani, upesi sana sasa, tunapomalizia haya...mazungumzo yetu. Angalia Ufunuo 16:13 hadi 14, kama unataka kuandika hilo. Labda sitakuwa na wakati kuliendea. Nawatakeni mwe na hakika mataliona. Sasa angalia, huku ni kupiga baragumu kati ya Kitasa cha Sita na cha Saba.

²³⁵ Sasa tuta—tutafunga katika dakika moja tu, kama mnaweza tu kuvumilia dakika chache zaidi. Tunafunga sasa.

²³⁶ Angalia. Ufunuo 16:13 hadi 14, kati ya Kitasa cha Sita na cha Saba, “Roho tatu za uchafu zilizofanana na vyura” (mliona jambo hilo?) “zikatoka katika kinywa cha mtu fulani.” Sasa angalia, upesi. Mko tayari? Semeni, “Amina.” [Kusanyiko, “Amina.”—Mh.] Utatu wa roho!

²³⁷ Sasa ndugu wa kimadhehebu, kaa kimya kwa dakika moja. Usisimame na kutoka chumbani, huko nje katika redio hii, mawasiliano ya simu. Usizime kinasasauti chako. Kaa kimya kwa dakika moja tu, usikilize. Endapo umezaliwa na Mungu, utafanya hivyo.

²³⁸ Utatu wa vyura! Chura ni mnyama ambaye daima hutazama nyuma. Yeye haangalii anakoelekea; huangalia anakotoka. Mnaona? Hamwoni? Utatu ulizaliwa wapi? Kumbukeni, “roho watatu wa uchafu,” roho moja moja. Mnalipata? [Kusanyiko linasema, “Amina.”—Mh.]

²³⁹ Angalia, wao wanaangalia kule nyuma kwenye Baraza la Nikea ambako fundisho la utatu lilizaliwa, si kwenye Biblia.

Hakuna kitu cha namna hiyo. Wao wanaangalia kule nyuma kwenye Baraza la Nikea huko Nikea, Rumi, ambako utatu ulizaliwa.

Angalia walikotoka. Angalia. Na utatu wa vyura ukatoka kwenye utatu wa kale, ukazaa utatu mpya, mama yao. Ulitoka wapi? Utatu, “yule joka,” mnaona, “yule mnyama,” na “yule nabii wa uongo.” Utatu, upya. Kwani hawa vyura walitoka wapi? Walitoka lini? Angalia, walikuwepo sikuzote, bali hilo halikudhibitishwa mpaka kati ya Kitasa cha Sita na cha Saba, kabla tu ya zile Muhuri kufunguliwa na kulifunua.

“Kwa maana katika Ujumbe wa malaika wa saba, siri za Mungu zingejulikana,” mambo haya yote ya utatu, na matatizo ya uongo, na kila kitu kilikuwa kidhihirishwe. Mungu na atusaidie kuona lililo Kweli! Na siyo kufikiri ati ni mtu fulani akijaribu kusema jambo fulani ku- . . .

²⁴⁰ Nasikia hiyo roho ikichukizwa na jambo Hilo, mnaona. Mimi sineni habari zangu, ndugu. Ninazungumza juu ya Malaika wa Bwana aliye kambini. Hiyo ni kweli kabisa.

²⁴¹ Angalia, utatu! “Yule joka,” ni wangapi wanaojua joka alikuwa nini? Ilikuwa ni Rumi. “Naye yule joka akasimama mbele ya yule mwanamke apate kumla mtoto wake mara azaliwapo.” Hiyo ni kweli? Maana ya “mnyama” ni nini katika Biblia? Nguvu. Sawa. “Nabii wa uongo, nabii fulani wa uongo,” mtu wa uongo, mtiwa mafuta. Mnaona?

²⁴² Ilianzia wapi? Huyu ni “nabii wa uongo,” umoja. “Nabii wa uongo,” papa wa kwanza; na kutoka pale akatoka “yule— yule kahaba, mama wa makahaba,” jambo hilo lote.

Utatu wa uongo ulikuwa unainuka; si katika siku za mwanzoni, haungedhihirishwa katika siku za mwanzoni, ulisonga mbele moja kwa moja pamoja nao. Bali wakati zile Muhuri Saba zitakapokuja, na kuzifungua siri hizo na kuzifunua; hapo ndipo “wale vyura, roho watatu wa uchafu kama vyura, walipotoka kujidhihirisha wenyewe,” fundisho la utatu dhidi ya ile Kweli. Mnaona? Hum!

Mnaona lilikotoka? Mnaona linakorudi? Baraza la Ekumeni. Wao wote ni ndugu, haidhuru; roho zile zile, jambo lile lile.

Basi angalia. Ni danganyifu sana, ikifanya miujiza! Na hawa ni pepo wanaokwenda kwenye miungu wote wa dunia, wakifanya miujiza, kuwadanganya katika siku ya mwisho, nao watafanikiwa katika kufanya jambo hilo. Mungu alisema nini juu ya huyo roho wa uchafu?

Kasema, “Nitashuka niende niingie katika kinywa cha manabii hao na kuwafanya watabiri uongo, kumfanya Ahabu atoke aje pale akaangamizwe.”

²⁴³ Mungu alisema, “Nenda. Utafanikiwa. Utawafanya waamini jambo hilo. Wao hawako kwenye hilo Neno, kwanza.” Mnaona?

“Nenda, kwa kuwa utamshawishi. Ndiwe utakayefanya jambo hilo, utakapoingia ndani ya hao manabii wa uongo, maana yeye anawategemea wao moja kwa moja. Naye hajui kitu juu ya Neno, wala hatajaribu kujifunza habari Zake. Hawezi kufanya jambo hilo, kwa maana yeye ni mwiba, kwanza.” Mnaona? Mnaona? “Utafanikiwa.”

²⁴⁴ Angalia hapa kwenye hawa vyura wa uongo, wakiangalia nyuma, “Mbona, unajua waliyosema kule nyuma katika Nikea?”

Sijali walisema nini, kule Nikea. Ninasema waliyosema hapa kwenye Kiti cha Enzi cha Mungu; kitakachotukia, si kilichokuwa; kitakachotukia, kwa maana Yeye ni “MIMI NIKO.” Mnaona?

“Uongo.” Angalia jambo hilo. Hum! Angalia walikotoka.

²⁴⁵ Sasa sikiliza kwa makini. Tunaona dhahiri, baada ya kufunguliwa kwa zile Muhuri Saba, huko ni kufunuliwa kwa siri ile. Huo utatu ni nini? Mnaona? Ni wapi ulipowahi kuitwa utatu? Mnaona? Ni wapi katika Biblia ilipowahi kunena juu ya neno utatu? Ni wapi kungeweza kuwa na Miungu watatu, ambapo tunaabudu Miungu watatu na tusiwe makafiri?

Wanaweza kuwa tofauti, wakati Yeye aliposema, “Mimi na Baba Yangu ni Mmoja?” “Msipoamini ya kwamba Mimi Ndiye, mtaangamia katika dhambi yenu, mnaona, kutokuamini kwenu.” Dhambi ni kutokuamini. “Mtaangamia katika kutokuamini kwenu.”

Loo, mnasema mimi ni nani, mlisema nilitoka wapi,

Loo, mnamjua Baba Yangu, ama mnaweza kujua Jina Lake?

MIMI NIKO Waridi la Uwandani, Nyota ya Asubuhi Ing’ aayo.

Mnaweza kujua Yeye ni Nani?

MIMI NIKO ambaye nilinena na Musa katika kijiti kilichowaka Moto,

MIMI NIKO Mungu wa Ibrahimu, Nyota ya Asubuhi Inayong’aa.

MIMI NIKO Waridi la Uwandani, loo, mlisema nilitoka wapi;

Loo, mnamjua Baba Yangu, ama mnaweza kufahamu Jina Lake? (Amina!)

MIMI NIKO Alfa, Omega, Mwanzo kutoka Mwisho;

MIMI NIKO uumbaji wote, na Yesu ndilo Jina Lake.

²⁴⁶ Hiyo ni kweli. Hakuna utatu! La, bwana. Hilo ni jambo la uongo.

Zile Muhuri Saba, zikizifungua siri hizo ambazo zinapaswa “kumalizwa,” kunatokea. Muhuri unafunguliwa; unaandaa, unaonyesha, unafanya dhahiri Kweli zilizofichwa ambazo zile Muhuri zilikuwa zimeficha miaka hii yote, kupitia makanisa hayo yote na madhehebu.

“Yule kahaba mkuu, wa Ufunuo sa- . . . Alikuwa ni nani? Bali yeye ni “MAMA WA MAKAHABA,” pia. Mnaona?

²⁴⁷ “Naam, uliwaita wao ‘nderi,’” mnasema, “Ndugu Branham.” Hiyo ni kweli.

Lakini, kumbukeni, nderi ni ndege. Ana upako wa kuruka, pia. “Zile roho mbili zitafanana sana ingewapoteza walio Wateule.” Nderi ni mkubwa kama—kama tai. Yeye angeweza kuruka kama huyo tai; naye ana upako wa kuruka, ama kuhubiri, ama kutabiri, angalia, sawasawa na tai. Bali hawezi kumfuata tai huko juu kabisa. La, la. Kama akijaribu kumfuata tai, upumbavu wake utadhihirishwa. Naam, bwana. Yeye hawezi kumfuata tai.

Loo, anaweza kusema, “Namwamini Yesu Kristo kuwa ni Mwana wa Mungu. Namwamini Mungu Baba, Mwenyezi, Muumba wa mbingu na nchi; Yesu Kristo Mwanawe, na kadhalika.” Loo, hakika, wao wanaweza kufanya jambo hilo. Lakini vipi kuhusu Yeye kuwa yeye yule jana, leo, na hata milele? Mnaona?

²⁴⁸ Tai ni ndege aliyeumbwa maalum. Hakuna kitu kingine kama yeye, duniani. Mnaona? Yeye—yeye. . . Kama kengewa akijaribu kumfuata, ama ndege mwingine ye yote, angechanganuka vipande-vipande. Upumbavu wake ungefanywa dhahiri, bila shaka. Yeye angepasuka iwapo angejaribu kuitia Divai mpya katika chupa kuukuu. Mnaona, yeye angepasuka. Angechanganuka vipande vipande. Yeye hajafanywa, haja- . . . Mwili wake haujaundwa pamoja kwa muundo wa kustahimili kule juu. Anapofikia katika mazingira yale makuu kule juu, kama yeye hakufanywa, kuagizwa, kuchaguliwa tangu zamani, kuzaliwa tai, atapasuka vipandevipande. Mnaona? Manyoya yangeruka yatoke kwenye mabawa yake, naye angeanguka ardhini. Hakika. Yeye hawezi kumfuata tai, katika mahali pa juu. Kama akijaribu kufanya hivyo, upumbavu wake utadhihirishwa. Hiyo ni kweli. Huwezi.

²⁴⁹ Kwa nini? Hawezi kuona kama tai. Inafaa nini kujaribu kuruka juu sana, nawe huwezi kuona uliko unapokuwa kule juu? Na kama angejaribu, hata kujaribu kumwiga tai huyu, kule juu sana, yeye anakuwa kipofu sana hajui amefikia wapi. Hiyo ni kweli. Yeye anapaza sauti na kupiga makelele, na kufanya yasiyofaa; bali nena tu Neno kwake, wee, hapo upumbavu wake unajulikana.

Mzungumzie juu ya ubatizo katika Jina la Yesu Kristo, ama, Yeye kuwa yeye yule jana, leo, na hata milele, yo—yote namna

hiyo, kisha umwambie, “Naam, loo, sasa ngoja tu kidogo!” Mnaona? Loo, naam, hapo manyoya yake yanaanguka. Mnaona, yeye ameruka juu tu, na kutabiri, na kutoa pepo, na kunena kwa lugha, na kupiga makelele, na kufanya yasiyofaa, na kukimbia huku na huko sakafuni. Bali usijaribu kumfuata Kule juu; mbona, yeye bila shaka atajulikana.

Hata hivyo, ameagizwa. Ametiwa mafuta. Anaweza kuruka. Anaweza kujisawazisha, aende kule juu, bali si . . . umbali huo tu. Mnaona, anaweza kula mzoga uliooza, bali hawezi kula Nyama mbichi inayotoka kwenye Kiti cha Enzi.

Yeye ni kipofu. Yeye amechochewa sana, bali hajui amechochewa juu ya kitu gani. Mnaona, roho yuyo huyo aliyemshukia, kama mvua, kumfanya ngano; yeye si ngano kwanza. Analipuka. “Loo, mimi siwezi kustahimili . . . Loo, la, bwana! Najua Daktari Jones alisema . . .” Vema, endelea. Mnaona? Endelea, ukitaka.

²⁵⁰ La, angalia, yeye hajazaliwa, ama kujengwa, wala kuchaguliwa tangu zamani, kuwa ndege wa namna hiyo. Anaweza . . . Yeye ni . . . huenda akawa limau linalokua kwenye mchungwa, bali hakutoka kwenye mashina kamwe. Yeye ni kitu kilichongezewa. Basi wanapofikia juu sana katika madhehebu yao hata wasiweze kuona Neno la Mungu lililokusudiwa tangu zamani likithibitishwa, hapo basi upumbavu wao unajulikana. “Loo, upuzi huo, Duara juu ya kichwa, na kadhali, loo, Hiyo ni upuzi.” Mnaona? Unajulikana.

²⁵¹ Yeye hajajengwa kuona umbali huo. Yeye anaweza kuona tu umbali ambao miwani yake ya kimadhehebu itamruhusu kuangalia. Lakini, baada ya jambo hilo, yeye ni kipofu kama popo. Hapo ndipo upumbavu wake unajulikana. Mnaona? Hapo ndipo tai wa kweli anapoketi apate kula. Naam, bwana. Hapo ndipo tai wa kweli, walioteuliwa wanapooa yeye ni nani. Hapo anaposhindwa kuchukua hilo Neno, wao wanajua papo hapo yeye ni nderi wa kimadhehebu.

²⁵² Naam, mbona hawezi kuruka? Maana, angalia ambacho amekuwa akila. Amekuwa akila mzoga uliooza wa kimadhehebu. Huo hauta—huo hautaufanya mwili wake kuwa wa kiroho, hautamweka katika afya ya kiroho, katika maneno mengine, kumchukua juu ya tofauti za kimadhehebu. Mnaona? Mnaona, yeye analishwa tu katika takataka zilizooza; mwili wake umefanywa kwa hizo. Hawezi kwenda kule juu mahali ambapo Nyama mbichi inampeleka tai huyo. Hawezi kabisa kufanya jambo hilo. Mnaona?

²⁵³ Hiyo inatimiza Mathayo 24:24. Yeye anaruka, akiruka hewani, akipigapiga mabawa yake, lakini hawezi kabisa kuruka juu vya kutosha. Mnaona? Hiyo ni kweli. Mnaona, yeye hawezi kwenda, yeye hawezi kupaa juu vya kutosha kupata hiyo Mana mpya. Anaweza kula ile mana ya kale iliyo hapo ardhini, sungura

wa kale waliokanyagwa na gari juma moja lililopita, na mwezi mmoja uliopita, ama miezi arobaini iliyopita, kuabukizwa. Anaweza kula hao, na kuwafurahia tu, kulia na kupiga mayowe, na kupiga makelele, na kuruka na kupuruka kama tai mwingine. Ana upako, kama ndege mwingine.

Naye ni mfano wa tai, nderi ni mfano wa tai. Tunajua jambo hilo. Hakika ndivyo alivyo, bali hawezi kumfuata tai huyo halisi. Mnaona? Hawezi kabisa kufanya hivyo. La, bwana. Mwili wake hakujengwa; amekuwa akila mzoga wa aina nyingine uliooza, mnaona, na haitakuwa. . . haitakuwa—haitakuwa Nyama mbichi, Mana mpya. Itakuwa kitu alichosema Luther; alichosema Wesley, ama alichosema Daktari *Fulani*. Haitakuwa ni kile alichosema Yesu kwa ajili ya saa hii.

²⁵⁴ Na tuende sasa, kufunga. Waliotiwa mafuta, “Makristo,” katika siku za mwisho, bali “waalimu wa uongo na nabii wa uongo.” Angalia jinsi lilivyo la kushangaza! Sasa nawatakeni mlinganisha jambo hili; hatuna wakati wa kulisoma, Mathayo 24:24 pamoja na Timotheo wa Pili 3:8.

Mathayo 24:24 ilisema, katika siku za mwisho, mnaona, “Wataokea Makristo wa uongo,” watu wa uongo, waliotiwa mafuta, “manabii wa uongo, nao wataonyesha ishara na maajabu,” kama Yeye aliye—aliye wa kweli hasa, “nao karibu wata—nao karibu watawapoteza Walioteuliwa.” Sasa angalia, huyu alikuwa ni Yesu akinena.

²⁵⁵ Huyu hapa Paulo anakuja, moja kwa moja nyuma Yake, akasema, “Naam, katika siku za mwisho, kutatokea watu wa kidini, mnaona, wenye mfano wa utauwa. Na kuchukua mateka wanawake wajinga, waliochukuliwa na kila namna ya tamaa za ulimwengu.”

Nao wanashangaa, kasema, “Mbona wewe huwakemea hao wanawake?” Loo, jamani. . . Wao hata hawalioni Hilo.

“Wanawachukua mateka wanawake wajinga, waliochukuliwa na kila namna ya tamaa,” kutoka kwa mambo kama kwenye. . . ya. . . Mnaona, “Na kama vile Yane na Yambre. . .”

Mathayo 24:24, “Makristo wa uongo,” wa uongo, waliotiwa mafuta, wakitenda ishara na maajabu wapate kuwapoteza walio Wateule.

“Sasa kama vile Yane na Yambre walivyompinga Musa, vivyo hivyo hawa waliokataliwa; waliokataliwa kwa mambo ya Imani.” Si imani “fulani.” “Ile Imani!”

“Imani moja, Bwana mmoja, ubati- . . .” Huwezi kuwa na “Imani moja” bila ya kumwamini “Bwana mmoja.” Huwezi kuwa na mabatizo mawili, na si mmoja kwa Baba, Mwana, Roho Mtakatifu. “Ubatizo mmoja,” Yesu Kristo. Hiyo ni kweli. Mnaona, ubatizo wa uongo!

²⁵⁶ Angalia, yalinganishe pamoja utakapofika nyumbani. Angalia Mathayo 24:24, Yesu akinena; Paulo, Timotheo wa Pili 7:8; mengine mengi. Na sasa linganisha hilo.

²⁵⁷ Halafu weka Andiko lingine, Luka 17:30, Malaki 4.

“Kama vile Yane na Yambre walivyoshindana na Musa,” Neno lililotiwa mafuta la wakati huo, “vivyo hivyo na watu hawa,” si mtu, “watu,” waliotiwa mafuta, “wanapingana na ile Kweli.”

²⁵⁸ “Katika siku ile ile Mwana wa Adamu atakapofunuliwa.” Ufunuo 10:1 hadi 7, isomeni mtakapofika nyumbani, “Ujumbe wa malaika wa saba, kule kufunguliwa kwa zile Muhuri.” Ni nini? Si ati yule malaika ni Mwana wa Adamu; bali huyo mjumbe anamfunua Mwana wa Adamu. Mnaweza kulitenganisha sasa? Hapo ndipo linapoonekana kuwa gumu sana kwenu, mnaona. Si Mwana wa Adamu, Mwenyewe; bali malaika wa saba, mjumbe wa saba, anawafunulia watu Mwana wa Adamu, kwa maana imeondoka kwenye kapi. Hawezi kulifanya madhehebu. Ni Punje, Yenye, tena.

“Na katika siku hiyo, Yane na Yambre watashindana,” waliotiwa mafuta (wanaojifanya waamini na wasioamini, kanisa la kirasmi na la Kipentekoste) watashindana na ile Punje ya kweli, “bali waacheni; upumbavu wao utadhihirishwa, kama vile wao ulivyokuwa.” Mnaona? Mnaelewa sasa? [Kusanyiko, “Amina.”—Mh.]

²⁵⁹ Ufunuo 10, ulisema, “Katika siku za kupigwa kwa baragumu ya malaika wa saba.” Sasa kumbuka, wa saba, Wakati wa kanisa la Laodikia. “Kupigwa kwa baragumu ya malaika huyo,” wakati huo wa kanisa tayari umeunda madhehebu na ukawa wakati wa kanisa, hapo unapomalizika katika madhehebu yake ya Kipentekoste; wakati yule mjumbe wa huo. . .

Kila mjumbe alikuwa nini? Martin Luther alikuwa nini? Onyo kwa kanisa Katoliki. Wesley alikuwa nini? Onyo kwa hao Waluteri. Pentekoste ilikuwa nini? Onyo kwa hayo mengine. Uhai umeenda wapi sasa? Umeondoka kwenye mahehebu. Hamna kapi tena; ni Punje. Ni nini? Onyo kwa Pentekoste, mnaona, kuyatimiza Maandiko ya saa hii. Mnaona?

²⁶⁰ Angalia, siku ile ile ambapo mjumbe huyu. . . Si wakati anapoanza, bali wakati anapoanza kutangaza Ujumbe wake. Mnaona? Mvuto wa Kwanza, kuponya; Mvuto wa Pili, kutabiri; Mvuto wa Tatu, kufungua Neno, kufunguliwa kwa siri. Hakuna zaidi, hakuna cheo cha juu zaidi cha kufunua Neno, kuliko manabii. Bali njia pekee ambayo nabii anaweza kuthibitishwa ni kwa Neno. Pia, kumbukeni, ule Mvuto wa Tatu ulikuwa kufunguliwa kwa zile Muhuri Saba, kuifungua Kweli iliyofichwa ambayo imetiwa muhuri katika Neno. Mnaona jambo hilo? [Kusanyiko linasema, “Amina.”—Mh.]

Ni wakati huo, katika siku hiyo wakati kitu hiki kitatukia, ambapo Yane na Yambre, wale waigaji, watakapotokea tena. Kama tu walivyofanya wakati Musa alipotokea na Neno la asili, kulisema Hilo; wao wanatokea kuliiga Hilo. Kweli kabisa tu. Sasa mnaona Mathayo 24:24 ni nini? Mnaona, waliotiwa mafuta!

²⁶¹ Sasa kuna mambo matatu tutakayosema kabla ya kufunga. Ni haya. Nawatakeni msikilize kwa makini sana sasa tunapofunga. Mambo matatu, kumbukeni, mambo matatu yametimizwa. Mambo matatu yapo mbele yenu sasa hivi.

²⁶² La kwanza. Ulimwengu umo katika hali ya Sodoma. Yesu alisema lingetukia. Angalia huo upotovu; wanawake wetu wakijaribu kutenda kama wanawake, dondoadume; wameoza, wachafu, ni duni sana, wamepagawa na pepo, nao hawajui hilo. Biblia ilisema jambo hilo lingetukia, na hapo ndipo lilipo.

²⁶³ La pili. Ni kwenye wakati huo, kulingana na Maandiko hapa, ambapo Yane na Yambre wanatokea. La pili.

²⁶⁴ La tatu. Ni kwenye wakati uo huo ambapo Mwana wa Adamu atafunuliwa.

²⁶⁵ Huyu hapo mwamini wako, anayejifanya anaamini, na asiyeamini. Hilo hapo Neno lililo halisi limesimama wazi, limethibitishwa; huyo hapo anayejifanya anaamini akiliiga; na huyo hapo asiyeamini akilikataa jambo lote.

Lakini itakuwa Nuru yapata wakati wa jioni,
Njia ya kwenda Utukufuni hakika mtaipata.
(Hiyo ni kweli?)

Mataifa yanavunjika, Israeli inaamka,
Ishara ilizotabiri Biblia yetu;
Nazo siku za Mataifa zimehesabiwa (Sodoma),
zimekubwa na hofu;
Rudini, enyi mlidharauliwa, makwenu.

Siku ya ukombozi imekaribia,
Mioyo ya wanadamu inavunjika, katika hofu
hii;

Jazweni na Roho wa Mungu, zitengenezeni taa
zenu na mzisafishe, (kusudi mpate kuona
Neno la wakati huu,)

Angalieni juu, ukombozi wenu umekaribia!

Manabii wa uongo wanadanganya, (wao
walisema wangukuwa hapa; watiwa mafuta),
Kweli ya Mungu wanaikana,
Ya kwamba Yesu aliye Kristo ndiye Mungu
wetu.

Hiyo ni, hawaliamini jambo Hilo. Biblia ilisema kutakuweko na kitu hicho hapa. Hiki hapa!

Bali sisi tutatembea ambapo mitume wamekanyaga.

(Nuru ile ile! “Na kuirudisha imani ya baba iwaelekee watoto wao.”)

Siku ya ukombozi imekaribia, iko karibu sana, Mioyo ya wanadamu inavunjika kwa sababu ya hofu, (dunia inadidimia);

Loo, jazweni na Roho wa Mungu, zitengenezeni taa zenu na mzisafishe.

Angalieni juu, ukombozi wenu umekaribia.

Mnaamini jambo hilo? [Kusanyiko linasema, “Amina.”—Mh.] Basi na tuviinamishe vichwa vyetu.

²⁶⁶ Huko nje kwenye nchi ambako Ujumbe huu unaenda, kutoka Pwani ya Mashariki hata ya Magharibi, kutoka California hata New York, huko chini Kusini, huko juu Kaskazini, huko nje kwenye umisheni, na po pote unapokwenda, na katika Maskani haya. Sisi ni maskini. Hatuna vitu hivi vikuu, vikubwa, maridadi, na televisheni. Tunajaribu tu kufanya vizuri tuwezavyo. “Bali wote alionipa Baba watakuja.”

²⁶⁷ Naam, nawatakeni mjue ya kwamba jambo hili ni kweli, nanyi ambao husikiliza kanda hii. Huenda mkafikiri leo kwamba nilikuwa nikinena habari zangu, kwa kuwa nilikuwa nikiubeba Ujumbe huu. Mimi sina uhusiano nao kamwe, si zaidi ya sauti. Na, sauti yangu, hata dhidi ya maamuzi yangu bora; nilitaka kuwa mtegaji. Bali ni mapenzi ya Baba yangu ambayo nimetangaza kufanya, na ninayoazimia kufanya.

Si mimi niliyetokea kule chini mtoni; nilikuwa tu nimesimama pale wakati Yeye alipotokea. Si mimi ninayefanya mambo haya na kuyatabiri mambo haya yanayotukia kikamilifu yanavyofanya; mimi ndiye tu ninayekuwa karibu wakati anapoyafanya. Mimi nilikuwa tu sauti aliyoitumia Yeye, kusema jambo Hilo. Haikuwa yale niliyojua; ni yale niliyojitolea kwake tu, aliyozungumza kupitia. Si mimi, haikuwa yule malaika wa saba, loo, la; ilikuwa ni kudhihirishwa kwa Mwana wa Adamu. Haikuwa ni yule malaika, ujumbe wake; ilikuwa ni siri aliyoifunua Mungu. Si mwanadamu; ni Mungu. Yule malaika hakuwa Mwana wa Adamu; yeye alikuwa ni mjumbe kutoka kwa Mwana wa Adamu. Mwana wa Adamu ni Kristo; Yeye Ndiye mnayejilisha. Hamjilishi mwanadamu; mwanadamu, maneno yake yatashindwa. Bali mnakula Mwili-Neno lisiloshindwa la Mwana wa Adamu.

²⁶⁸ Kama hamjajilisha kikamilifu kwenye kila Neno, kujipa nguvu kuruka juu ya madhehebu haya yote na mambo ya ulimwengu, unaweza kufanya hivyo wakati huu, tunapoomba?

²⁶⁹ Baba mpendwa, jambo hili ni gumu. Si rahisi kwa mwanadamu anayepatikana na mauti kulifanya. Wewe unajua mambo yote. Nami nakuomba Wewe, Mungu Mpenzi, ya

kwamba jambo hili halitaeleweka vibaya. Lakini, katika Nuru ya Neno Lako, watu na waenende.

²⁷⁰ Pia, Baba Mungu, sijui Wateule ni akina Nani; Wewe unawajua. Sijui Kuja Kwako kutakuwa lini. Bali ninajua tu ya kwamba ulisema haya yatakapotukia, hawa waliotiwa mafuta wa uongo; si mara walipoanza.

Musa aliwaacha peke yao tu, kwa maana asingefanya kitu juu yake. Yeye angesema tu yale uliyokuwa unasema. Ulimwambia aite viroboto; halafu wao wakawaita. Ulimwambia ayageuze maji yawe damu; halafu wao wakayageuza. Musa alitekeleza tu, Neno kwa Neno, kama ulivyosema Wewe, bali Wewe Ndiwe uliyedhihirisha huo upumbavu.

²⁷¹ Naam, Baba, Wewe ni Mungu, bado. Neno lile lile lilisema ya kwamba jambo hili lingetukia katika siku za mwisho. Watu wengi waaminifu, kama tulivyosema Jumapili iliyopita, wakiweka mikono yao kwenye Sanduku lile lililokuwa kwenye gari jipya, na si mabega ya Walawi, wameanguka wakafa, “wamekufa katika dhambi na makosa,” wanabishana dhidi ya dhamira yao wenyewe.

²⁷² Wahudumu wengi wanaoketi katika chumba chake cha kusomea, wanalisoma Neno hilo, na kugeuza karatasi upesi; wasije wakapasuka, kujua ya kwamba atachukiwa na watu, pamoja na kanisa lake na madhehebu yake. Mungu na atusaidie tusifanye jambo hilo kamwe!

²⁷³ Isafishe mioyo yetu, Bwana, na uchafu wote wa ulimwengu. Bwana, nimesimama nikiwa tayari kusafiwa. Ninasimama nikiwa tayari, pamoja na kanisa hili na wote wanaosikiliza, na ye yote atakayeisilikiza kanda hii. Nasimama, Bwana, na kuomba kusafiwa. Bwana, nipeleke kwenye kituo cha mfinyanzi kisha univunjevunje, nifinyange niwe mtumishi ambaye ungemtaka Wewe.

Kwa kuwa, Bwana Yesu, “Mimi ni mtu mwenye midomo michafu,” kama alivyolia Isaya, “nikiishi na watu wenye midomo michafu; na ole wangu, kwa maana naona ufunuo wa Mungu ukidhihirishwa,” kama Isaya alivyowaona wale Malaika katika Hekalu. Nimeona wakati wa mwisho, Bwana, na ole wangu na jamaa yangu; ole wangu na watu wangu. Ee Mungu wa Milele, turehemu. Naomba dua kwa ajili yangu mwenyewe na hawa watu. Na tusingamie na hao wasioamini, bali na tuishi pamoja na waamini.

²⁷⁴ Kila madhehebu, Bwana, kila mwanamume ama mwanamke. . . Siwezi kukuomba uyabariki madhehebu, wakati ninapojua Wewe unayapinga. Bali naweza tu kusema, Bwana, iwapo una kondoo Wako wo wote huko miongoni mwao, naomba waisikize kanda hii. Naomba waisikie, Bwana, na waelewe kwa ufahamu utakaowapa Wewe, nao na watoke waje wakupokee Wewe. Jalia wasidanganywe na upofu na mapokeo ya siku hii.

Jalia wasijaribu kula kitu ambacho... ama kilikuwa mzoga katika siku nyingine. Jalia walichukue Neno.

Hivyo ndivyo Mafarisayo walivyokusulubisha Wewe, Bwana. Wao walikuwa wakichukua mzoga wa siku za Musa, na wanajaribu kuufurahia; baada ya Wewe kutoa mfano, kule nyikani, wa mana mpya kila usiku, ikimaanisha kila kizazi. Hapo ndipo waliposhindiwa. Uliwatia sumu. Uliwaua, kula chakula hicho kilichokuwa kimeambukizwa.

Na, kiroho, inafanya jambo lile lile leo; inawaua, kiroho, kwa madhehebu.

Tusaidie, Mungu mpenzi. Yote yako mikononi Mwako sasa. Katika Jina la Yesu.

²⁷⁵ Huku vichwa vyetu vimeinamishwa, tutauimba huo wakati mnapofanya uamuzi wenu. Je! utaenda kote?

Naweza kumsikia Mwo-... (naye ni
Neno) ...-ngu akiita,
Naweza kumsikia...

“Loo, nilitangatanga wakati mrefu, lakini, kweli, sasa hivi namsikia; Njoni Kwangu, ninyi nyote mnaoenda mkipapasa.’ Sikilizeni, ‘chukua msalaba wako, unifuata Mimi kila siku.’ ‘Naam, hata nikitembea katika bonde la uvuli wa mauti, sitaogopa mabaya; kwenye vivuli vya malisho ya majani mabichi, na kando ya maji ya utulivu”

Nako aniongozako mimi...

“Bwana, ninaona upumbavu huo wa wa utatu. Ninaona ulimwengu wote umepandwa mle ndani; magugu yakikua kila mahali. Bali utakakoniongoza sasa, Bwana, nitakuwa kama wale kwenye Matendo 19, “Waliposikia Haya, wakabatizwa tena kwa Jina La Yesu Kristo”

...fuata, (“Nimeenda sehemu ya njia, Bwana,
ya kutosha kukupokea Wewe.”)
Sasa nitaandamana Naye kote.

[Ndugu Branham anaanza kuuvumisha *Aniongozako*—Mh.]

²⁷⁶ Mungu mpenzi, natumaini huo unatoka moyoni mwangu. Natumaini ya kwamba unatoka katika moyo wa kila mtu anayeimba huo wakati huu, labda wengi watakaosikiliza kanda hii, ambao hawako ama wasioisikiliza sasa. Jalia tuwe tayari, Bwana, haidhuru itagharimu nini. Kasema, “Ni kama mtu anayetoka kwenda kulikabili jeshi lingine, askari, mfalme; kwanza yeye huketi na kuhesabu, iwapo yeye anaweza kufanya jambo hilo, kama anaweza kuyaacha mambo ya ulimwengu? Unaweza kuyaacha, ujiunge na jeshi la Neno la Mungu lilioandikwa; upige hatua na askari Wake, uruke pamoja na tai Wake?” Tujalie, Bwana, katika Jina la Yesu.

277 Mnaamini? Mnamkubali? Vema. Tutawaona hapa tena, usiku wa leo, Bwana akipenda. Mnaamini jambo hilo kuwa ni kweli? [Kusanyiko linasema, “Amina.”—Mh.] Ni dhahiri vya kutosha? [“Amina.”]

Basi peleka Jina la Yesu
Kokote uendako;
Litafurahisha moyo,
Peleka uenda- . . .

Naam, peaneni mikono na mtu fulani karibu yako sasa.

Thamani, na tamu,
Ni Jina Lake Yesu;
Thamani, na tamu,
Ni Jina Lake Yesu.

Kwa Jina la Bwana yesu,
Nimejiinamisha;
Ndiye Mfalme wa wafal. . . (Yeye ni Mungu,
basi)
Katika ya maisha.

Thamani, thamani, na tamu, na tamu,
Ni Jina Lake Yesu;
Thamani, na tamu,
Ni Jina Lake Yesu.

278 Natumaini ya kwamba wahudumu wote walijulishwa asubuhi ya leo, kutambulishwa.

Wakati mtu ameomba juma nzima, akishangaa vipi, akiona Maandiko haya, hayo yamesimama moja kwa moja mbele yako. “Ole wangu,” kasema Paulo, “nisipoihubiri Injili.” Mwisho wa safari yake, yeye alisema, “Sikujiiepusha na kuwatangazia Shauri lote la Mungu kama nilivyokabidhiwa kwangu.”

279 Nasahau wakati mwingine kuyatambua mambo, kuwaleta, kuwaweka wakfu watoto wachanga.

Billy alisema, juzijuzi, mtu fulani alikuja, kasema, “Nimekuwa nikija hapa kwa miaka miwili, kumleta mtoto wangu awekwe wakfu.”

Billy akasema, “Usiwazie mabaya juu ya mambo hayo. Nina mtoto mchanga, ana umri wa mwaka mmoja, naye hajawekwa wakfu bado, vivyo hivyo. Kwa hiyo nitangojea tu hata atakapokuwa mkubwa vya kutosha kwenda huko mwenyewe, nadhani.”

280 Kwa hiyo tunaona ndugu, dada, si—si, mnaona, mimi. . . Jambo moja, tunapaswa kuwaweka wakfu watoto wetu.

Tunapaswa kumbatiza kila mmoja. Kuna kidimbwi; haya hapa maji. Kama hujabatizwa, ni nini kinachokuzuia? Haya hapa maji. Njoo sasa hivi. Usingoje mpaka usiku wa leo, njoo sasa hivi. Kuna mtu anayesimama hapa atakayembatiza

mtu ye yote ambaye ametubu na kufanya maungamo. Kama umebatizwa mara dazani moja, wao watakubatiza katika Jina la Yesu Kristo kwa ondoleo la dhambi. Mnaona? Tuna jambo hilo.

²⁸¹ Lakini, angalia, Ujumbe umo moyoni mwangu. Sina budi kuutoa. Hilo ndilo kusudi langu pekee, haidhuru mke wangu anasema nini, watoto wangu wasemavyo, mchunguji wangu asemavyo, cho chote changu kistemavyo. Ni Bwana wangu. Sina budi kuutoa Huo. Hilo ndilo kusudi langu pekee.

²⁸² Na sasa, wakati mwingi, mimi husahau kuwatambua wahudumu. Nakisia labda . . . ndugu yetu, Ndugu Neville, ndugu wa thamani. Hawa ndugu wengine hapa, tuna furaha kuwa pamoja nanyi.

²⁸³ Si kwamba hatukubaliani nanyi, ndugu, kuwa tofauti. Wengi wenu hapa huenda mkawa ni wahubiri wa Utatu. Hatutaki kuwakasirikia. Tunawapenda. Kama hatukuwapenda, kama sikuamini jambo hilo, nisingeondoka kwenye kanisa hili hata nishuke niende kule nikapige magoti yangu na kusema, “Mungu, nifanye sawa.”

Sitaki roho huyo mwenye kiburi na mchoyo achanganyikane na yangu. Nataka roho yangu iwe nyeupe na safi, upendo wa kindugu, iliyo takatifu kwa Roho Mtakatifu. Naam, mtu fulani akinitenda ubaya wo wote, hilo ni sawa. Na hata ingawa naweza nikawa na haki ya kulipiza kisasi, sitaki jambo hilo maishani mwangu. La, na—nataka kuwa na upendo. Nataka kuwa tayari kusahihisha kwa upendo, kwa upendo ambao hujibu kabisa huko ng'ambo kwa ajili yake.

²⁸⁴ Sitaki kuwa tofauti. Methodisti, Batisti, Katoliki, Presbiteri, hata uwe nani, sisemi mambo haya kusudi niwe tofauti, kuwa na kiburi kwenu. Kama nilifanya jambo hilo, mimi ni mnafiki na napaswa kuwa chini hapa madhabahuni, nikimwomba Mungu.

Lakini nasema jambo hilo, ni kwa sababu ya upendo, nami naona kule manakoelekea. Naam, sisemi jambo hili ndani yangu mwenyewe, na kusema ninathubutu. Ninawapa BWANA ASEMA HIVI. Hilo ni Kweli. Nami nawapenda kwa mambo hayo. Mungu awabariki.

²⁸⁵ Sasa tunapoimba aya nyingine ya wimbo huu, hebu, kabla hatujaondoka. Tunawatakeni mwe hapa usiku wa leo, mkiweza. Msipoweza, Mungu awe pamoja nanyi hata tutakapoonana. Tunaomba tu ya kwamba Mungu ata— atawabariki na awape yaliyo mema sana ya nchi Yake, mnaona.

Peleka Jina la . . .



WATIWA MAFUTA KATIKA WAKATI WA MWISHO SWA65-0725M
(The Anointed Ones At The End Time)

Ujumbe huu wa Ndugu William Marrion Branham, uliohubiriwa hapo awali katika Kiingereza mnamo Jumapili asubuhi, 25 Julai, 1965, katika Maskani ya Branham kule Jeffersonville, Indiana, Marekani, hapo awali ulitolewa kwenye kanda za sumaku na kupigwa chapa bila kufupishwa katika Kiingereza. Hii tafsiri ya Kiswahili ilichapishwa mwaka wa 1994 na Voice Of God Recordings.

SWAHILI

©1994 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Ilani ya haki ya kunakili

Haki zote zimehifadhiwa. Kitabu hiki kinaweza kuchapishwa kwa matbaa ya nyumbani kwa matumizi ya kibinafsi ama kusambaza, bila malipo, kama chombo cha kuitangazia Injili ya Yesu Kristo. Kitabu hiki hakiwezi kikauzwa, kunakiliwa kwa wingi, kuwekwa kwenye mtandao, kuhifadhiwa kikatolewe tena, kufasiriwa katika lugha zingine ama kutumiwa kuomba fedha bila idhini halisi iliyoandikwa moja kwa moja kutoka Voice Of God Recordings®.

Kwa habari zaidi ama kwa vifaa zaidi, tafadhali wasiliana na:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org